

## ИОН ДРУЦЭ

### АСЛИГА ҚАЙТИШ

Русчадан Мирҳамид Аҳмедов таржимаси

Йигирманчи асрнинг бошлари, Россиянинг ичкариси. Тўрвасини орқалаб олган тиланчи тунда Тула губерниясининг совуқ далалари оралаб кетяпти. У зерикеб қолмаслик учун ҳуштак чалиб борар экан, жулдур кийимлари остидан ҳали бақувват жуссаси сезилиб турарди. Тиланчининг исёнкор қалби завқ-шавққа тўлиб-тошгандек туюлади. Куз ҳам, ёлғизоёқ йўл ҳам, туннинг сирли шарпалари ҳам—ҳамма-ҳаммаси унга қадрдон ва таниши.

Тепалиқдан тушаверишда, йўл ёқасида Ясная Поляна қўргони дарвозасининг икки четига ўрнатилган думалоқ тош миноралар оқариб кўзга ташланади. Тиланчи туну кун ланг очиқ турадиган дарвозадан ичкарига киради. Ясная Поляна ҳовлиси сокин, осуда, ҳовуз, йўлкалар саришта. Боённинг икки қаватли уйига киришдаги катта эшик олдида, бу ерга узоқ-узоқлардан йўл чангини ютиб келувчилар учун мўлжалланган харрак бор. Унинг тепасидаги дарахтнинг йўғон шохига қўнғироқ осиб қўйилган. Бу дарахт йўқсиллар дарахти номи билан машҳур.

Афтидан, тиланчи ҳам узоқ йўл босиб келган. Харракка чўкиб, одатий ҳаракат билан боши узра чайқалиб турган қўнғироқ ипини тутди-да, уни бир неча марта силтаб тортди. Аммо қўнғироқ жарангламади. Буни кўриб тиланчи қаттиқ таажжубланди...

— Епираи...

Яқин-яқиндан бери, қўргон эгаси бетоб бўлиб қолганидан буён қош қорайгач, қўнғироқни қоп билан ўраб қўядиган бўлишганди. Тиланчи бу тадбир тўғри қилинганми ёки йўқми, дея бир муддат ўйланиб қолди.

Лекин ҳеч қандай қарорга келолмай, тўрvasини елка-  
сидан олди-да, гўё суҳбатдоши ёнида ўтиргандай аста  
минғиллаганича харракка жойлашиб ўтирди:

— Ижозатингиз билан, Лев Николаевич, шу ерда,  
девс렁ингиз тагида ухлаб оламан, модомики, ўзингиз  
айтганингиздек, биродар эканмиз...

Деразаларда қоронғилик, хона ичи сув қўйгандек  
жимжит, фақат биринчи қаватдан иккинчи қаватга  
олиб чиқувчи йўлакдагина тунги чироқ мажолисиз чир-  
силлади. Катта инглиз соати тўрт маротаба жом  
чалди. Шу заҳотиёқ кекса одамнинг заиф йўтали  
эшитилди. Қария уй ичидагилардан биронтасини бе-  
зовта қилмаслик учун секин йўталарди.

Иккинчи қаватдаги мўъжазгина хона. Ўрин тўшал-  
ган диван, кўзига уйқу илинмаётган қария беҳаловат.  
Бироқ қалби ҳамда зеҳни тийрак ва энди тун яримдан  
оққанида чол ўйлади: «Соат тўртдан ошди, ҳамон  
ухломаяпман. Оёғим зирқираб оғрийди, орқа миям  
увушади. Назаримда, яна ҳушимдан кетгандайман.  
Оқшом юрагим увушиб келаётганини сезгандим.  
Софьянинг қулоғига чалинса, жазаваси тутиб уйни бо-  
шига кўтаради, деган хавотирда ҳеч кимни чақирмаган-  
дим. Ҳаммасидан нашъя қиласидигани уриш-жанжалдан  
кейин қаршимда тиз чўкиб қўлимни ўпиши, ҳеч ҳазм  
қилолмайман шу одатини».

Соат мурватларини аста шиқирлатиб яна ўн беш  
дақиқа ўтганига занг урди. Қўшни хонада Софья Ан-  
дреевна ўринда тўлғаниб ётибди. У бош томонга қўл  
чўзди-да, тимирскиланиб шишаҷани топди ва қошиқقا  
бир неча томчи дори томизди. Доридан сўнг афти буж-  
майиб сув ичиб юборди ва яна хаёлга чўмди: «Йўқ,  
унинг мени яхши кўрмаслиги равшан. Зорим бор, зў-  
рим йўқ, бо худо, севмаса севмас. Ёш ўтган сайин ҳис-  
туйгулар ҳам қариб боради, дейишади. У ҳолда нега  
Чертковни яхши кўради? Бутун сир-асрорини унга  
ишониб айтади! Хўш, нега у борган сари мени ишлари-  
дан четлаштириб қўяяпти?»

Қўшни хонадан йўтал эшитилди, Софья Андреевна  
нафасини ичига ютди.

Тиланчининг ҳам кўзига уйқу келмаяпти. Тақир  
харракда у ёнбошидан бу ёнбошига ағанаганича ўй-  
лади: «Уй иссиқ, пар тўшак бўлса, жоннинг роҳати,  
бунга нима етсин! Бундай ҳаёт учун қаттол душма-

нингдан тарсаки емоқ учун чаккангни тутиб беришинггина эмас, бошингни берсанг ҳам алам қилмайди».

Лев Николаевич кўзини юмиси ётаркан, кулимсиради: Нақадар ғаройиб, нақадар ажойиб тақдирим бор! Мужикларнинг ҳуқуқсизлиги, зулмнинг барча даҳшатларини кўриб юрагим қонга тўлиши ва қанчалар қийналишимнинг жилла қурса, юздан бир заррасини ҳис қиласиган йўқсил бормикин дунёда. Буни мен кўпдан бери ҳис қиласман, бу нарса йиллар ўтган сари дилимда йигилиб борарди, сўнгги вақтда эса сабр ко-сам лиммо-лим тўлиб, ҳатто тўкила бошлади. Шуларни ўйлаб ўз ёгимга ўзим қовурилсам-да, бой-бадавлат кишиларнинг бузуқ даврасида яшаб келяпман ва бу даврадан бош олиб чиқиб кетолмаяпман, бунга ўзимда на куч ва на қатъият топаман».

Софья Андреевна яна тинчлантирувчи томчилардан ичади ва яна унинг хаёлини оғир, зил ботувчи ўйлар чулғаб олади: «Лёвочка, фарзандларимизни меросдан маҳрум қилувчи васият қоғозига имзо чекканинг ҳақидаги тахминларим тўғрими? Ёинки сен яқин кунлар ичи шу маънодаги васиятни битмоқчимисан?.. Лёвочка, қандай қарорга келган бўлмагин, эътиқодинг қандай бўлишидан қатъи назар, мен фарзандларимизнинг бир тийинсиз қолиб, дарбадар тарқаб кетишлирига йўл қўёлмайман. Бугун сен кечқурун кундалик дафтардан бош кўтармай ўтирединг, нималар ёздинг, менга қоронғи, шу боис ҳам ухломаяпман. Сен мендан бирон нарсани яшиrolмайсан. Мен сенга бир талай бола туғиб бердим, бутун умрим қоғозларингни тартибга келтириб, ёзганларингни оқقا кўчириб келдим, мен сенинг энг яқин, энг садоқатли дўстингман. Шу боисдан ҳам кечқурун нималар ёзганларингни ўқимагунимча ухломайман»

Соат тўрт яримга жом чалди. Софья Андреевна аста ўрнидан туради, халатини елкасига ташлаб эрининг иш хонасига ўтади, шамни ёқади ва унинг столини титкилай бошлайди. Лев Николаевич унинг қўшни хонада қоғозларни шитирлатишини эшитиб турибди, йўтал хуружини босиб ўйлади: «Азизим Соня! Ёшлигимда севғаним каби бир ёстиқча бош қўйган кунимиздан бери ўтган қирқ саккиз йил бадалида кўнгил совишнинг турли-туман сабабларига қарамай бирдай севғанман ва ҳозир ҳам севаман. Сенинг маънавий қараш-

ларингни қабул этиб, мен билан событқадам бўлмаганинг учун сени койий олмайман. Ҳар бир инсоннинг маънавий ҳаёти сирдир, шу боис, ўзгалардан шундай сирни талаб қилиш ножоизdir, чунки бу ҳолда у сир бўлмай қолади. Аммо ҳаёт тарзимни, қароримни мен ўзгартиролмайман, чунки фикрларим, бу борадаги сўзларим озодлигим, эркинлигим инъикоси ва мен уни истаган киши олдида ҳимоя қила оламан. Илтимос, Соня, тунлари қоғозларни титкилама. Мабодо сен менинг шартларимни қабул қилмасанг, менни эркимдан маҳрум этсанг, мен Яснаядан бош олиб чиқиб кетаман».

Шу сўзлардан сўнг Софья Андреевна бирдан қотди-қолди. Тезгина шамни ўчириди, хонадан чиқди. Лев Николаевич йўтал хуружини қанчалик қайтармасин бўлмади. Ноилож ўрнидан туриб кетди.

Лев Николаевич дераза олдига келди, бир тавақасини очди, мусаффо ҳаво йўталини босди, уй ичига чуқур сукунат чўқди ва айни шу сукунат биринчи қаватда ухлаётган доктор Маковицкийни уйғотиб юборди. Душан Петрович тезда халатини елкасига ташлади, кўзойнагини тақди, иккинчи қаватга, Толстой хонасига кўтарилиди.

— Лев Николаевич, ўзингизни ёмон ҳис қиляп-сизми?

— Дард, азоб чекмасак, бу ҳаётимиз қадри сариқ чақа бўлармиди. Бу нарса Кантда қандай ифодалангани ёдингиздами? Дард, азоб чекиш бизни ҳаракат қилишга мажур этади ва фақат ҳаракатларимиздагина биз ҳақиқий ҳаётни сезамиз...

Душан Петрович унга яқин борди ва таҳликали, айни чоғда сирдош киши оҳангига сўради:

— Ясна Полянани ташлаб кетишга қатъий қарор қилдингизми?

Толстой ўйларди. Жуда ҳам муҳим ва масъулиятли эди бу.

— Ҳали узил-кесил қарорга келганим йўқ. Аммо дақиқа сайин шу тўхтамга келишим мумкин!

Маковицкий лом-мим демади, калта қирқилган қуюқ соқолини силаб қўйди.

— Лев Николаевич, мабодо шундай қарорга келгундек бўлсангиз, сизни бу йўлда кузатиб борсам, ҳамроҳингиз бўлсан дегандим.

Толстой унга кексаликнинг хира кўзи билан қаради.

— Назарингизда, мен шунчалик ожиз, иштавонманми, ўзгаларнинг ёрдамисиз бу уйни тарқ әтолмайманми?

Маковицкий уялинқираб соқолини силади.

— Гап унда әмас, Лев Николаевич. Мен фақат врачингизгина әмасман-ку, сизнинг эътиқодингизни тарғиб қилувчи ўқувчингиз ҳамман-ку!..

Лев Николаевич ҳаяжонланиб кўзи ёшланди. Бу ҳол шу қадар тез содир бўлдиким, у янада яқинроқ келиб наридан-бери докторни бир қўллаб қучоқлади.

— Ҳаётимда сизни учратганим қандай баҳт. Ва яна қандай баҳтким, ушбу мушқул дақиқаларда ёлғиз әмасман, ёнимда сиз борсиз...

Маковицкий ҳозир айтмоқчи бўлган гапини ўзича словакчадан русчага узоқ ўйланиб, ҳижжалаб таржи-ма қилди.

— Менга нисбатан айтган гапларингизга биргина бош эгиш билан жавоб берга өламан.

Соат учдан ўтганига жом чалди.

— Ҳадемай тонг отади,— деди Маковицкий,— шу кунлар ичи сиз ўзингизни жуда эҳтиётлашингиз, камроқ уринишингиз керак бўлади. Йўл машақатли бўлиши мумкин.

— Ётаман. Дераза олдида бир оз турай, йўталим буткул босилсан, кейин ётаман.

Душан Петрович биринчи қаватга— ўзининг хона, сига тушди, бироқ эшикни ёпмай, икки қулоғи юқоридан эштилаётган тиқ этган товушда бўлди.

Кузда саҳар палласи сарин шамол эсади, қоровул ёғоч шақилдоқни чалди, ит ҳуриди, сўнг яна сукунат чўқди. Толстой эса ҳамон бориб ўрнига ётмаган, дера за олдида қандай турган бўлса, шундай турибди. Доктор яна бир карра унинг ёнига кўтарилиди.

— Бирон-бир нарса истайсизми, Лев Николаевич?

Толстой доктор томон ўгирилмай шивирлаб жавоб қилди:

— Ёлғизликни истайман. Ёлғизликка шунчалик чанқоқманки.

Тиланчи харакада ширин ухляяпти. Софья Андреевна ҳам боши узра дори шишаҷалар қалаштириб ухлаб ётибди, беҳад юмшоқкўнгил Маковицкий ҳам ўз хонасида стулда ўтирганича ухлаб қолган, биргина бадав-

лат рус боёни Лев Николаевич Толстойнинг кўзига уйқу келмайди.

Николай II Нева бўйидаги Қишки сарой кутубхонасида юмшоқ креслода ялпайганича ўтириди. Кечани у қиролича фрейлина Анна Александровна Вирубова билан ўtkазди. Шу топда фрейлина шоҳ эркалашларидан кўкарган ва шилингган танасига шўр пахта босиб ётар, шоҳ ўзини давлат ишларига чоғлар, чунки доклад учун уч министр чақирилга!, боши эса арининг инидек гувилларди. Афтидан, кеча бир оз меъридан ошиқроқ ичиб юборибди. На илож, император ҳазратларининг мусаллассиз кайфиятлари чоғ бўлмайди.

Кутубхонанинг эшиги аста очилди ва Николай II қиролича бўлса керак деган хаёlda ростланиб ўтириди. Одатда угина огоҳлантирмай кириб келаверарди, аммо эшикка қия кўэ ташлаб шоҳ янада эски ҳолатига қайтиди. Эшикда саройнинг коменданти генерал Трепов турарди.

— Олий ҳазратлари, буюк князь Николай Михайлович зудлик билан қабул қилишингизни сўраяпти...

Император ўрнидан турди, иш столига борди, кўпдан бери ўрганилган қиёфа олди, бу қиёфада у янада салобатли кўринарди, норози, ҳоргин овозда деди:

— Кирсин.

У буюк князларни ёқтирмас, айниқса Николай Михайлович ўзининг муросасизлиги билан меъдасига урганди. Бу ҳам етмаганидек, Николай Михайлович ҳаддан ортиқ билагон эдики, бирон мавриди билан унга ўта норози эканини билдириб қўйиши лозим эди.

— Сени кўришдан хурсандман,— деди Николай II әшикда буюк князнинг гавдаси кўриниши билан.— Кўпдан бери кўринмас эдинг?

— Олий ҳазратлари, ишга кўмилиб ётибман. Боз устига, эшиклар тижирламаслиги учун шоҳ ҳузурига иложи борича кам кирган маъқул дейдилар.

Император хохолаб кўзи ёшлангунча кулди.

— Жуда бамаъни гап.

Қайтиб келиб юмшоқ креслосига ўтириди, бош қимирлатиб буюк князни ўтиришга таклиф қилди. Буюк князь кресло олдига борди, аммо ўтирамади.

— Меросхўрингиз соғайиб кетганлиги билан сизни табриклиш учун келгандим,— деди у.— Эшитишмча, йигитча буткул соғайиб кетганмиш?

— Ҳа, йигитча соғ-саломат. Қарийб соғ-саломат.  
— Бундан ташқари,— деди буюк князь сидирға оч-сарғиши костюмининг ички чўнтағига қўл солиб,— мен сизга махфий топнишмоқчи бўлган...

— Арзномами?

— Йўқ, арзнома эмас. Мактуб, олий ҳазратлари, Император қошини керди—император канцелярияси орқали келмайдиган махфий мактубларни ёқтирилас эди, бу хил мактубларда доимо бирон нөхуш гап бўларди.

— Бу мактубни жорий этилган йўл билан берилса бўлмасмиди?

— Йўқ, олий ҳазратлари. Бу мактуб граф Лев Николаевич Толстойдан.

Мактубни олсинми ёки гапида туриб мактуб канцелярия орқали қўлимга тегсин десинми, шоҳ шуни ўйларди. Ҳа, мактубнинг қонунлаштирилган йўл билан ўтиб келгани маъқул албатта, бироқ ким билади, балки бирон бемаъни гап бордир.

У юмшоқ креслода ўтиаркан, шошилмай чуқур ўйлади, ўйлагани сари бутун вужуди, ихтиёридан ташқари шоҳлик ҳукмига ва қатъийликка тўла бошлади.

— Унда салтанат нуфузига соя ташлайдиган ҳурматсизлик битилганми?

— Бўлмаслигидан бўлиши кўпроқ, олий ҳазратлари...

— Мактуб мазмунни билан танишмаганидингиз?  
— Йўқ, олий ҳазратлари.

Буюк князининг афти ангоридан гирт ёлгон гапираётганлиги қўриниб турибди. «Ҳа, йўқ,— деди ўзича Николай II,— азизим, сени бу бемаъни битикни ўқиб чиқишга мажбур қиласман, токи бу хил махфий мактубларни ташиб юрмагин». Ва кулимсираб сўради:

— Ундей бўлса хатни очиб ўқинг. Мазмуни қоронги бўлган мактубни холис хизмат қилиб келтиришдан сизга нима наф?

Айтишга айтди-ю, шу заҳотиёқ пуштаймон қилди, чунки буюк князга бу айни муддао—граф номини дастак қилиб император устидан кулмоқчи афтидан. Бироқ Николай Михайлович бу орада мактубни ўқий бошлади:

— Афтидан, сизни чор ҳукумати ва унинг вакили — шоҳга халқнинг ҳурмат-муҳаббати зўр, деб чал-

ѓитаётибдилар. Сизни Москвада ёинки бошқа шаҳарларда кутиб олишга чиққан халқ тўдаси ортингиздан «ура!»— деб елиб-югуришига сира ишонманг. Бу менга садоқат рамзи изҳори деб ўйламанг — нари борса, бу шаҳарга ташриф буюрган сайёр цирк труппаси ортидан, худди шоҳ файтон ортидан югурадиган томоша ишқибозларининг тўдасидир. Сиз, халқнинг менга муҳаббатини изҳор қилувчилар деб қабул қилганингиз кўпинча полиция томонидан уюштирилган, яъни сизга халқни садоқатли кўрсатиши керак бўлган одамлардир. Мисол учун Харьковда бувангизни кутиб олишда шу хил воқеа рўй берди, черков одамларга лиқ тўла, аммо йигилганларнинг бари изқувар полиция одамларидан иборат эди...

Шу ерга келганда шоҳнинг сабр-тоқати тугади. Николай буюк князнинг қўлидан мактубни юлқиб олди, ғижимлади. Ёзув столи ёнига қўйилган катта яшил тош вазага ташлади, дераза олдига борди, Неванинг лойқа, муздек сувига узоқ ва қаҳрли тикилди, сўнгра стол олдига қайтиб келди, вазадан ғижимланган мактубни олди, текислади ва энди стол ёнида, одатдаги ўрнида ўтиаркан, охиригача ўқиди. Ва яна мактубни ғижимлади, иккинчи маротаба вазага ташлади — энди асосийси, муҳими, тинчланиш, ўзни қўлга олиш, чунки буюк князъ унинг ҳар бир ҳаракатини кўздан қочирмай кузатяпти, император эса бирон-бир ҳаракат қилибгина ўзини қўлга олиши мумкин. Бу ҳаракат куч ва зарда билан бўлиши керак, куч ва зарда унда керагидан ортиқча бор.

— Графни бу қадар ғалати мактуб ёзишга ундан сабаблардан хабарингиз борми?

— Йўқ, олий ҳазратлари.

— Бу зиёлилар,— деди боши қотган Николай II,— лекин «зиёлилар» деган сўзни айтаркан, юзи ижирганишдан тиришди. Эшик очилиб яна генерал Трепов кўринди, бироқ император, чиқиб туришни ишора қилди, шундан сўнг эшик юзига ёпилгач, сўради:— Бу мактубдан бўлак яна ниманидир айтмоқчи бўлувдингиз, шекилли?

— Ҳа, олий ҳазратлари. Граф Толстой, бу мактуб учинчи бир шахснинг қўлига тушмасмикан деган жавотирда эди.

— Учинчи шахс қўлига тушиб бўлди.

— Қандай қилиб?!— ҳайратга тушди буюк князь.  
— Қандай бўларди... Бу мактубни графнинг ўзи ёзган — бу биринчи қўйл, кейин ўқиган мен — иккинчи шахс ва ниҳоят сизнинг қўйлингиз...

— Мен ҳисобга кирмайман, олий ҳазратлари. Мен шоҳ салтанатига ҳам, буюк рус ёзувчининг номига ҳам бирдек садоқат билан қарайман...

— Ундаи экан,— деди Николай II бир қадар кўнгли тинчиди,— графга айттириб юборишингиз мумкин, мактуб учинчи бир шахс қўлига тушмайди.

— Шунинг ўзи мактубга сизнинг жавобингиз бўладими?

— Худди шундай. Граф мендан ҳеч нарса сўраётгани йўқ-ку. Халқ ўзининг шоҳини яхши кўрадими, йўқми, нима қилибди, граф ёзишмаларини кўкларга кўтариб мақтайдиган ўқувчилар ҳам унчалик даражада самимият билан унинг дунёқарашини маъқулламе Ҳидилар-ку, шуни ҳам эътиборга олиб қўйиш лозим.

Қаттол қари бўри кузги хилват ўрмон оралаб боряпти. Қадам олиши, теварак-атрофга айёrona боқиши — ҳамма-ҳаммасидан умри давомида ҳар балони кўргани билиниб турибди. Томирода қон қайнаган ёшлиги ҳам, етакчилик қилган тўдаси ҳам ва ёш, чиройли ургочи бўрилар ҳам, бари бошидан ўтган. Овчилар ҳам, оёғи етган ерда қон қақшатишлар ва саноқсиз олишишлар изи, яра-чақалар ҳам бўлган. Энди у ўрмон оралаб бир ўзи, ёлғиз боряпти. Эндиликда у тумшуғини кўтариб шамолни исказмайди, тиқ этган товушга қулогини динг қилмайди. У жуда-жуда қаридир қолган, кўнгли бирон нарса тусамайди, унга ҳеч нарсанинг кераги йўқ. Оёғини узатиб мудраб ётса қанийди, бироқ буни ҳаёт дейдилар, нима ҳам қила олардинг. Ўша, ширин ўйқу элтган тун, қандайдир олий кучлар — тақдир овози, қисмат саси — уни уйғотиб юборди ва фурсат етди, дедилар. Ва у бу овозга итоат этди. Шу заҳотиёқ ўрнидан турди ва шимол томонга — ҳаётидаги энг машаққатли, сўнгги йўлга тушди.

Ясная Поляна ўрмонлари аста-секин истар-истамас жонланяпти. Баланд әманларнинг баргларидан шудринг майин шовуллаб тўқилади, қушлар инларида уй-

малашади, илк тонг нурлари ҳўл, намиққан арчазор оралаб таралганида, ўрмондаги ёлғизоёқ, кенг йўлда бир отлиқ кўринди. От зотдор, кўзга яқин эди, юз тузилиши Шарқдаги одамларнидақа, отлиқ эса, эгарда виқор билан ўтиради. Кўринишидан хотиржам, бир қадар эринчоқлик аралаш ташвишсизлик ҳам бор эди. Теварак-атрофга кўз қирини ҳам ташламас, борлиққа қулоқ ҳам осмас, аммо бу ерлар ўзи-ники эканлиги, ўрмон ҳаёти, борлиғи, ҳамма-ҳаммаси унинг хаёлини банд этганлиги кўриниб турарди. Ўрмондан чиққач, у ёлғизоёқ йўлга от бошини бурди ва Ясная Поляна қўргонига тўғри йўл солди.

У ерда кун одатдагидек, бир зайлда ўтиб борарди. Дараҳт тагидаги камбағаллар харраги тўла банд қи-линган — бу ерда қўшни қишлоқдан келган дехқонлар, дарбадарлар, улар ўртасида уйқуси чала бўлганидан қовоқ-тумшуғи осилган, жаҳли чиққан кечаги тиланчи серзарда ўтиради. Гарчанд улар боши узра қўнгироқнинг арқони шамолда енгил чайқалиб, ҳеч ким уни тортиб чалмаса-да, теварак-атрофни қўнгироқ овози тутганди.

Александра Львовна иккита толстойчи серсоқол мужикни биринчи қаватда йўлакда қабул қиласади. У ҳоргин ва қовоғи солиқ, кайфиятсиз эди. Уйда Лев Николаевич туни билан безовта бўлиб чиқиби, фақат тонгга яқин кўзига уйқу қўнибди, деган овоза тарқалганди, аксига олгандек, шу топда қўнгироқ ёрилгудек жаранглайти. Лев Николаевичнинг серсоқол талабалари бир нарсани минғирлаб узоқ тушунтиришар, тарбия кўрган босиқ Александра Львовна ударнинг гапини охиригача сабр қилиб тинглади-да, оҳиста, кўнгилчанлик билан деди:

Отам ўзини ёмон ҳис қиляпти. Йўқ, сизларни қабул қиломайди. Боз устига, икки ҳафта бурун хатларингизни олиб, атрофлича жавоб қилганди.

Кекса толстойчи мужик энсасини қашиди.

— Ҳа-да, жавоб хатини олганимиз рост, ҳаммаси ни тушуниб, мағзини чақиб олди. Лев Николаевични ҳечам безовта қилмас эдигу, манави, тўғрисини айтганда, одатдан ташқари ҳолат рўй бермаганда.

Александра Львовна бир қадар таажжубга тушди.

— Кечирасиз, мен барибир гап нимада эканлиги ни ҳеч тушунмадим.

Ёш толстойчи мужик гап нимада эканлигини лўн-да қилиб тушунтириб бериш учун бир қадам олдинга ташлади.

— Биродарлигимиз чок-чокидан сўкидиб, агар таъбир жоиз бўлса, бизнинг толстойча жамиятимиз тарқаб кетяпти. Ҳаммаси ўша, гўё Лев Николаевичга ёзишмаларини нашр этишга рухсат олиш учун миллион ваъда қилишгани тўғрисидаги газета мақоласидан бошланди. Ҳатто шартнома тузилганмиш ҳам.

Улардан тамаки, қатрон ва қандайдир қўланса, нохуш ҳид келарди.

— Ҳеч ким ҳеч қандай шартнома тузганича йўқ, мабодо сизнинг жамиятингиз ҳар сафар навбатдаги газета мақоласидан ларзага келиб пароканда бўлаверар экан, менимча, унинг бир йўла тарқаб кетгани маъқул.

Ёш толстойчи ял-ял ёнарди:

— Ҳа, йўқ, бу каби хушхабардан белимиз бақувватлашса бақувватлашадики, асло бўшашмайди!

Қария, у қолиб ёш йигитча гаплашаётганидан ранжиб, йигитчани елкаси билан нари туртиб олдинга чиқди.

— Отлар хусусида гапириб кўнглимизни хотиржам қилсангиз нур устига аъло нур бўларди...

Александра Льеввона қовоғини уюб олди:

— Қанақанги отлар хусусида?

— Нақа, ўша газетада ёзилганди, гўё кекса граф кун сайин сайрга ажойиб зотдор саман отда чиқармиш. Шу хабардан кейин биз томонларда, биродарларимиз орасида нақ ғулгула, безовталаниш бошланди.

— Кечирасиз, яхши англамадим шекилли, нима сабабдан ғулгула бошланди?

— Лев Николаевич отлари вожидан-да.

— Лев Николаевич отларининг бунга нима алоқаси бор экан?

— Ҳеч бир қовушмаяпти-да, нақа,— деди қария аранг овоз чиқариб, қуруқшаган лабини гапга жуфтлаб.

— Нимага қовушмаяпти?

— Рисолага тўғри келмаяпти-да.

Александра Льеввона ютинди, кейин ёқасини тўғрилаётгандек бўлиб, титраётган иягини бир муддат уш-

лаб турди. Қабул вақти тугаганига ишора қилиб ўрнидан турди:

— От хусусида сизларни хурсанд қиладиган бирон гап айтолмайман. Ҳақиқатан ҳам Лев Николаевич онда-сонда сайрга от миниб чиқиб туради. Хайр.

Қария унинг қаршиисига тиз чўкди.

— Бека, ўтиниб сўрайман, кетманг. Яна бирон-бир маълумот айтинг, у ерга қайтгач, жамият бошлиғи сифатида мен...

Кетатуриб Александра Льевона оostonада тўхтади ва паст, қарийб эркакнамо овозда бирдан деди:

— Сизларга яна нима десам экан... Тўгаракдошлирингизга етказишингиз мумкин, Лев Николаевич жуда мункиллаб қолди, саксон иккига борди ёши ҳам, кечалари кўпинча оёқ томирида қон қотиб қолиши на-тижасида юрак уриши хуруж қилиб қолади, ҳаёти давомида кўпгина мужиклардан ортиқроқ яёв юрганигини айтинг. Туладан Москвага бир неча маротаба яёв бориб келган. Яна шуни айтишингиз мумкинки, гўштдан ўзини парҳез қилиш оқибатида жуда қувватсизланиб қолди, шу билан ўзи хизмат қилган гоялар учун ҳаётини беришга ҳам тайёр, аммо бирон-бир ўткинчи роҳиб отамнинг ҳамма нарсани ташлаб, у билан дарбадар кезишини истаб қолса, отам бунга кўнмаса керак. Хайр.

Иккинчи қаватдан ёзув машинкасининг чиқиллаши эшитиларди. Юқорида ремингтонлик деб аталган мўъжазгина хона бор эди. Хонага столчада турган ёзув машинкаси маркасидан ном қўйилганди. Лев Николаевичнинг машинкачиси Самуил Беленъкий Лев Николаевичнинг уйготиб юбормаслик учун бармоқларига куч бермай оҳиста чиқиллатар, унинг орқасида бир боғлам қоғоз кўтариб турган Лев Николаевичнинг котиби Булгаков илтимос қиласиди:

— Азизим, бор-йўги бир ярим қоғоз, илтифотингизни дариг тутманг.

Самуил Моисеевич сўзида қатъий эди:

— Ҳеч иложи йўқ. Шундай ҳам тез битиши зарур ишларим бошимдан ошибб ётибди. Боз устига, хатлар қўлда ёзилади, деб келишиб олинган эди-ку.

— Бу фавқулодда муҳим хат. Лев Николаевич Мунтъяновга — ўша, барча бойларни ва уларнинг бола-чақаларига, ҳатто эмизикли гўдакларигача йўқ

қилишни талаб қилган революционерга жавоб ёзди. Биз, Александра Львовна билан ушбу хатдан бир неча нусха қолдиришни истардик.

Самуил Моисеевич бир варақ қоғоз олди, қоғозни машинкага жойлади.

— Ўқинг.

Булгаков ўқитувчи каби аста, бир маромда ўқирди:

— «Сизга жавоб ёзишдан олдин узоқ ўйладим. Менинг комил ишончимга кўра на сиз, на мен, на ҳукумат, на революционерларга, ёруғ дунёда ҳеч кимга инсон ҳаётини ўз билгича қолипга солишга ва уларнинг фикрича, кимки ножӯя ҳаракат қилаётган бўлса қасд олишга ваколат берилмаган. Олий бурчимиз ва ихтиёrimизда бор нарса, у ҳам бўлса умримизни яхшилик ва софлик билан яшашимиз керак».

Куни кеча ота-онасининг бағрида меҳмон бўлишга келган, беҳад ташвишли Татьяна Львовна зинадан иккинчи қаватга кўтарилиди, Софья Андреевна хонасига кирди ва ўта таажжубда деди:

— Ойи, сени настда қандайдир бадбуруш сўрайти.

Софья Андреевна хўжалик ишлари билан банд эканида бирорнинг безовта қилганини хуш кўрмасди. Асабий ҳолатда сўради:

— Бадбуруш деганинг нимаси?

— Тайбир учун кечирасан. Мен — ташқи кўринишидан одам ҳайиқадиган демсөччи эдим. Нақ қароқчининг ўзгинаси.

Софья Андреевна ручкани бир чеккага қўйиб деразага яқин борди ва ҳовлига қаради.

— Ё парвардигор, сенга нима бўлди, Танечка? Бу черкас — бизнинг янги қоровулимиз Аҳмад-ку! Сен уйимизда камдан-кам бўласан, шу боис, уни шу маҳалгача кўрмагансан.

Татьяна Львовна гангид туарди.

— Ойи, отам иккаловинг уйга одам танлаб хизматкор тарбиялашларингта биз ҳамиша ҳангуда маиг бўлардик. Уйга киргач, у тоифа одамлар қадрдан кишиларга айланишади, шу эътибордан менинг ана шу кўнгилчан, ёқимтой одамлар срасида бу бадбуруш пайдо бўлганига ҳечам ақлим бовар қилмайди, ишонгим келмайди.

Бу таъбир Софья Андреевнанинг гашига тегди.

— Биласанми, Танечка... Кўнгилчан ва ёқимтой одамларни истаган одам, вақт топса, шилиб кетаверади. Мен, сен айтган яхши, ёқимтой чеҳрали кишилардан бўларим бўлди, менга мол-мулкимизни бегоналар чўнтакларига ўтиб кетишига йўл қўймайдиган одам керак, бу ишни афти ангори Аҳмадникига ўхшаган одамларгина амалга ошириши мумкин.

— Ойи, ишонаманки, сен унинг лаёқатини, характеристини билиш, аниқлаш учун муддат белгилагандирсан...

— Ҳа, албатта... Мен унга икки ҳафталик муддат бергандим, бугун шу муддат тугади, шу боис, тонг отар-отмас оёғини қўлига олиб етиб келди... Агар сенга оғирлик қилмаса, айтиб қўй, нонушта беришсин унга. Бир оздан сўнг ўзим унинг олдига чиқаман.

Соат ўнларда Софья Андреевна уни катта залда кутиб турган Аҳмад олдига чиқди. У билан қуруқина ва рус бекасига хос ҳукмронга овозда гаплашди:

- Сенга ёллашган ишни уddyлай оласанми?
- Мен сизнинг мулкингизни тартибга келтирдим.
- Саводлимисан?
- Оз-моз. Босма ҳарфни менини яхши билади.
- Эрим, Лев Николаевичнинг ёзганларини ҳеч ўқиганмисан?

— Агар шунаقا буйруғингиз бўлса, жоним билан...

— Йўқ, бунаقا буйруқ бўлмайди... Шунчаки, гап орасида сўрадим-да. Милтиқ сотиб олиб беришдими?

— Ўқ-дори камлик қилади. Менинг хизматим кўп ўқ-дори талаб қилади.

— Яхши. Яна ўқ-дори сотиб олиб беришларига буйруқ бераман. Яна бирон истагинг борми?

— Йўқ. Ўқ-дори, мумкин бўлса, отга бир емли сули беришса.

— Дуруст.  
Софья Андреевна иккинчи қаватга — ўз бўлмасига қайтиб чиққанида Татьяна Льевовнани ҳафақон ва авзойи бузуқ кўрди. Ҳамиша қувноқ, шўх-шан Татьяна Льевовна билан бу каби ҳол камдан-кам бўлиб туради ва шу сабаб ҳам Софья Андреевна, нега кайфиятинг бузуқ, дея сўтарди.

— Отам ўша Аҳмадни кўрганми?..

— Очиги, сенга бирон нарса деёлмайман... Нега бу нарса сени ташвишлантириб қўйди?..

— Ҳовузларимизда балиқ овлаган мужикни нима қилишганини жуда яхши эслайман-ку, ахир... Аҳмадни юмуш билан бирон ёққа юбориш мумкин бўлар, аммо отамнинг феълини нима қиласмиш, боз устига, қанча ҳамфикрлари, оғзидан чиққан ҳар бир сўзини сўзмай-томизмай ёзиб оладиган қанча ўқувчилари бор...

— Танияжон, жонгинам, ярамга туз сепма! Толстойчи деб аталмишларни қанчалик жиним ёқтириласлигини жуда яхши биласан-ку. Бекорчи халиқ, узузун, ҳамиша нима биландир курашадиган, бирорларнинг эшик-туйнугини пойлайдиган, иложи борича бойларнинг эшигидан нари кетмаса, умр бўйи бирорнинг нонига шерик бўлишни ўйлайдиган халқ. Мен бу нодон маслакдошлар кўнглида нима борлигини чироқ ёқмай туриб ҳам биламан. Шу қадар меъдамга тегиб кетдиларки, гоҳида худони унутиб бўлса ҳам тўппончани қўлга олгим, ёки маргимуш солинган шишани улоқтиргим келади!

Вақт ўтиб борар, соат ўн бир бўлиб қолган, бироқ Лев Николаевич ҳамон ўз хонасидан чиқмайди. Ёшлигига юрак хуружларига айтарли парво қилмас эди, қаригач, ҳар сафар юрак хуружидан ўзига келишиб жуда қийинлашарди. Энди у чалқанча тушиб ётар, томирлари бўртиб чиққан қўллари эса адёл устида, гўё белбоғини ушлаб ётгандай эди. Ўнг қўли, аниқроғи қалам ушлайдиган уч бармоғи оҳиста ва секин титрарди, гўё қоғозга бир нарса ёзаётгандай. Доктор Маковицкий унинг ёнгинасида стулда ўтирас, беморнинг ўнг қўлидан кўз узмасди. Титраш босилиши билан у столдан оқ қоғоз олар, эҳтиётлик билан қўл тагида ёзишга тўғрилар, қўл қоғозни сезган заҳотиёқ қизил чизиқ бўлиб ёза бошларди.

Маковицкий ўтирас ва шу кўйи ўзича ўйларди: «Инсоннинг ҳис-туйғуси қадим-қадимдан беш бармоқ-дек маълум — киприкни бир оз кўтарилса бас, ёруғликни дарҳол сезиш, соғ ҳаводан нафас олиш, таъм билиш, бир қултум сувнинг бардам қилиши, Лев Николаевичга келсак, тамом бунинг акси. Аниқроғи, ушбу ҳиссият даражалари мавжуд, аммо улар ўтмаслашиб қолган вужудда ҳаёт белгисини сезиларли кўр-

сатиб турған ҳиссиёт ўнг қўлидаги уч бармоқ, холос. Лев Николаевич шу уч бармоғи билан қизил чизиқча устидан ёзади. Ҳушидан бегона бўлган дамлари, ўзи билмаган ҳолда ўн саҳифа чоги қоғозни қоралаб ташлагач, танасида енгиллик сезади, ўзига келиб аста-секин соғая бошлайди...»

Бу орада Петербургдан, жандармлар корпуси командиридан Тулага 6 3293 12819 51302 55847 — шу хилда икки бет рақамлар ёзилган ошғич телеграмма келди. Чор ҳукумати охранкаси фойдаланган рақамларнинг ярмидан ортиғи шу вақтгача тўла ўқилиб, нима ёзилганлиги маълум бўлганича йўқ. Ёқа ушлайдиган ишлар — Мисрнинг минг йиллар давомида ер тагида қолиб кетган лойдан ясалган тахта ёзувлари ўқиб чиқилди, аммо Николай империясининг махфий номалари ҳалигача сирлилигича ётиди.

Гарчанд эндиликда сирли бўлиб қолди, аммо у пайтлар кимга керак бўлса рақамлар устунини қойилмақом қилиб ўқиб олган, Петербургдан шифровка етиб келиб улгурмай, мана, буйруқ берилди. Шу заҳотиёқ, тун ярмида, қуролланган аскар ротаси Туладан чиқиб лойгарчиликда шимоли-шарқ томон йўл олди.

Олдинда йўл аранг кўринади, аниқроғи, йўлнинг ўзи эмас, кўлмакларгина қоронғиликда гира-шира ялтираб кўзга ташланади. Ёмғир ҳеч эринмай пақирлаб қўйгандек қуяди, теварак-атрофда намиққан ўрмону зил сукунат, бу тўрттадан саф қилиб тизилган рота тирсакма-тирсак, нақ кўрикка бораётгандай қадам ташлайди, гўё булар тўрттадан саф тортган солдатлар колоннаси эмас, аллақандай, ишда сафдан чиқиши билмайдиган темир механизм.

Куз тунлари узоқ, кимсасиз Тула йўллари ҳадсиз ва ана шу узоқ йўл давомида на бир оғиз сўз ва на уставда кўрсатилмаган тиқ этган товуш, на биронта ҳориган кимса, на бўйин товлаш кўринади,— фақат намиққан шапкалар, фақат солдатларнинг милтиқлари қоронғиликка шўнғийди ва йўлнинг пасту баландлигига қараб яна ўша қоронғиликдан қалқиб чиқади...

Уларни тунда ўриндан ким турғазди ва қаёқча жўнатди? Ким билади: ҳарбийлар — дийдаси қаттиқ, камган халқ бўлади. Мана, орадан ярим аср ўтса ҳам

ротанинг тунги юриши худди мана бундай садо беради — 6 3293 12819 51302...

Ўша куз собиқ премьер-министр Сергей Юльевич Виттенинг рафиқаси томонидан, чет әлдан қайтиб келишлари шарафига берилган кечки зиёфат вақти графиня Черткова кечанинг энг қизиган палласи генерал Рихтер ёнига келиб, қўлтиғидан олди, бир чеккага бошлаб чиқиб кексаларга хос пичирлаб деди:

— Оттон Борисович, биласизми, яна сизга ишим чиқиб қолди...

Генерал жуда таъсирланиб кетди. Художўй графиня уйдан камдан-кам чиқар, ундан ҳам камроқ бирорга илтимос билан мурожаат қиласарди. Мехмонлар тарқала бошлаганда у графиняни ўз файтонига ўтқазиб уйига кузатиб қўйди. Чертковларнинг қадимий чорбогининг пиллапояларидан иккинчи қаватга кўтарилишига ёрдамлашди, фақат ўша ерда, хонада, иессиқ камин қарцисига ўрнашиб ўтирганидан сўнггина, жавоб луқмасини айтди:

— Қулогум сизда, Елизавета Ивановна.

Графиня чойдан ҳўплади. Қариликдан унинг томоги тез-тез қуриб қоларди, шунинг учун аччиқ чой тўлдирилган чашкасини қўлдан қўймади.

— Сираси,— деди у,— сиз, рости ҳам, менсиз ҳам ҳаммасини яхши биласиз. Менинг яккаю ягона ўғлим Гладимир Григорьевични, у рафиқаси ва ўғли билан турарди, яна Тула губерниясидан қаёққадир жўнатишнибди.

Генерал оппоқ бошини бир ёнга этганича узоқ ўйга толди.

— Унинг бир ўзини жўнатишибдими ёки оиласи биланми?

— Ҳамма гал шунда-да, бир ўзини жўнатишибди. Отасини ўглидан ажратишибди...— графиняниг овози титраб кетди ва яна чой ҳўплади.

— Уил жўнатишлари ҳақидаги қароримиг мазмунидан хабарингиз борми?

— Йўқ, аммо нима янгиллик ҳам бўйарди унда... Яна ўша Толстой, яна унинг тоғларини турлиб қилини, ёнки ҳозир янги удум бўлганд болганийнин...

Бир муддат сукут саҳнагач, Рихтер, гуё орез чиқариб ўйлаётгандек, деди:

— Елизавета Ивановна, ажабтовур ўғлингиз бор...

Графиня тутақсинди, ажин тушган ёноқлари қизил тус ола бошлади.

— Оттон Борисович, мени тұғри түшүнмадингиз, деб құрқаман... Мен ахир ўғлимдан шикоят қилмоқчи әмасдим.

Генерал кулди:

— Сиз ҳам менинг хаёлимга келган фикрни англамадингиз... Ұғлингизни қораламоқчи әмас, мақтамоқчи бўлгандим... Бизнинг Россияда камдан-кам одам узоқ муддат, айниқса ўткинчи гоялар билан қизиқади, буни қарангки, ёши ҳадемай элликка боради-ку, шундан ярмидан кўпини бир қарашда тўла англаб, илғаб бўлмайдиган гояларга сарфлаяпти...

— Мақташга арзигулик бирон хислат ҳам йўқ,— деди графиня қуруққина қилиб.— Мабодо ўғлим бир әмас, иккита бўлганида, овора бўлиб ёнингизга бормасдим. Ўзи пешонамда биттаю битта.

— Нима қилсам сизга фойдам тегади?

Графиня ўрнидан турди, қўшни хонага чиқди ва у ердан сурғучланган пакет олиб қайтиб чиқди.

— Дўстлик қилинг, Оттон Борисович. Шундай қилингки, мана шу илтимоснома энг мураккаб ва яхшилик билан битишига умид бўлмаган арзномалар билан бирга император столида пайдо бўлса...

У пакетни генералнинг қўлига бермади, аксинча, столга қўйди, хуллас, Рихтер, агар лозим кўрса, қўлини узатиб ўзи олиши керак әди. Бу нозиклик кекса генералга ёқиб тушди. Бармоқлари оқ мармар стол устида аста сирғалиб қоғоз пакетга тегар-тегмас таққа тўхтади.

— Елизавета Ивановна... Владимир Григорьевич нинг жони узилаётган Толстой билан видолашиши учун Англиядан келишига рухсат сўраб императорга илтимоснома киритганимизда...

— Ўшанда рад жавобини олгандик, эсимда.

— Гап, рад жавоби қилишганида әмас. Ўша номанинг император столида пайдо бўлишининг ўзигина олий ҳазратларини беҳад ранжитганди.

Графиня бошқа стулга, Рихтерга яқинроққа кўчиб ўтиреди. Нима тўғрисидадир узоқ ўйлади ва бирдан наст овозда, саркашлиқ оҳангидан сўради:

— Оттоң, айт-чи, олий ҳазратларининг ғазабидан жуда қўрқасанми?

Генерал ёшларга хос ҳаракат билан ростланди ва кулди:

— Империяда тинчлик ва осойишталик ҳукм суришидан ортиқ әмас.

Шундай деб конвертни олди, таъзим қилиб, хонадан чиқди.

Саҳар палласи. Ўша тиланчи Ясная Поляна қўрғонига кираверишда камбағалларга мўлжалланган даражат тагидаги ҳарракда ўтирибди. Ошпаз аёллар, отбоқарлар, хизматкорлар у ёқдан-бу ёққа ўтиб туришибди, у бўлса ўтирибди, уйқуси ўчмаган, эснайди ва ора-сира ўгирилмай туриб қўнгироқ чилвирини тортиб қўяди.

— Сенга нима бўлди, Фадей, гира-ширадан қўнгироқни жиринглатасан?

— Баринингни, кўп бўлди, кўрганим йўқ.

— Нима бало, зерикиб қолдингми?

— Ҳа-да!

Емакхонага кўтариларкан, Лев Николаевичнинг қулогига қўнгироқ овози чалинди. Деразадан қараб йиритиқ-ямоқ ўранган келбатли танишига кўзи тушди, Емакхонага кириб, сўрашиб бўлиши биланоқ кутиб турган котиби Булгаковдан сўради:

— Валентин Фёдорович, азизим, бир сўм танга бериб туролмайсизми?

— Худо ҳаққи, марҳамат... Саҳарлаб нул зарурати туғилибди?

— Қўнгироқ чалишяпти-ку, ахир. Эрталабдан бе-ри тинмайди.

— Шунга ҳам ташвиш чекасизми! Бу неменкалий Фадей деганлари фавқулодда инсофсиз ва орсиз. Ҳудонинг берган куни сизни уйғотади. Шу йўсин ҳар куни садақа бераверасизми?

Лев Николаевич шивирлаб жавоб берди:

— Бу Фадей тушмагурни кўпдан бери биламан. Тили заҳар ва мен тўғримда турли бўлмағур гапларни тарқатиб юради.

— Тарқатса тарқатаверсин, парво қилманг!

— Лекин, ҳар қалай, ноқулай менга...

Котибдан майда олгач, Лев Николаевич дикқат билан санаб чиқди, кейин тақсимлаб чўнтаклариға солди, шундан сўнггина дастурхонга ўтирди. Иштаҳа си йўқ, теварак-атрофга аланг-жаланг қарап ва нима нидир режаларди.

— Ёмон ухладингизми, Лев Николаевич? Толиқ қан кўринасиз?

— Шу ёшда әрталаб арчилган тухумдай кўри нишга йўл бўлсин!.. Менинг ёшимда туш кўриб пешо нангиз тиришса, нақ тушгача шу аҳволда юравера сиз...

Гўё бегона хонага кириб қолгандай ҳамон тева рак-атрофга қарайверади. Йиллар давомида одат тусига кириб қолган тартибни нимадир бузгандай әди, на зарида. Ниҳоят хона бурчагида, стулчада тургав граммофонга кўзи тушиб енгил торти.

— Бу нима, куни кеча харид қилиндими?

— Ҳа йўқ, бу ахир байрам сабабчиси-ку! Граммофонни фабрикадан кеча кечқурун келтиришлари билан хонага одам тўлиб кетди, алламаҳалгача пласгинага ёзиб олинган сизнинг инжил ҳақидаги сухбатингизни тинглашди.

Лев Николаевич узоқ қийналиб кечаги оқшомни эслади.

— Шундай, бўлиб ўтган воқеаларни кўпинча эслолмай қоламан, бу сизни ташвишлантирмасин,— деди Лев Николаевич безовта бўлаётган Булгаковга,— миёси айниб қолган чолнинг валақлашидан бўлак нарса ижро этилмадими?

— Лўлиларнинг икки романсини тинглашди.

Лев Николаевичнинг юзи ёришиб кетди.

— Ҳа, албатта, қандай қилиб ҳам унутардим! Лўли ашуласи ҳақида қандайдир фикр пайдо бўлганди — ёзиб қўйдиммикан, ёинки ёзиб қўймоқчимидим.

Нонушта кўтариб ёш қизча кирди. Лев Николаевич ҳайрон бўлиб сўради:

— Нега энди бир кишилик? Валентин Фёдорович мен билан нонушта қилмайдими?

— Лев Николаевич, миннатдорман. Қаҳвани аллақачон ичиб бўлганман.

— Мана, сиз ҳам бош тортилпсиз. Умрим давомида мен билан сули бўтқасини баҳам кўрадиган бирон ишқибозни тополмадим-а! Ҳамиша ёлғиз нонушта

қиламан. Очиги, бўтқа ҳақиқатан ҳам таъмсиз, ўзимнинг ҳам меъдамга тегиб кетди, кейин мен одам одатларини ўзгартира олиши мумкин бўлган ёшда эмасман-ку...

Сочиқчани кўкрагига тутиб бир учини кўйлаги ёқасига қистиради, нонуштага киришади, ўтиришда ҳам, қошиқ, вилканинг енгил ҳаракатида ҳам олий тарбия кўрган ва умр бўйи бу одатларини канда қилмай адо этиб келаётган муҳтарам граф кўзга яққол ташланади.

— Валентин Фёдорович, нарироқ бориб ўтиришингиз мумкин. Тишсиз қарияларнинг овқатни шапиллатиб ейишини ёмон кўришим эсимда. Ўйлайманки, менинг овқатланишимни кузатиш ҳам хуш ёқадиган машғулот бўлмаса керак.

— Нималар деяпсиз, Лев Николаевич... Сиз назарда тутган қарияларга ўзингизни тенглашингизга ҳали вақт бор.

— Раҳмат, азизим.

Хонага Софья Андреевна кирди. Эрининг ёнига келиб тепакалидан ўпди.

— Лёвочка, хайрли эрта.

— Миннатдорман, дўстим. Хайрли эрта.

— Тобинг йўқми?

— Ҳа йўқ, дурустга ўхшайман.

— Яна кўзларинг бежороқ. Кечаси ҳушингдан кетмадингми?

— Билмадим. Чамаси, йўқ.

Софья Андреевна қулочини ёди:

— Ё парвардигор, нега ахир мени уйғотмадинг! Ёнингда бўлмасам қийналасан-ку. Айниқса ҳушингдан кетиб қолганингда қандай қийналишингни жуда яхши биламан-ку...

Лев Николаевич тақсимча тагида қолган бўтқани қошиқда эҳтиётлик билан узоқ тўпларкан, ўзича ўйларди: «Ҳар бир одамда тугма уят бўлиши керак. Маънавийлик кўзгуси, яъни чехрани очиқ қолдириб, нокерагини кийим билан яшириши қандай яхши. Бу уят туйғуси ҳамиша менга ҳамроҳ эди, мисол, кўкси очиқ аёл кўриниши ҳамиша, ҳатто йигитлик чогимдаям нафратлантиради. Тўғри, йигитлик йиллари бунга бошига ҳиссиятлар ҳам аралашиб кетар эди, аммо барibir уят нималигини билардим».

— Кел, Сонечка, бу кунни тотув ўтказайлик,— деди қисқагина қилиб.

Лев Николаевичнинг ўйлагани ичида қолиб, таом бошқа гапни айтганлиги Софья Андреевнанинг иззатига қаттиқ тегди ва у:

— Яхши. Мен кетайми?— деди қуруққина луқма отиб.

— Йўқ, нега энди кетаркансан. Сени кўришдан хурсандман. Ҳа, айтгандай, кечқурун номингга телеграмма келганди. Олдингми?

— Ҳа, телеграмма Маркснинг тул қолган хотинидан. Асарларнинг янги нашрини яқин кунларда чоп эттиришини ваъда қиласпти.

Лев Николаевич қаҳвани узоқ аралаштириди.

— Сонечка, өсингда бўлса, асарларим тўпламининг нархини тушириш имконини топиш учун нархни ошириш мумкин бўлган ортиқча ҳамма нарсаларни чиқариб ташлашни илтимос қилгандим, шу аҳволда ҳам барибир, оддий китобхон олиб ўқиши учун қимматлик қиласди.

Софья Андреевна изжирғанганнамо кулимсиради.

— Назаримда сен ҳамон бизни кафангадо қилиш учун ғалати ғоялар оғушида юрибсан шекилли?

— Сонечка, нима кераги бор бунақанги бошоғриги гапларни!.. Мен «Круг чтения»ни энг арzon нархда нашр эттиряпман, умуман, бу китобларнинг бепул тарқалишига эришишга ҳаракат қиласпман, асарлар тўпламим нархи эса йил сайин ошиб боряпти... Бир вақтнинг ўзида энг арzon ва энг қиммат китоблар менинг номим билан нашр этилиши мумкин эмас!

Софья Андреевна лов этиб, ёнди-куйди:

— Мен ҳозир ҳисоб-китобни келтираман, бухгалтерия дафтарларини сенга кўрсатаман, худони гувоҳликка қўйман, асарларингни бир тийин ҳам арzonлаштириб бўлмайди. Умуман, оила иштирокида бир гаплашиб олишимиз керак. Гаплашадиган нарсалар жуда йиғилиб қолди.

— Яхши, тинчлан, Сонечка.

Софья Андреевна ишлардан оғиз очиши билан Толстойнинг кичкина ўғилларидан бири — Андрей Львович эшикда кўринди.

— Хайрли эрта.

Софья Андреевна унинг пешонасидан ўпди, Лев

Николаевич эса билинар-билинмас бош қимирлатиб қўя қолди. Андрей Львович тортишув ипини йўқотиб қўймаслик учун сўради:

— Ота, сўнгги сўзларингни ҳозир бутун Россия аҳли оғзида юрган васият маъносида талқин қилиш мумкинми, сен ўша васиятни ёзганингча йўқ, ёки ёзмоқчи эмасмисан?

Лев Николаевич унга қарамай, қуруққина деди:

— Саволингизга жавоб беришни хоҳламайман.

Хонага Татьяна Львовна кирди. Лев Николаевич ёнига ўтириб лом-мим демай ўпди. Жиддий гап қўзғалмаслигига кўзи етгач, Софья Андреевна юмшоқ овозда деди:

— Тутақиши керак эмас. Тутақишдан яхши гап чиқмайди. Нима ҳам қила олардик, бола-чақамиз кўп. Боз устига, мен сенинг ҳам ташвишингни қилишим керак. Ёзувчи ишлаш учун холи қолиши ва бинобарин пули бўлиши керак. Бошқача қилиб айтганда, ўзига мажбурият ҳисоблаган ишини бажариши учун бой бўлиши керак. Агар у куни билан хизматда бўлса, унда кечаси ишлаши керакми?

Лев Николаевич сочиқчани ечди, мўйлови ва соқолини саришталик билан артди.

— Аксинча, ҳақиқий изжодкор куни билан хизматини адо этади, кейин эса шу қадар қизиқиб кетиб, туни билан ёзиги чиқади. Истеъдод учун камбағаллик тўсиқ эмас. Аксинча, фикримча, камбағалликда биргина ҳақиқий истеъдодлиларгина парво қилмай ишлайверадилар.

Софья Андреевна кулди.

— Камбағаллик берган озодликдан ҳузурланиб кечалари ижод қилганида оиласи нима ҳисобига кун кўради?

Лев Николаевич ўзини бу хонада ноқулай сеза бошлагани аниқ билинди. Нимадир унинг ғашига тегар, у яна теварак-атрофга аланглади ва яна қовоги солинди.

— Қанчалик жирканч—бу граммофон ҳам унинг трубаси! Нега энди шу ерда қаққайиб туриши керак, бирон ёққа чиқариб қўйиш мумкин эмасми?

Кўчадан қўнғироқнинг бир маромда, муттасил чалиниши эшитиларди. Лев Николаевич Булгаковга танга берди, у ташқари чиқди, шу заҳотиёқ қўнғироқ

овози тинди. Булгаков қайтиб кирганида, Софья Андреевна муросасизлик оҳангига деди:

— Граммофон фабрикасининг совғаси бўлгани учунгина кўринарли жойга қўйдик. Сенинг суҳбатларингни ёзиб оламиз, деб бир ҳафтагача овора бўлиб қийналиб кетишиди.

Лев Николаевич қўлини силтади.

— Ҳаммаси бўлмағур гаплар. Барча техник қашфиётлар аввалига қизиқиш уйғотади, кейинчалик жонга тегади, кўзимиз тушса ҳам уни пайқамаймиз. Жонли нарсаларгина бетакрор. Жонли нарса эса ҳеч қачон кўнгилга урмайди. Велосипед қашф қилинганидан бери отларга бўлган қизиқиш заррача камайгани йўқ, гарчанд, бу велосипедлар вақти келиб отлар бозорини касод қилишлари мумкин бўлса-да. Аммо бу техниканинг жонли мавжудот устидан буткул ғалаба қилиши эмас.

Татьяна Львовна кулди.

— Худога шукур. Ҳамонки отлар ҳақида гап очган экансан, бу согайишининг белгиси. Дэлирни эгарлаб қўйишни айтами? От мишиб сайилга чиқмаганингга ҳам икки ҳафта бўлди.

Толстой фикрини тамом бошқа нарса банд этганди:

— Йўқ, бу граммофон менга чинданам ёқмаяпти. Олчиқиб кетинг.

Валентин Фёдорович гарчанд граммофонни олиб чиқиши учун шайланган бўлса ҳам сўради:

Лев Николаевич! Кеча негадир граммофон сизга матьқулдек бўлиб кўринувди назаримда. Шом бўйи чеҳрангиз очиқ эди ва сертакаллуф ўтиргандингиз...

— Сертакаллуф ўтиргандим! Чунки шом бўйи фабрикадан келган киши ўтирувди. Яхши эмасди, очиги! Совға бўлса, кейин арzon бўлмаса керак! Чеҳрам очиқ, кулги ёғилиб турган бўлса, бунинг граммофонга ҳеч бир алоқаси йўқ. Кеча давомида мен лўлилар ашуласи ҳақида ўйлаб ўтиридим, трубадан лўлилар ашуласига ўхшаган ночор овоз чиқарди, колос. Лўлилар хониши—бу ҳали етарлича қадрланмаган буюк санъат. Биронтангизда бир парча оқ қозоз йўқми? Ушбу фикрни ёзиб қўйиш керак, аке ҳолда яна хотирамдан кўтарилиб кетади.

Булгаков унга оппоқ қоғоз узатдй, аммо Лев Николаевич қўлини силтади.

— Нима қиляпсиз, бу қимматбаҳо қоғоз, бу бадий ишларга мўлжалланган, бу қоғозда янги романни бошлиш мумкин, шу топда менга саксон яшар чолнинг айқаш-уйқаш фикрларини ёзиш учун бир парча арзимаган қоғоз бўлса етарли...

Столда ётган кимнингдир хатини олди. Ҳеч нарса ёзилмаган, оппоқ қисмини саришталик билан йиртиб олди ва ёзишга тутинди. Лев Николаевич ёзаркан, ўртага чўккан сукунатдан фойдаланиб, граммофонни қисм-қисмларга ажратиб олиб чиқиб кетишиди, қизиқиб кетган Лев Николаевич қоғозни қораларди. Кейин, граммофон олиб чиқиб кетилгач, оила аъзолари йигилиб, Лев Николаевичнинг қоғоз юзида қалам тебратишини кузатиб, жимгина ўтиришиди. Лев Николаевич ёзар, айни шу вақтнинг ўзида ўйларди: «Пешонамнинг шўри шуки, ижодим, қўллэзмаларим одамларда очкўзликни, уларни ким тезроқ қўлга киритиш мусобақаси ҳиссиётини алангалатади. Мен ишларканман, улар нима ёзайтганим билан қизиқмайдилар, аксинча, бутун хаёллари қўллэзма кимнинг ихтиёрига тушишида, уларнинг дарди фикри шу қоғоз парчасини бир амаллаб қўлга киритсалар».

Лев Николаевич фикрини тугатиб, сўнгги сўзларни қоғозга туширгани сайин унинг яқинлари ўринларидан туриб хонадан чиқиб кетишиди, биргина Валентин Фёдорович қолди. Худди, Толстойнинг ички монологига жавоб бергандек бўлиб, ёш котиб деди:

— Ҳаммасига ўзингиз айбдорсиз. Нега бунчалик кўп ёзасиз?

Лев Николаевич илҳомланиб кетди:

— Ҳамма гап шунда! Гуноҳим шу, албатта... Серфарзаанд бўлганилигим учун гуноҳкорман, уларнинг бари тутуриқсиз чиқди, қўлларидан ташвиш орттиришдан бўлак ҳеч нарса келмайди... Бир сўз билан айтганда, Лев Николаевич, бардам бўл! Кўриб турибсиз, бардамман!

Боённинг уйидан чиқаверишда, ихчамгина харракада сайд ё толстойчилардан еттитаси ўтиради. Улар Лев Николаевичнинг чиқишини кутиб ўтирибдилар.

**Худди театрда ўтиргандек, кўзларини бақрайтириб, отбоқарнинг отхонадан Дэлирни олиб чиқиб, эгарлашини кузатишяпти.**

Соат ўн иккиларда Лев Николаевич чиқди. Яриқ этиб кўзга ташланган нарса тилачилару суюкли са-мани Дэлир бўлди. Бу манзара тилачилар билан зотдор чопқир саман от шунчалик бир-бирига қовушмас-дики, Лев Николаевич кўзи тушган ониёқ уялиб кетди. Сўнгра, бу ноқулайликни енгиб, уни кутиб турган одамлар олдига келди. Уларнинг айқаш-уй-қаш, чалакам-чатти ҳикояларини узоқ, диққат билан тинглади, қайта-қайта сўраб-суриштириди, улар ҳолига ачинди, ҳамдардлик билдириди, шундан сўнг истаристамас чўнтагини кавлаштириб, ҳар бирига чақа улашди, уларнинг тарқашини кутиб турди, бироқ улар тарқалишни хаёлларига ҳам келтиришмасди. Саксон яшар чолнинг саман отга минишини кўриш иштиёқида эдилар улар. Лев Николаевич от олдига бориб қоринбоги яхши тортилганми, йўқми — текшириб кўрди. Бу орада: «Ҳар сафар отлиқ сайрга чиқмоқчи бўлганимда, гадолар тўдаси мени кузатиб қолади. Ўзлари-ча: «Лаънати чол!» — дейишса ажаб эмас! Гапи бош-қаю иши бошқа. Бу борада уларнинг хаёлидан нима кечачётганини сендан яхшироқ билишни, Сонечка, менга қўявер...»

Лев Николаевич отнинг юзини силади. Дэлир саломлашган бўлиб, тилини чиқариб, аста ялаб қўйди.

— Ҳай-ҳай... Бунчалик эмас-да...

Олдинги оёқ тақаларини текшириди-да, отбоқарни чақирди:

— Дэлирни тақачига обор, айт, тақасини олиб йилқилар тўдасига қўйиб юборсин.

Отнинг ёлини яна бир марта силади, қуруқишина, аммо рисоладагидек ҳурматини жойига қўйиб хайрлашди, сўнгра қўйилиб келган ички ҳаяжонини аранг ютиб, оҳиста аста-аста босиб ўрмон томон юриб кетди.

Петербургда эса Распутин жон-жаҳди билан ҳокимиятга интиларди. Баъзи бирвларнинг наздида ўтакетган фитначи ва муттаҳам, бошқаларнинг фикрича, ватан нажоткори ва пайғамбар ҳисобланган бу одам бутун Россия бўйлаб жазага қилди ва зўр иқтидор,

қатъият эгаси бўлганидан бебурд одамларнинг қалби-га йўл топа олган ва Петербургда пайдо бўлишига қадар беҳад довруқ солганди. Унинг таълимотидаги бош қоидалардан бири, агар Распутин тарғиб қилаётган таълимот доирасига кирса, шундан иборат әдики, инсонлар қалби, эндиликда билиб туриб гуноҳ қилиш билан қайта покланиши керак эди. Аёлларни осон ром эта олар ва улар унинг тўшагидан турганлари заҳоти-ёқ ҳар бир чорраҳада ўзларининг покланганлари, соғайганлари ҳақида жар солардилар. Дуч келган ерда маънавий қайта туғилиш мўъжизаси ҳақида маъруза қиласидан Распутин революция арафаси момақалди-роқларидан ғулуга келган пойтахтни кўз остига олиб турар, иложи борича подшо хонадонига яқинроқ бў-лишга ҳаракат қиласар, бу борада подшо оила аъзолари, умуман, яқинлари, қадимдан мистицизмга мойил эканлигига, вақти келиб ундан ёрдам сўрашига комил ишонч қилганди ва мана ниҳоят ўша кутилган дақи-қалар келди, унинг истиқболига Қишики сарой дарвозалари ланг очилди.

Рус тахтининг вориси гемофилия—қон қотишининг қийинлиги оқибатида қон тўхтамаслик дардидан азоб чекарди. Бир неча йилдан бери подшо ва унинг рафиқасининг тинчи йўқолган, ҳеч қандай табиб, ҳеч қандай дори-дармон болакай дардига кор қилмасди. Баъзи гапларга қараганда, аввалига шоҳ Распутин-ning саройга кириб келишига қаршилик қиласди, шунда қиролича Александра Фёдоровна тунда, махфий равишда ворис ётоқхонасига уни қўйган. Распутин болакай каравоти бошига келиб қулочини кенг ёзиб боланинг бошига кафтини қўйган ва момақалдироқдек гумбуrlаган овози билан буйруқ берган:

— Тур ўрнингдан, фарзанди қобил, сени туққан онангга кулиб боқ...

Киролича дераза олдида тошдек қотиб тураркан, Распутин унга:

— Муштипар она, яқинроқ кел, фарзанди қоби-линг сенга кулиб боқди... — деган.

Болакай ҳақиқатан ҳам куларди, шундан сўнг яхши, қотиб ухлаган, кун сайин аҳволи яхшиланниб, подшо қонининг қотиши яхшиланган; оқибатда бу Россия империясининг тақдирига таъсир қиласди.

Шу кундан иборат давлатни на Давлат совети, на Дума, на министрлар совети ва на ҳатто подшо идора қиласарди. Мамлакатнинг барча қонунлари, барча бўйруқ, қарорларида Распутин қўли сезилиб турарди. У саройда куннинг истаган соати, кечаси, кундузи пайдо бўлар, барча масалалар муҳокамаси ва қарорида иштирок этар, бироқ камдан-кам тўғридан-тўғри аралашар, аммо ўзи тўқиган ҳикматларни тариқдек сочар, унинг ҳикматларини подшо ва унинг рафиқаси узоқ вақт бош қотириб таҳлил қилишар ва ҳар сафар янги, чуқур маъно топишаверарди...

Бир сафар қирол оиласида иш ташлаган Иваново ишчилари ҳақида гап очилганида, ўзгаларнинг фикр-мулоҳазаларини диққат билан эшишиб турган Распутин ҳоргин ва афсус-надомат билан:

— Графларга келганда омадингиз чонмади... Улардан бири — граф Витте ақлли, аммо бизга фойдаси йўқ томонда,— деди,— бошқа граф, Толстой эса ишонади, бироқ биз ишонган худога эмас...

Қиролича бу қотириб айтилган иборани сарой айланиб тарқатиб чиқди, подшо эса ўша куниёқ министрлар советининг раиси ҳам ички ишлар министри Столипинни мамлакатдаги ишлар тўғрисида ҳисобот-докладга чақиртириди. Столипин докладга оғиз жуфтлаган ҳам эдики, қирол одатдан ташқари, бу каби ҳол камдан-кам учарди, унинг гапини бўлиб сўраб қолди:

— Пётр Аркадьевич, Тула губерниясида қандай янги хабарлар бор?

Столипин тайёрлаб келган докладини жимгина варақлар, ўзича бу саволнинг тагида нима борикин, деб зўр бериб тахмин қиласарди. Шундоққина ёнгинасида хуфия душманларидан бири, юзи тунд сарой коменданти генерал Трепов, ундан нарида эса иссиққина чинни пеҷъ олдида қарид мункиллаб қолган генерал, канцелярия бошлиги Рихтер турарди. Николай II деб разадан кўз узмай турарди, Столипин гап нимадалигини аниқ билмай, гапни эҳтиёткорона узоқдан болглади:

— Марказий губернияларимизда аҳвол...

Император тоқатсизлик билан бошини жасмин ҳимирлатди:

— Мен марказий губернияларин сўрастмадим йўқ.

Мен фақат биргина Тула губернияси ҳақида чақиредим.

— Губернаторнинг кечаги маълумотига қараганда, Туладаги аҳвол яқинда бўлиб ўтган дәхқонларнинг бош кўтаришларидан сўнг бир қадар осойишталаниб бормоқда...

— Аҳвол осойишталик касб этаётган экан, бўлмаса нега Чертковни юбордингиз?

Столипин енгил тин олди — гап бу ёқда экан! У кутилмаганда, қўққисдан бериладиган саволларни, айниқса, бу каби саволлар подшо томонидан берилса хуш кўрмасди.

— Олий ҳазратлари, бундай тадбир қўллаганимизнинг боиси шуки, биз, толстойчилик ярим диний, ярим маорифчилик ҳаракати, бу ҳаракат бор-йўги шу билан чегараланади, деб тахмин қилган эдик, ҳолбуки тобора сиёсий тус олиб бормоқда. Ўша Чертков томонидан ҳали Англиялигига ёк асос солинган «Эркин сўз» журнали у сондан-бу сонга бизга мақбул бўлмаган, яъни қамоқхоналардаги, штраф батальонларидаги турли қонун бузишлар ҳақида хабарлар босиб чиқармоқда...

Гап у истаганча мазмунда бўлмаётганидан подшо норози эди, шу боис, генерал Трепов томонга кўз қўрини ташлаб сўради. Генерал ички сиёsat бўйича унинг ишончли кишиси эди.

— Дмитрий Фёдорович, бу масаладан хабарингиз борми?

— Ҳа, олий ҳазратлари.

— Қандай қонун бузиш ҳақида экан бу?

Трепов бир муддат сукут сақлаб, жавоб берди:

— Олий ҳазратлари, қамоқ ва штраф батальонларини газетада ёзишсин, деб жорий этишмаган.

— Ҳа. Бу ўз-ўзидан маълум нарса,— маъқуллади подшо.— Чертковнинг жўнатилишига мен ҳеч Сир шубҳа қилаётганим йўқ. Мени граф Голстайннинг бу масалага қандай муносабатда бўлгани қизиқтиряпти. Шуни билмоқчи эдим.

Столипин чексиз азоб чекаётган одам қиёфасига кирди.

— Олий ҳазратлари, биз кутгандан кўра кўпроқ асабийлашди. У ҳатто адлия министри иомига мактуб ёзиб, мени авахта қилинг, издошларимни эса у ердан

озод этинг, чунки сизга номаъқул барча хатти-ҳара-  
катлар манбай менман, деб илтимос қилган.

Подшо қисқа ва заҳарханда кулгиси билан тир-  
жайди.

— Ҳа, йўқ. Биздан жабрдийда номини ололмайди.  
Федр шляпасини кийиб юраверсин. Ахир ўзига яра-  
шармиш-ку шляпаси...

Бир чеккада турган ва гўё суҳбатга қўшилмаётган  
генерал Рихтер подшо столига яқин борди ва деди:

— Масаланинг бу тарзда ҳал этилиши, менимча,  
олий даражада доноликдир. Мен фақат бир нарсага,  
графиня Черковага ачинаман... Унинг ёши бир жой-  
га бориб қолган, уч рус императорига софдиллик би-  
лан хизмат қилган генерал эрининг ҳурмати...

Столипин асабий ва чуқур нафас олди — қаранг-а,  
бировлар Россияни қутқаради, бировлар эса уларнинг  
хизматларини суистеъмол қиласди!

— Бизни биринчи галда графиня Черковага дард-  
кашлиқ эмас, балки мамлакат тақдири ташвишлан-  
тириши лозим. Гарчанд шахсан беҳад ҳурмат қилсан-  
да, унинг ўғли Толстой таълимотини ташвиқот қилиб  
бизга келтираётган оғат шу қадар катта ва хавфлики,  
шу вақтгача Ясная Полянага нисбатан биз қўллаёт-  
ган чоралар, назаримда, буткул етарлимасдек кўри-  
нади.

Николай яна бошини кескин қимиirlатди:

— Шундай экан, сизнингча, етарли бўладиган чо-  
раларни қабул қилинг. Россияда бир вақтнинг ўзида  
иккита император ҳокимлик қилолмайди. Менимча,  
сиз бу масалада мен билан баҳслашиб ўтирамасангиз  
керак...

Столипин ўзига қандай ваколатлар берилганини  
тўла англаб ёзилиб кулди ва деди:

— Йўқ, олий ҳазратлари...

Трепов салобатли ва тантанали овозда:

— Йўқ, ҳукмдор,— деди.

Фақат Рихтер ҳеч нарса демай маъқул ишорасини  
билдириб, биргина бош эгиш билан кифояланди, тур-  
ган гапки, бу сезилмасдан қолмаслиги мумкин эмас-  
ди. Подшо хонасига кириб кетишдан олдин унга гап  
қотди:

— Кекса графиняга келсак, маълум қилингки,  
ўглининг Тула губерниясидан чиқариб юбориш ҳақда-

ти қароримизни графиня у ерда яшаб тургунича тўхтаб туришини буярамиз.

Масаланинг бу қадар тус олишидан бирмунча ташвишланган Трепов ўзича минғирлади:

— Олий ҳазратларининг гапларини иккита қилишга журъат этолмайман, аммо шахсан мен...

— Қўйинг, соф ҳаводан нафас олсин,— деди подшо.— Боз устига, менга айтишларича, графиня Толстойни хуш кўрмасмиш, шундай әкан, салтанатимиз фойдасига тер тўксин...

Тор доирадаги холи суҳбат тугаши олдидан Столипин кўп вақтдан бери режалаб ақл тарозисида ўлчаб юрган гапини айтди:

— Олий ҳазратлари. Бу масалада мени ташвишлантираётган бирдан-бир нарса биз сабабчилигимиз оқибатида, албатта, Толстойнинг ҳаддан зиёд шуҳрат қозонишидир. Эшитган одамни ҳайратга соладиган гап эшитдим: Толстой ва революция. Газета саҳифаларида ҳам яна икки мавзу: Толстой ва деҳқонлар. Олий зот киборлар хонадонида ҳам икки мавзу: Толстой ва православ черкови. Наҳотки рус ҳаёти шу қадар қашшоқлашиб қолди, наҳотки рус қалби шу қадар майдалашиб, икир-чикирларга тўлиб кетди, наҳотки ватанимиз биргина Туладан келган хабарлар биланги на яшайди! Мабодо шундай эрса, пойтахтимизни бир карра силкитиш, ватандошларимиз кўзига дунё уфқини кенгайтириш бизнинг вазифамиз эмасмикан! Бир вақт-чи, ҳайрли даврларда бўлгани каби нега энди, мисол учун кузда ҳақиқий шоҳона ов уюштирмаймиз?!

Хона эшигига қабза ўрнини ўтовчи бронздан қўйилган йўлбарс бошчасини ушлаган подшо заҳархандалик билан дейди:

— Қўнғир тулкилар овини назарда тутаётган бўлсаигиз, мен бу шайтонлар ортидан қувишини ёқтирумайман...

— Қўнғир тулкилар ҳақида гап йўқ!— хитоб қилди Столипин.— Нақ бўрилар устига юришнинг вақтику!

— Бўрилар — бу тамомила бошқа гап,— гап қотди подшо хаёлчан. Сўнг генерал Трепов томон ўгрилиб деди:— Дмитрий Фёдорович, бу хусусда сарой овчиси билан гаплашиб қўйинг...

Гарчанд у буни юмшоқ, ҳорғинлик билан айтган бўлса-да, юзи дарҳол қизгиш тус олди, кўзларида ёввойилик порлаб кетди — подшони гоҳида қалака қилишини ёқтирган маъшуқасини охири бир кун унинг ётоқхонасидан тунда қийма-қийма қилинган ҳолда олиб чиқиб кетгандарини аслзодалар даврасида бекордан-бекорга пичирлаб гапиришмасди.

Петербургда ўша куниёқ подшонинг кузги овига тайёргарлик кўрила бошланди. Столипинга келсак, ҳаддан зиёд мамнун бўлиб, Қишки саройдаги эҳтиётдаги корпусда жойлашган қароргоҳга қайтиб, шу заҳотиёқ махфий полициянинг юқори мансабдаги вакиллари кенгашини чақирди ва узоқ, қарийб ярим тунгача қароргоҳида чироқ ўчмади.

Кенгаш тугади, аммо ҳокимиятнинг телеграф маркази жойлашган биринчи қаватидаги чироқ яна алла-вақтгача ёниб турди. Россиянинг тўрт тарафига яна 45 436—11 786—76 8923 — шу йўсин ва шунга ўхшаш рақамлардан иборат махфий кўрсатмалар устуни жўнатилди.

*Бу пайт қари бўри чангалзор ва сийрак ўрмон оралаб шимол томон борарди. Дастреб у тўғри йўл қолиб айланма йўлдан юрди, лекин тез орада чарчай бошлиди ва бирдан: мадорим қуриб йўл устида ўлиб қолсан нима бўлади, дея ўйлади. Ва у тўғри йўлдан юра бошлиди. Кунлар совуқ, дарахт барглари шовуллаб тўкиларди, бу яхшилик келтирмаслигини у ҳис қилди. У кўпни кўрган қари бўри эди, ҳар сафар совуқ тушиши, сарғайган барглар тўкилиши билан бўриларни овлаш палласи бошланишини яхши биларди. Манзилга эртароқ, йилнинг бош ови бошланмасдан олдинроқ етиб бориш, яхши гала топиб қўшилиб олиш ва бу билан жон сақлаб қолиш — тақдирга чап бериш умидида ўзини тинчлантирас, аммо энди на куч, на вақт қолмаганди, у буни ҳам биларди.*

Кеч кузги кенг ва кўримсиз, шипшийдам далалар оралаб ҳассага таянган ёлғиз чол борарди. Тўқсон ёшда юриш машаққатли, нафас сиқади, чолга йўл уфқида елиб бораётган йилқилар кўрингандай бўлади ва

негадир йилқини қадрдан толмас Дэлир бошлаб бора-ётгандай бўларди. Шунда Лев Николаевич ўзича ўйлайди: «Нарсалардан ўзимни тийдим, кўнгил уздим, аммо отда юришдан воз кечиш жуда қийин бўлди. Чекишни ташлашим қийин бўлди, лекин ўзимни мажбур қилгандим. Жинсий мойилликка чек қўйиш қийин бўлувди, бироқ кексалик ёрдам берди ва мен ўзимни бу хил истаклардан қарийб чегараладим, гоҳида мойиллик пайдо бўлади, бу нима эканлиги биргина худога аён. Гўшти овқат емасликка ўзимни кўп йиллар давомида, гарчанд қийин бўлса ҳам ўргатдим, аммо елиб бораётган от ҳатто тушимга кириб чиқади, ўласанми, куясанми, от минишдан ўзимни тиёлмайман!»

Олдинда — тепалик ортида қишлоқ кўринди. Лев Николаевич тўхтади. Якка ўсган дараҳт тагида ўтириб пича дамини олди, чақаларини чўнтакларига бўлиб чиқди, соқолини, мўйловини силаб, ўзини бир қадар тетик тутиб қишлоққа кириб келди. Қишлоқликлар, афтидан, уни узоқдан таниб, боёнга таъзим қилиш учун эшик тагига чиқиб туришарди. Лев Николаевич улар ҳурматига лойиқ эътибор, ҳурмат билан саломлашар ва ўзича ўйларди: «Оддий деҳқонлар қатори дунёдан кўз юмишни истайман — шовқин-суронсиз, дабдабасиз, худди қумга сингиб кетган сувдек».

Муюлишдан учинчи уй олдида саломга икки букилган аёлдан сўради:

— Менга қара, азизим, бу Курносенкова деганлари қаерда яшайди?

— Шу ерда, жаноб олийлари. Курносенковалар биз бўламиз.

— Менинг қизим сенга қарашиб туардими?

— Худди шундай, ҳазратлари.

Лев Николаевич чўнтағига қўл солиб олдиндан тайёрлаб қўйган пулларини олди.

— У ишлар билан банд, ўзи келолмади, манави пулларни бериб қўйишни мендан илтимос қилганди.

Аёл икки бармоғи билан пулни ушлаб турар, гўё пулни олиш, олмасликка қатъий бир қарорга келмагандек эди.

— Нима, эринг ётиб қолганми?

— Ҳа, бетоб.

— Қўлингдаги уч сўм. Сарф қилишга шошилма. Дастреб рўзгорингга нима етишмайди, бафуржга ўйлаб

ол, доно кишилар билан маслаҳатлаш, ҳозирча нима заруру, нимага сабр қилиб турса бўлади, бирма-бир ўйлаб ол.

— Миннатдормиз, олий ҳазратлари.

Лев Николаевич савоб иш қилганидан, бурчини адо этганидан кўнгли тоғдек кўтарилиб йўлида давом этди, бироқ кейинги кулба эшигига яқинлашар-яқинлашмас эшик олдида турган кампир нақ унинг оёғига бош ургудек эгилганидан у бир қадар таажжубга тушиб тўхтади:

— Ким бўласан?

— Боён, Курносенковаман. Курносенков оиласи.

— Курносенкова дейсанми? Мен ҳозиргина Курносенковаларга садақа қилдим-ку!

— Йўқ, у Курносенковалар эмас. У Федоткина бўлади.

Лев Николаевич шу заҳотиёқ изига қайтди. Дастреб пешвоз чиқсан хотин нулни ушлаганича эшик тагида ҳамон қаққайиб турарди.

— Нега менга ёлғон гапирдинг?

— Алдаганим йўқ, ҳазратлари. Сиз, эрингнинг тоби йўқми, дея сўрадингиз. Мен ҳа, шундай, тоби йўқ, дедим. Ишонмасангиз уйга кириб ўз кўзингиз билан кўриб чиқишингиз мумкин. Бечоранинг тоби йўқ.

— Бироқ, сен Курносенкова эмассан-ку?

— Ҳа. Бу гапингиз тўғри. Буни айтольмадим, ҳазратлари, мени кечиринг. Рўзгоримиз ночор, кам-кўсти кўп.

— Эрингнинг тоби йўқ бўлса, гап бундай... Курносенкова эмаслигингни мендан яшириб қилган гуноҳингни кечираман, бироқ барибир пулни қайтиб бер.

Аёл уч сўмни қайтиб берди. Лев Николаевич пулни ҳақиқий Курносенковага берди. Миннатдорчилик билдириш ниятида, аёл яна Лев Николаевич оёғига йиқиљди, граф бу сафар чаш берди. Йўлида давом этди, лекин навбатдаги кулба эшигига худди олдиндагисига ўхшаш кампир турар, у ҳам икки букилиб таъзим қиласади. У тўхтади, кампирга дикқат билан узоқ тикилди.

— Нега бунчалик икки букилиб қолдинг? Бирон-бир дардга чалингамисан?

— Қариллик, ҳазратлари.

Лев Николаевич унинг юз-кўзига тикилиб, узоқ кузатди.

— Менга қара, менинг ўрмонимга шох-шабба йиққани бориб турадиган ёшгина Маланъянинг ўзгинаси эмасмисан?

Кампиршо граф таниганидан олдинига хурсанд қувониб кетди, сўнгра уялиб қизарди ва ниҳоят паст овозда деди:

— Ҳа, менман. Ҳазратлари, унутмабсиз, раҳмат — бош-қош бўлиб турмушга узатгандингиз, уй қуриб бергандингиз.

— Ҳа, ўша вақтлар бу сингари ишларга қизиқиб юрадим... Бу атрофдагиларнинг кўпини узатиб, кўпига уй-жой қилиб бергандим. Сен кимга турмушга чиққан эдинг? Эрингнинг исми нимайди?

— Курносенков, ҳазратлари.

— Хўш... унинг ҳам тоби йўқми?

— Беш йилчә бўлди ўлиб кетганига.

Лев Николаевич чўнтагини узоқ кавлади ва ниҳоят бир неча танга олди.

— Мана бу сенга, қийналганингда бирор кунингга яратарсан, бўлар-бўлмасга сарфлама. Дастлаб бирор ҳафта ташлаб қўй, рўзгорингга зарур нарсалар бу вақт орасида бир-бири билан олишиб ва қай бири зарурроқ бўлиб кўндаланг турса...

— Эсингиздан чиқармай, ҳолимиздан хабар олиб турганингиз учун раҳмат, ҳазратлари, биз эса сизни ҳечам унутмаймиз, дуо қилганимиз қилган.

— Бас, бас, етар, ҳадеб бир гапни қайтараверасанми...

Бу Курносенковаман деган кампирлар тез орада меъдасига тегди ва у қишлоқ этагига етмай туриб тор кўчага бурилди. Сўнг қишлоқдан чиққач, бедапояни кесиб ўтиб, катта йўлга чиқиб олди. Қенг, куз ёмгиридан анчайин шиббаланган йўлдан узоқ юрди ва пастда, шарти кетиб парти қолган, илиниб турган кўприк яқинида «ўша» эрталаб ташриф буюришган толстойчи сайёҳларга етиб олди. Энди улар, йўл чеккасида, кичкинагина ариқча ёқасида дам олиб ўтиришар, ноннинг куйган бўлакларини чулдираб оқиб тушаётган булоқ сувида ивитиб тупшилик қилишарди.

Лев Николаевич улар олдига борди. Тўрваларини титиб-кавлаб унга ноннинг куйган, қора бўлагини олиб

беришди ва Толстой нон чайнашда бошқалардан қо-лишмаслик учун ионни обдан ивитди. Кейин улар бир муддат бирга, хотиржам гаплашиб боришли, аниқроғи, кўпроқ Лев Николаевич гапирав, улар тинглашарди. Қайсиdir чорраҳада ажралишиди ва Толстой яна бир ўзи йўлга тушди.

Унинг қадам ташлашидан чарчаганлиги, бу сайд оғирлик қилаётганлиги кўриниб турар, лекин иккила-нишни табиатан жини ёқтирамайди, неки ўйлаган бўлса, охирига етказиши керак ва у ҳамон илгарилар, от туёқлари хаёл дарёсидан олиб чиқмаганида у шу каби ўз ўйлари билан кетаверарди. Икки отлиқ йўлни эгал-лаб тўгри у томонга бостириб келишарди. Пиёда от-лиққа йўл бериши керак, бу қадим-қадимдан маълум, аммо бу сафар пиёда келувчи Толстой эди ва Толстой-нинг йўл бўшатгиси йўқ эди. У кексайиб қолган, чар-чаган эди, граф эди. Қолаверса, Толстой эди, шу-нинг ўзи сайдга чиққан икки олифтага йўл бўшатмас-ликка арзир эди. У ҳеч бир пинагини бузмай одимлай-верди, ниҳоят отлар икки томонга бош буриб қо-лишиди.

Отлар нари кетиб, туёқ овози бир оз тингач, у ор-қага ўгрilmай ўйлади: «Рус помешчигининг бефаро-сатлиги қанчалик! Толстойга йўл бўшатиш кераклиги-ни ҳатто от тушунади, у бўлса тушунмайди!»

Ўша куни унга анчагина айланиб юришликка тўғ-ри келди. Доимо бир вақтлардаги, биргина ўзи биладиган, четда қолиб кетган йўллардан юриш унинг та-биатидаги нозик томони эди. У ўзича ҳамон тўғри йўлдан юряпман, дея таъкидлар, ҳақиқатда эса айлан-ма йўлдан юраётганди ва у энди толиққан, мадорсиз-ланиб аранг оёқ кўтариб босарди.

Қандайдир мужик аравага чиқинг, обориб қўяман, деб қолди. Мужикдан бўлак аравада яна оёғини осил-тирганича бақувват одам ўтиради. Арава нотекис йўлдан тарақлаб, силкиниб бораркан, Лев Николаевич у билан суҳбатлашишга чоғланди:

— Афтидан, азизим, хизматингдан кўнглинг тўл-майдиганга ўхшайди?

— На илож... Қўлимдан нима ҳам келарди?

— Қўлимдан нима ҳам келарди, деганинг нимаси?

Пешона тери тўкиб кун ўтказишинг мумкин бўлган жойлар камми?

— Боён, нималар деяпсан! Ҳукуматдан бўлак ким менга ойига саккиз сўм маош беради?

Лев Николаевич анчагача жим борди, кейин ўйлади:

«Аслини олганда давлат идораси шу кўйи бино бўлади. Нари борса, икки сўмга арзимайдиган одамга у ойига саккиз сўмдан тўлайди».

Муюлишдан ўтишгач, Толстой сакраб тушиб қолди ва яна бир ўзи юриб кетди. У қўлларини орқасига қилиб, чуқур ўйларга гарқ бўлиб қулоғига тошга урилаётган нарсанинг тарақлаши эштилгунча узоқ юрди. Пастда, дараҳт сийрак ўсган дўнглик устида ишчилар йўл тузатишарди. Улар кўпчилик эдилар, ҳаммалиги юпун кийинган камбағал эдилар. Қўлқоп кийишмаган, қуруқ қўллари билан тошни даст кўтаришар, майдалашар ва зил ер текислагич билан йўл устини шиббалашарди. Лев Николаевич нарироқда бу оғир меҳнатга узоқ тикилди, кейин овоз чиқариб:

— Бунинг бари нимаси биландир Миср фиръавнлар даврини, бўлажак пирамидаларнинг тошларини ўз елкаларида ташиган ўша бечора қўлларни эслатади,— деди.

У ишловчилар тепасига келмай наридан ўтиб кетса бўларди. Айланиб ўтадиган йўл бор эди, ҳамма ниёдалар, отлиқлар йўлнинг қурилаётган қисмини айланиб ўтишарди, аммо бундай қилишга Лев Николаевичнинг виждони йўл бермайди. У ўтакетган реалист эди, бутун умри давомида ҳақиқат кўзига, бу ҳақиқат қандай бўлмасин, нақ қорачиғига қарашга ўзини мажбур қилиб келарди.

Шундай қилиб, у айланма йўлни ташлаб, янги — ҳали яхши шиббаланмаган йўлдан юрди. Ишчилар, йўл қурувчилар ишни тўхтатишиди, кейин ҳорғинлик билан таъзим қилишга тушишиди. Толстой уларнинг қадоқ-қонталаш, латта-путта боғланган катта қўлларинигина кўрар, уни уч пудлик ер текислагичларнинг бўғиқ овози таъқиб қилиб борарди. У бирдан тўхтади ва бир умрга ўзини-ўзи текшириб — идрок этишга маҳкум этилгандек ўйлади: «Назаримда, мени нақ икки томонда саф тизилганлар орасида ўтказишаётгандай ва ҳар ким танамга тушириб қолишга шошилаётгандай, на сафнинг, на калтакнинг чеки кўринарди».

Бирдан у йўл қурувчилар орасида нафақат таъзим

қилган, балки унинг бу ерда пайдо бўлганини пайҳа-  
магандай бир чеккага чиқиб, оёқ кийимини қайта  
кия бошлаган бир одамни кўрди. Бу нарса Лев Нико-  
лаевичнинг иззат-нафсига тегди. «Илгарилари барча  
музиклар таъзим қилишга ошиқишар эди, эндиликда  
юзма-юз келишимиз биланоқ мен биринчи бўлиб таъ-  
зим қиласман, улар мабодо бош кийимларини олгудек  
бўлсалар оғир бир мashaққат билан қиладилар бу иш-  
ни».

У бир чеккага чиқиб оёқ кийимини кияётган йўл  
ишчиси олдига борди, мункайиб ўтиридан турди ва унинг юз  
тузилишига узоқ тикилди.

— Сен, анави куреневкалик, ҳали менинг Ясная  
Полянадаги мактабимда ўқиган Федотканинг ўзгинаси  
эмасмисан?

Мамнун бўлган Федотка, гарчанд энди бир пой эти-  
гини кийган бўлса-да, ўрнидан турди ва таъзим қилди.

— Худди ўзгинаси.

— Сенга нима бўлди,— танбеҳ берди Лев Нико-  
лаевич,— болалигингда, эсимда бор, савол бериб бир  
офиз жавоб олиш мashaққат эди. Эндиликда улғайиб-  
сан ва ҳамон уятчанлигинг қолмабди-да?

Федотка кулди:

— Олий ҳазратлари, жудаям унчалик эмас. Яна  
бир вақтлардагидек тортинчоқ бўлишдан олдин, ан-  
чагача дадил юрдим, аммо ҳаёт деганлари дадил-  
ларни ёқтирумас экан. Тезда дамини қайтариб қўяр-  
кан.

Лев Николаевич ўйлади: «Ёдда сақлаб қолиш ке-  
рак — ҳаёт дадилларнинг тезда дамини қайтариб қўя-  
ди. Яхши ва оддий қилиб айтилган».

— Саводни унутмадингми? Ўқиб, ёзиб турасанми?

— Унда-бунда забурни ўқиб тураман, ёзишга кел-  
сак, кўпдан бери қалам ушлаганим йўқ.

— Нега ундей бўлди?

— Ҳеч бир зарурати йўқ, кейин мен нима ҳам  
ёзардим...

Унинг сўзларидан афсус-надомат уфуриб турар,  
бироқ Лев Николаевич бу учрашувга гам-андуҳ кўлан-  
ка солишини истамасди.

— Мактабимизни яхши эслайсанми?

Федотка яна тиржайди.

— Нимасини айтасиз! Дарс, сўнг чанада мазза қи-

либ учардик. Яна дарс, сўнгра пишлоқ ердик. Яхши ўқиши эди.

— Модомики, миянгда пишлогу чана қолган экан, демак, яхши ўқиши эмас экан-да?

Федотка бу гапга қўшилолмасди.

— Йўқ, яхши ўқиши эди. Шунчаки кейинчалик бoshимга тушганилар кўнгилга ёқадиган нарсалар эмасди, шундан бўлса керак, чанаю пишлоқларни кўпинча эслаб тураман.

Лев Николаевич олдида у ҳамон иккинчи оёғига кийим кийишга журъат этолмай ялангоёқ турар, Лев Николаевич бўлса, саксон икки ёшида унинг қаршисида ўзга кимса ҳаётига буткул берилиб чўнқайиб ўтиради.

— Уйга отланяпсан шекилли?

— Ҳа, уйга.

— Намунча эрта? Ўртоқларинг ҳали ишлайти, сен отланиб олибсан.

— Борадиган манзилим уларниқига қараганда узоқроқ.

— Нимаси узоқ экан? Ҳов ана, ўрмон орти — Куреневка кўриниб турибди. Чақирса эштилади.

Федотка анчагача бошини қашиб туриб қолди, оғирлигини бир оёғидан иккинчисига солди — оёқлари ҳам кулгили, ажабтовур — бирида пойабзал, иккинчиси яланг оёқ, ерга босиб туарди.

— Ўрмон ортида бўлса менга нима фойда, модомики саккиз чақирим йўлни айланиб боришим керак бўлса. Ўрмон оралаб ўтиладиган йўлдан юргизмай қўйишган.

— Ким қўймайди?

— Аҳмад, сизнинг қоровулингиз. Еқа бўғишади зангар.

Бирмунча гарангсиб қолган Лев Николаевич:

— Хўш... қаттиқ ёқа бўғишадими? — дея сўради.

— Кимнинг пешонасига нима ёзилган. Менинг елкамдаги оғриқ бир ҳафта деганда босилди, қўшним Ермолай ҳалигача печка устида оҳ-воҳ қилиб ётиби..

Толстой бошига оғриқ турди, кўзлари ёшланди ва у юзини ўгириб олиб узоқ йўталди.

— Менга қара, Федот... Бугунчалик ўрмонни айланиб ўта қол, мен бугуноқ Софья Андреевнага айтиб кўраман...

Ниҳоят у сайдан қайтиб келганида катта залда тушлик бошлангаётганди. Мехмонлар, хеш-ақраболар, танишлар бирин-сирин дастурхон атрофига ўтиришаётганди. Қувноқлик, идиш-товоқларнинг жаранги эши билар, кимдир рояль чаларди.

Чарчаган, терлаганидан соchlари тепакалига ёпишган Лев Николаевич остоңада пайдо бўлди ва теварак-атрофда бўлаётгандарни узоқ кузатиб турди. Уни остоңада кўриб барча бирин-сирин дамини ичига юта бошлиди. Ўртага сукунат чўккач, ҳаяжондан энтикиб сўради:

— Соня, мен ҳаётлари бир қадар енгиллашсан, дея бизнинг мактабда саводини чиқарган одамларни нега ўрмонимизда калтаклашади?

Софья Андреевна унинг қайфияти бузуқ қайтиб келаётганини деразадан кўрганди: унга Лев Николаевичнинг ниманидир ойдинлаштириш учун топган вақти ва умуман, гапириш оҳангиди ёқмади. Бу хабарга айтарли эътибор бермай у:

— Черкас яна бир бало қипти-да! Бу Аҳмад бoshимга қанча ташвиш орттириди-я! — деди.

Бироқ Лев Николаевич унинг шунга ҳам ота гўри — қозихонами қабилидаги енгил жавобини қабул қилмади. У эшикда ҳорғин, асабий ва тошдан йўнилган каби қимир этмай турарди. У ўша оҳангда иккичи маротаба:

— Йўқ, сен мени умуман тушунмадинг, — деди. — Мен сендан Аҳмад ким деб сўраётганим йўқ. Мен: нега ўрмонимизда менинг собиқ ўқувчиларимни калтаклашяпти, деб сўрадим?! Аҳмад деганинг ким ўзи, бизнинг уйимизга қаердан келиб қолди?

Эрининг қатъияти Софья Андреевнани сергаклантириди. Бу мулоқот тушлик дастурхони устидаги қайфиятни бузиб юбориши мумкин эди, ўзини билган ҳар бир уй бекаси қаторида буни у истамасди.

— Мен уни бултур, уездимизда мужиклар ўртасида норозилик ҳаракати бошланганида ёллагандим. Ўрмонимизни кесиб кетишмасин учун, яна бизни уйимиз билан бирга ёндириб юборишмасин, деб ёллагандим.

Йўқ, унинг гаплашадиган сиёхи йўқ эди, шунинг учун Лев Николаевич чиқиб кетди. У ювинди, кийими-

ни алмаштирди, сўнгра дастурхон тепасига келиб, ўз жойига ўтирида ва ўйлаётгандай қилиб аста деди:

— Мен ўз ўқувчимга қўл кўтаришдан кўра дарахтларни кестириб ташлашни, ўз уйим билан ёниб кетишни афзал кўрадим.

Бу Софья Андреевнанинг меъдасига тега бошлади.

— О, суҳбат учун яхши мавзу топибсан-ку! Улар бир-бирлари билан ёқалашишади ҳам, бир-бирларини майиб ҳам қилишади, буни қара-я, кимнидир хафа қилишибди.

Сўнгра тин олгач, бошқа оҳангда деди:

— Бу хабарнинг хайрли томони ҳам бор: жаҳлингни чиқариби, томирларингга қон югурибди, ма-на энди нақ ёшариб ҳам кетибсан, кўзларинг чараклайди. Шўрвадан бир қошиқми, икки қошиқ солайми?

Лев Николаевич бошини эгди, кўзларини юмди ва ичида чўқинди: «Ё парвардигор, ёлвораман ва илтижо қилиб бандангга беришинг мумкин бўлган энг катта сабр-тоқатни сендан сўрайман...»

*Эманзор тугаб, қарагайзор бошланди. Учи кўм-кўк, саллали танаси шир ялангоч. Нақ кемабоп баланд ўсган ўрмон бир неча чақирим теварак-атрофдан яққол кўриниб туради. Бўри ҳамон тинмай илгариларди. Энди куппа-кундузи ўрмоннинг очиқ ерларидан юриб борар, ёлғизоёқ йўл чиқиб қолса энди ҳеч ким, ҳеч нарсадан ўзини четга олмай, эҳтиёткорлик қилмай, юраверарди. Бир вақтлар уни асраб келган табиий түйғу — инстинкт энди тўпорилашган, бирон нарсадан эҳтиёт бўлишининг кераги йўқ. Чунки оқибат уни фақат бир нарса кутади.*

*У қари, доно бўри эди ва ўз йўлидан юриб борарди. Унинг вужудида яшами учун яна қисман куч ва ҳаётга нисбатан софдиллик қолган эдики, ана шу софдиллик дастлаб шу кучни буткул сарф қилишини талаб этар, шундан сўнггина тақдирга тан беришни тақозо этарди. Шу боис, у тинмай юриб борар, куч қаёқдан келаётганига ўзи ҳайрон бўларди. Афтидан, она бўри унга оғир кунларингда асқатади, деб бу кучни берган, мана, қанча юрмасин, оғир кунлар девор бўлиб олдида турар, куч-қуввати эса ҳамон битмасди...*

Тушлик ҳаддан зиёд чўзилди, нақ чой маҳалига етиб борди, ундан сўнг кечки овқат бақти бўлди, Яс-

ная Полянадаги уйнинг иккинчи қаватида шўх, қувноқ шовқин тинмасди. Бу Толстойлар хонадони учун одатдан ташқари, анъанавий тартибларга зид эди. Бир неча ҳафта давом этган орани очиқ қилиб гаплашмаслик, узуқ-юлуқ тушунтиришлар, жон аччиғидаги айтишувлар, уйқусиз тунлардан сўнг куттилмаганда бирдан барҳам тоиди. Толстойлар оиласининг дўсти, пианиночи Гольденвейзер келди, болалари, набиралари келишди. Янги чеҳралар, янгидан-янги тафсилотлар, янги гап-сўз, суҳбатлар — Ясная Полянадаги хона-донга сарин шабада ёриб кирди.

Бунга биргина Лев Николаевич қўшилмас, четда эди. Тушликдан сўнг дарҳол дам олишга ўтди, озгина мизғиб олди, кейин ўзини бир қадар ёмон ҳис қилиб, меҳмонлардан Маковицкий орқали узр сўради ва ўз хонасида қолди. Бронзадан ясалган кичкина шамдонда шам ёнар, қоғоз, перо тайёрлаб қўйилган, бироқ иш юришмасди. Лев Николаевич оёғини қалин жун рўмол билан ўраб олганича бошини орқага ташлаб креслода ўтирас ва кутарди. У биринчи жумла туғилишини, ижод учун зарур бўлган ўша калит, ўша оҳангдошлиқ, ўша керакли маҳомни узоқ ва тоқат билан кутар, лекин кейинги йиллар, қарилик таъсирими бу, биринчи жумла ҳадеганда келавермас, гоҳида куни билан кутар, куни беҳуда ўтарди. Кўзлари юмуқ ўтирганича Лев Николаевич кундаликка ҳар оқшом ёзиг борадиган одат қилсан яхши эмасми, деб ўйларди. Барibir иш юришмаяпти. Тўсатдан унинг қулоғи тагида ўзининг овози эшитилди, ҳозирги кексаликдаги эмас, балки «Уруш ва тинчлик» вақтидаги жаранглаган, кескин овози эшитилди.

— Минг тўққиз юз ўнинчи йил. Июлнинг йигирма иккинчи кунида, мен, қуида имзо чекувчи, граф Лев Николаевич Толстой, ақли ҳушим ўзимда, хотира� жойида, мабодо қазо қилгудек бўлсан, қуидағи фармойишни ёзяпман: барча адабий асарларим, қачонлардан шу кунларгача ёзилган ва кўз юмгунимгача ёзилажак, нашр этилган ва нашр этилмаган, бадиими, бошқалари ҳам, тугалланган ва тугалланмаган, драматик ва бошқа шаклдаги, таржималар, қайта ўзгартишлар, кундалик дафтарлар, шахсий мактублар, алоҳида фикр ва қайд — хуллас, жон таслим қилгунимга қадар нимаики ёзган бўлсан, ҳеч бир мус-

тасносиз, қаерда бўлишидан қатъи назар, кимда сақланмасин, қўллэзмами, босма ҳолдами... ўлимидан сўнг бирон кимсанинг шахсий мулкига айланмай, балки ким истаса бадалсиз қайта нашр эттираверсин...

Шам тугаб борар, оппоқ қоғозга томчилар тўкилар, ёйиларди. Лев Николаевич қўзини юмганича креслода ўтирас, гайрат-шижоат билан муваффақиятли ишлатётган пайтидагидек чеҳрасидан нур ёғиларди. У бу сўзларни қоғозга туширмайди, аммо ўзини енгил сезаётганини ҳис қиласди, чунки улар мустақил, аниқ, равон шакл олган, демак, яшайди. Ўн йил бадалида бош қотирган қарорига ниҳоят нуқта қўйди, шу оқшом бир тўхтамга келди ва кўнгли шунчалик беҳудуд ором оғушида эдики, вужудини қоплаган бу буюк роҳатни ҳуркитиб юборишдан чўчиб қимиirlашдан қўрқарди.

Софья Андреевна иккинчи қаватда тўнғич қизи билан тўрт қўл бўлиб музика чаларди. У кўпдан бери фортеяно яқинига йўламасди, лекин тўрт қўл бўлиб чалишни ёқтиарди. Музикага берилиб кетган эрсада, лекин Лев Николаевич хонасидан бир дам хаёлини узмас, кўз-қулоқ бўлиб ўтиарди. У бирдан қотиб қолди. Машгулот сира-сира юришмади ва у ўрнидан турди, аста юриб хонадан чиқди, эшикни тақииллатмай Лев Николаевич хонасига кирди. У эшикка орқа ўғириб ўтиарди. Софья Андреевна унинг ёнидан ўтиб, юзини кўрини учун тўғри дераза тагига борди ва бу ёруғ, руҳланган чеҳра уни даҳшатга солди. У билан қирқ саккиз йил яшади ва бунинг нима эканлигини биларди. Унинг қаршисига тиз чўқди ва:

— Лёвочка, ақли ҳушинг жойидами? — деди, — Чертковнинг жинлари сенинг бош-кўзингни айлантириди, оиласнга, оиласнга қўзингга ёмон қилиб кўрсатиб қўйди. Мен пойтахтдан психиаторни чақираман ва саксон икки ёшли чол бу каби муҳим, жиддий қарорларни қабул қила олмаслигини исботлайман...

Лев Николаевич лом-мим демади. У ҳатто кўзини очмади, Софья Андреевнанинг хонада эканлигини гўё мутлақо сезмади, у бўлса, хонага кирганимни сезиб қолар, деган умидда тураверди, ташвишланган меҳмонлар тарқай бошлашди. Софья Андреевна хонасига чиқиб кетди. Меҳмонлар тарқади. Ясная Полянадаги уй чироқлари аста-секин ўча бошлади, тиланчи Фадей

ниҳоят харакка етиб олиб, қўнғироқ чилвирини тортмөқчи бўлганида, уй зимистон қўйнида, қўнғироқ эса мато билан ўраб ташланган ҳолда осилиб турарди.

— Аттанг!. Мен бўлсам у билан руҳ ҳақида гаплашмоқчи эдим.

У ҳам харакада ётиш учун тайёргарлик кўра бошлиди. Софья Андреевна уйқу дорисидан кўпроқ ичидан олди ва шу заҳотиёқ уйқуга кетди. Меҳмонлар ҳам ухлашди. Биргина Лев Николаевич ҳамон креслода ўтирас ва ўша узоқдаги, кучли ва мардонавор балогат ёшидаги овози бурро янграрди:

— Яна энг асосийси, узоқ ва яқинларимдан ўлимимдан сўнг мени мақтамасликларини илтимос қиласман. Гарчанд шундай қилишларини билсан-да, чунки тириклигимда буни жуда ёмон тарзда қилишарди. Мени мақташнинг кераги йўқ, мабодо менинг битикларим билан шуғулланишмоқчи бўлишса, бутун борлиғимни сингдирив юборган ва ўзим эмас, балки руҳим тилга кириб қоғозга туширган ерларнинг магзини чақишини илтимос қиласман. Шахсий интилишлар оқибати мен кўпинча шунчалик айниб юрадимки, ҳақиқат нури менинг нодонлигим туфайли хиралашарди, шундай бўлса ҳам олий ҳақиқат вужудимга кирав, менинг руҳим унга шакл берар ва бу ҳаётимдаги баҳтли дақиқалар эди.

Ички ишлар министри хонасида бўлажак подшо овчининг режаси тузиляпти. Саройнинг бот овчиси, пиёда қўшинлар генерали Забегин деворга осиқлик карта олдида ўзини кўз-кўз қилиб тураркан:

— Мени шимол буткул қизиқтирамайди,— деди.— Шимолий қисм тик жарликдан иборат, пастда эса бўрилар хушламайдиган сув тўлиб оқадиган дарёча бор. Бундан равшанким, бир томон ёпиқ экан, подшо ва энг жўн усул қолади — ҳалқа! Дарёча томон ҳалқани торайтириб борамиз, ўзимиз эса қиялик яқинида жойлашиб, ўлжани ўша ерда кутуб оламиз.

Министр ёрдамчиси, генерал Курлов сўради:

— Бу қадар катта ҳалқа учун шунча одамни қаердан йиғиб келасиз?

Забегин кулимсиради.

— Биз учун бунинг ҳеч бир қийинчилиги йўқ. Айни шу паллада пиёдаларнинг икки полки машғулот

ўтказяпти. Николай Гавриловичдан ёқимли ишни фойдали иш билан қўшиб ўтказиши илтимос қиласиз.

Столипин қуруқ лабининг учида кулди ва сўради:

— Таажжуб, кимни ким томонга ҳайдадингиз — бўриларни пиёдаларгами ёки полкни бўрилар тўплана-диган ергами?

— Гап бундай,— деди Забегин, у табиатан сўз ўйинига уста, жаҳлдор чол эди,— ҳамма нарсада шахсан иштирок этиш шарт эмас. Ҳаётда фикрнинг бир ердан чиқиб қолиш ҳоллари кўп учраб туради, шундай бўлгач, бизнинг вазифамиз уларни илғаб олиш ва фурсат кутиб туришдан иборатдир.

Петербургдан тўрт томонга яна рақамлар устуни учади, ҳар бир рақам бу буйруқ, буйруқлар эса муҳокама қилинмайди.

Ора-сира ёмғир томчилаб турган, шамолли ва аёзли тун. Ана шу совуқда, ана шу намгарчиликда аскарлар бўлажак ов музофотини саф тизганча жимги на ўраб боришишмоқда. Тантанали ва шахдам юриб боришаётгандай, гўё уларни қаттол душманлари кутиб турибди-ю, бу жангда дунё тақдиди ҳал бўладигандай.

*Бўри бу орада уларга яқин ерда ётар, эман пўстлогини гажирди. Нега бундай қиляпти, билиш қийин эди. Балки бу тирик мавжудот ўзи каби бошқа мавжудот билан мuloқотда бўладиган одатдир. Балки у сўнгги олишув олдидан тишини қайраб олишни хаёл қилигандир. Балки ёшлиқда ўзини кўрсатиш учун эман пўстлогини гажиганини эслагандир. Уша аччиқроқ таъм шу вақтгача оғзида қолган, эндиликда, қариганида яна унга духоб келганди. У ўтирап ва болалигини, ўтмишини кемирар, қон чиққунча, ҳолдан тойгунича гажиди ва пўстлоқ қарийб қутиқча айланганида ўрнидан турди ва енгил тортиб шимол томон юра кетди. Энди хотиралар уни қийнамасди. Энди, келажакдаги каби ўтмишда ҳам биргина бўшилик қолганди.*

Эртаси куни эрталаб сайр пайти ўрмонда Лев Николаевич ниҳоят машҳур васиятномасига имзо чекди.

Софья Андреевна кечқурун ичган уйқу дорисидан

эрталаб алламаҳалгача ухлаб ётди, кейин туриб уй ишлари билан банд бўлди, аммо ноҳуш хаёллар кўнглини ғаш қиласверди. Лев Николаевич тамаддидан сўнг айвонда Булгаков билан биргаликда янгиана келган хат-хабар, қоғозларни кўздан кечира бошлади, доктор Маковицкий шу ернинг ўзида, Словакиядан обуна бўлиб оладиган газеталарини ўқишига шўнғиб кетди, у газеталарни ватанини соғинган кимса янглиғ сўнгти ҳарфигача нақ кўзига суртгудек ўқиб чиқарди. Лев Николаевичнинг хаёли ҳалигина имзо чеккан ҳужжатида, хатларни қўлдан ўтказаркан, бошқа нарса ҳақида ўйлади, қайсиdir мактубни ўқишидан бош кўтариб, Булгаковдан сўради:

— Валентин Фёдорович, азизим, сиз университет курсини яқинда тугатдингиз. «Двадцать» «д» билан ёзиладими ёки «т» биланми?

— «Д» билан.

— Буни қаранг-а?! Мен «т» билан ёзибман.

Қонуншуносликдан бирмунча маълумоти бор Маковицкий газетадан бир сония бош кўтариб:

— Расмий ҳужжатлар, боз устига, васиятномалар ҳеч қандай тузатишсиз ёзилади,— деди.

— Мен тўғриламайман ҳам. Чол устига-устак саводсиз экан, деб ўйлай қолишин, майли.

Кўчадан қўнғроқ овози эшитилди, бу жарагланган овоздан азбаройи қийналган Лев Николаевич илтимос қилди:

— Душан Петрович, азизим, менга озгина майда бериб туролмайсизми? Неча йилдирки, ёнимда пул олиб юрмайман, аммо қарзларимни тўлаб қўйишларини айтиб қўяман.

— Худо сақласин, Лев Николаевич, нималар деяпсиз? Мен, бу Фадей деганлари сиздан кун сайин ўнтийин олавериб ичкиликка муқкасидан кетиб қолади, деган хаёлдаман.

Лев Николаевич таажжубланиб кулди.

— Унинг қўнғироқ чалишини ҳазм қилолмайман. Унинг чалишида алоҳида, ўзига хос усул бор, қулоғимга чалинса бас, мени нақ гижимлаётгандай бўлади...

Маковицкийдан майда олгач, у ташқари чиқди— қўнғироқ овози шу заҳотиёқ тинди, сўнг қайтиб келгач, у яна хатларни ўқишига тутинди. Давра фақат

эркаклардан иборат бўлганидан ўзларини аъло дара-жада ҳис қилишар, шу боис, гап-сўзсиз кечётган бу мулоқотнинг узоққа чўзилишини исташарди. Дамбадам тўкилаётган барглар орасидан айвонга кузги қўёш нури тушиб қолар, Лев Николаевич уялинқираб, ўзининг тўқима креслоси билан чолларга хос ҳаракат-ла қуёш нури тушган жойига кўчиб ўтиради.

— Мана,— деди Булгаков хийла сукунатдан кейин,— ношир Ситин «Круг чтения» корректурасидаги ўзгартишларни тезроқ тугатиб беришни ва уни босмахонага иложи борича тезроқ жўнатишни учинчи маротаба сўраяпти...

— Тезроқ бўлиши мумкин эмас,— деди Лев Николаевич,— мен шундай ҳам кунига оз-оздан ишлайман. Бундан тезроқ мумкин эмас.

Ситиннинг мактубини олиб, у ер-бу еридан ўқиб чиқди.

— Танбаллик—бу ҳар қандай иллат келиб чиқадиган манба дейишади, бу тўғри гап, аммо ҳаддан зиёд шошмашошарлик кони зиён эканлигини ҳеч ким гапирмайди; балки ҳатто шошмашошарлик инсон учун танбалликдан ортиқ фалокатлидир. Мен Пётр I ҳақида роман бошлагандим, кейинчалик йигиштириб қўйдим. Фақатгина бошланишини ёзиб қўйдим, бирдан-бир маъқул бўлган нарса ўша ерда подшонинг кўп ёвузликларини тушунтирганим, таҳлил қилганим бўлди. Уни шошмашошарлик тамом қилди—министрларни қабул қилиш, кема қуришлар, маъшуқалар билан айши ишратлар, тўп қуишишлар, Петроградни бино қилиш, этик тикиш — бу ишдан Буюк Пётргина эмас, ҳар қанақа одамнинг мияси айниб кетади...

Доктор Маковицкий бир бурчакда ўтирганича унинг фикрларини тез-тез ёзиб бораради, Лев Николаевичнинг унга кўзи тушиб, олдинига хижолат чекди, кейин докторнинг ёзувлари думи юлинган бўлиб қолмаслиги учунгина фикрини давом эттиради:

— Ҳар бир катта ёшдаги одам имкониятлари ва талаб, эҳтиёжлари доирасида мутаносиблашган ҳаракатга эга ва уни бу маромдан чиқариш керак эмас, чунки уни ҳамиша шошилтириб ва ҳа, бўл, ҳа, бўл дейилаверса, у кўп нарса қилиш у ёқда турсин, олдин қўлидан келган ишни ҳам қилолмайди.

Ёш ва бирмунча содда Булгаков сўради:

— Буларнинг ҳаммасини Ситинга ёзib юборайми?

— Йўқ, нима кераги бор, Ситин мени шопшилти-раверсин, бу унинг иши, бунинг унга қизиги бор, мен эсам шошилмайман...

Маковицкий ёзишдан тўхтади.

— Қизиқсаним учун кечирасиз, Лев Николаевич, аммо Буюк Пётр ҳақидаги романингизни нима учун ёзмаганингизни жуда билгим келяпти?

Толстой бармоқлари билан соқолини таради, кейин силади:

— У роман анча вақтгача ёзилавермай қийнади. Пётр давридан кейин ҳаётимиизда жуда кўп нарсалар ўзгариб кетганлигидан, чамаси—ҳатто рус тили ўзгариб кетди, сирасини айтганда, ҳаддан зиёд даражада, мен ёзаётган нарсаларимда ҳақиқат ва тўғриликни ҳаммадан устун кўрадиган ёзувчилар тоифасига кираман...

Яна хатлар шитирлайди, Лев Николаевич нуроний юзини кузги қуёш нурларига тутади, учаловлари айвонда роҳатланиб ўтиришади.

Бу вақт Софья Андреевна иккинчи қаватда, ўз хонасида қора шойидан кенг кўйлак—Лев Николаевичга кафтан бичди. Яқин кунларда уларнинг тўйи бўлиб ўтганига қирқ саккиз йил тўлади ва унга совға тайёрлаётганди, ўз қўлинг билан тиккан кафтандан ортиқ яна қандай совға бўлиши мумкин, боз устига, Лев Николаевич байрамларда киядиган ўша кафтани эскириб қолди.

Бичиши тугатиб, у керакли ерларига белги қўйиб чиқа бошлади, иш устида, негадир, биринчи маротаба оғироёқлигига Лев Николаевичга тикиб берган кафта ни ёдига тушди, ўшанда у кўнгилдагидек чиқмаганди, шундай бўлса ҳам Лев Николаевич уни ранжитмаслик учун тикувчилик маҳоратини кўкларга кўтариб мақтаган ва ҳамиша меҳмонлар олдига кийиб чиқарди. Шу кўйи ўзи тиккан сон-саноқсиз кафтандар яна хотирасида қалқиди, кейин шалоқ машинасида тиккан кенг ва тор юбкача, тугмасиз кўйлакча, пешбандчалар уюмини бир йўла эслади, шуларни назарда

тутисла бадавлат боён хонимми ёки қофоздагиларни оқقا кўчирувчими, ёки Москва чеккасидаги камбагал тикувчими — аниқ айтиш мушкул эди...

Эҳ, агар у ўша Зингер машинасини ғувиллатиб кийим тиккан узун тунлари бир кун келиб унинг кафтанларига, қўллэзмаларни оқца кўчиришига, муҳаббатига зор бўлмай қолишларини билганидами, ҳатто болалар ғамини еб, чурқ этиб оғиз очса, унинг нима дейишини билмай туриб «йўқ», дейишга тайёр ҳолда таҳқирловчи сукунат билан жавоб беришини билганидами...

Эндиғина бичилган матога кўз ёшлари дастлаб ора-сира, кейин қўйилиб тома бошлади ва Софья Андреевна матони тезгина йиғишириб олди ва бошини қўйлари билан аламли чанглаб ўқраб йиғлай бошлади. Бу дард, бу аламда, бу ғам-ғуссада у қаердадир узоқдан Лев Николаевичнинг овозини эшишиб қолди. Лев Николаевич уни чақиради. Ва у кекса аскардек, энг садоқатли хизматкордек, шу заҳотиёқ юзини артди, уст-бошини тўғрилади. Ёши имкон берган даражада тез юриб пиллапоядан пастга тушди, айвонга ўтди ва мулойимлик билан сўради:

— Лёвочка, чақирдингми?

Лев Николаевич мушкул аҳволда эди. У умри давомида ҳамиша мулойим сўздан эриб кетарди, ҳозир эса ўзини қўлга олиш керак эди. Васиятномага имзо чекиши узоқ йиллар давомидаги мулоҳазалар маҳсули эди, ҳаётидаги бутун бир даврнинг якуни эди ва ҳозир ийиб кетса борми—ҳамма-ҳаммаси чиппакка, чиқиши мумкин эди.

— Йўқ,— деди у хатлардан кўзини олмай, қуруққина қилиб. Улар мана бир неча кундирки, бир-бirlарига нисбатан тўнларини тескари кийишган, жанжаллашиш ҳолатида эдилар, унга бу ҳолат шу зайлда гапириш ҳуқуқини берарди. Бироқ бечора Софья Андреевна, ярашишни кутарди, ярашиш учун чақиришиди, деб ўйлаганди, эндиликда нақ тиғдек ботувчи аччиқ «йўқ»ни эшитди. У энтика-энтика бир-икки ютинди, ўғрилдию чиқиб кетди. Лекин унинг келиб-кетиши билан пайдо бўлган қандайдир зил, асабий ҳолат ҳамон давом этарди. Бу ҳолатни орадан бир қадар кўтариб ташлаш учун Булгаков:

— Душан Петрович, словак газеталарида нима янгиликлар бор? — деди сўради.

Маковицкийнинг бу сафар ўз матбуотидан кўнгли тўлмай турувди.

— Қанақа янгилик бўларди — нуқул фитна, нуқул ғаразгўйлик... Қўшниларимиз ҳамон тинчлик ҳақида гапиришади, ўзлари эса уруш ҳақида ўйлашади...

— Ҳа, айтгандай, «Уруш ва тинчлик» ҳақида. Ўқувчи Ростовлар сўзида урғу биринчи унлигами, иккинчисига тушадими — ёзib юборишимиизни сўраяпти, — деди сўради Булгаков.

Лев Николаевич ўта жиддийлик билан жавоб берди:

— Иккинчисига. Албатта ёзib юборинг. Инсонда масалага аниқ қизиқиш бўлишини жуда яхши кўраман — бу инсоннинг жиддийлигини билдирувчи бирингчи белги.

Александра Льеввона бир уюм корректура кўтариб жимгина кириб келди.

— Бир дақиқага кирдим, халақит бермайманми?

Лев Николаевич илжайди.

— Саша, азизим, сен бирон кимсага халақит бера олармидинг?

— Мени мақтاشнинг кераги йўқ, акс ҳолда мақтодан одамнинг бузилиши ҳеч гап эмас... Яна ўша қарishi «Эс-ҳушингизни йиғинг...» номли мақолани олиб кирдим. Владимир Григорьевичнинг фикрича, композицияси яхши эмиш, мақсла кўпгина бобларга бўлинган, лекин ҳолда ҳар бобга алоҳида эпиграфлар қўйилиши мақсадга мувофиқмиш. Унинг фикрича, эпиграфларни тўплаб мақола бошланишида бериб, орқадан текстни бошлаб юбориш керакмиш...

Лев Николаевич корректурани қўлига олди-да, ўйлануб қолди.

— Йўқ, шундайлигича қолгани матьқул. Биласизми, мен одатда бирон нарса ўқийдиган бўлсан әкиграфни ташлаб тўғри текстдан бошлайвераман. Агар эпиграфлар бир ерга тўпланса, китобхон бир йўла сакраб ўтиб кетиши мумкин. Мабодо ҳар бир боб олдиндан берилса, қарабисизки, биронтасига кўзи тушиб қолиши мумкин...

Александра Львовна ундан корректуруани олди ви  
кулиб деди:

— Батартиб кўринишингдан сени ҳеч әпиграфлар-  
ни ташлаб ўқийди, деб бўлмайди.

Шундай деб у чиқди, айвондан қоғозларнинг енгил  
шитирлаши эшитилди, аммо Зингер машинаси ҳамон  
тикишни истамасди — ип чайнаб кетар, игнаси синар,  
янгирина шойи матога кўз ёшлар томар, яна фарёд,  
яна ранжи алам хуружи ичра Софья Андреевнага уни  
кўришмоқчи бўлишаётгандай, чақиришаётгандай  
бўлиб туюлар ва яна пиллапоядан пастга тушиб ай-  
вонга ўтарди.

— Лёвочка, мени чақирдингми?

Яна қуруққина, раҳмсизлик-ла қисқа жавоб:

— Йўқ.

— Таажжуб. Иккинчи маротаба сенинг мени  
чақирганингни аниқ эшитдим.

У шундай асабий эдики, одамнинг раҳми келарди,  
лекин Толстой шу куни васиятномага имзо чеккан,  
унга раҳм қилолмасди.

— Сонечка, эшитилгандаи бўлгандир. Мана гувоҳ-  
лар, сени чақирмаганлигимни тасдиқлашади.

— Яхши, кечирасизлар.

У кетди, аммо ундан сўнг яна ўртага оғир суку-  
нат чўқди. Яна оҳиста қоғоз шитирлагани эшитилади.  
Ёш Булгаков чолга яхши кайфият бағишиламоқчи  
бўлиб яна бир карра уриниб кўрди.

— Лев Николаевич! Жуда қизиқ хат! Ясная Поля-  
надаги мактаб ишлаган услубда ишлайдиган мактаб  
очишларига кўмаклашишни сўраб ёзишган.

Лев Николаевич шубҳаланиш билан сўради:

— Аёл киши ёзганми?

— Фамилиясидан аниқлаб бўлмайди, дастхати-  
дан, менимча, аёл киши.

— Ундей бўлса, ёрдам беришга имконимиз йўқ,  
деб жавоб қилинг. Қисқагина, ортиқча тафсилотсиз.—  
бир муддат тин олгач, шикоят қилди:— Мен бу муал-  
лима хонимлардан чарчадим.

Маковицкий кулиб сўради:

— Сизни кутиб турган кечаги ёшгина хоним ҳам  
муаллима эдими?

— Қўйинг, ёдимга солманг!

Лев Николаевичнинг аччиқланиши тагида таас-

суротлари билан ўртоқлашишга тайёр эканлигини сезган Маковицкий сўраб қолди:

— Лев Николаевич, нима бўлганди асти? Марҳамат, гапириб беринг.

Толстой ўйга толди, кулимсиради:

— Одамнинг ичагини узадиган иш бўлганди. У хонага кириб келганди, шундай ёш, қувноқ, яхши кийинган. Бўйнида занжирча, қўлида ҳам шундай занжирча. Афтидан, қимматбаҳо бўлса керак. Янги программали, тамомила бошқача янги мактаб очмоқ чиман, дейди, лекин ниятини амалга ошириши учун иккита нарса етишмаётган эмиш. Пул ва маълумот. Шундай бўлса ҳам бўшашмайди: саводини хусусий курсларда чиқарармиш, пулни эса мендан сўрайди. Мен ундан сўрадим: мактабингизда қанақа янги программа бўлади? У сумқасини титкилай бошлади, дафтарни олди, ундан қандайдир қофозлар сочилиб кетди. Менга ўқиб берди: худо ҳақида, математика, география, тарих. Мен ундан, бунинг нимаси янги экан, деб сўрадим. Ҳеч бир хижолат тортмай яна жавоб қилди: ахир ҳаммаси янги-ку. Мен унинг бу жавобига, афсуски, ёрдам беролмайман, дедим. У, биласизми, озгина бўлса ҳам хижолат чекмай, шу оннинг ўзидаёқ мендан тола сўради. Мен: қанақа тола, дедим. Қанақа бўларди, оддий тола, дейди. Мен соқол толасиданми ёки ипак толаси бўлгани яхшими? — дедим.— Аҳ, барibir, тола бўлса бўлгани, дейди. Хонимча, мен сизга тола бермайман. Ҳаддан зиёд ҳайрон бўлди: нега, нима учун? Чунки хоҳламайман.

Маковицкий мириқиб кулгач, сўради:

— Шу бўйича жўнатвордингизми?

— Шу бўйича жўнатдим.

Суҳбатни диққат билан тинглаб, хатларни кўздан кечираётган Булгаков суҳбат бошқа мавзуга ўтиб кетмаслиги учун дафтар варағини олди.

— Лев Николаевич, айнан шунга ўхшаш мактуб. Аёл фаҳш ишлари учун тавба қиляпти. Ёзишича, бошида эри бўлса ҳам иккинчи эркакни севиб қолиб у билан шаҳвоний алоқада бўлибди, энди нима қиласай, деб сўраяпти...

Толстой жонланиб кетди.

— Қани менга беринг-чи... Жуда қизиқ экан, буни ўзим ўқиб чиқишим керак...

Кўзойнагини тақди, узоқ диққат билан ўқиди, кейин хатни авайлаб меҳр билан текисларкан, хат йўлловчига гўё ҳозир ёнида тургандек деди:

— Жонгинам, иккинчисидан кейин учинчи бўлмаслигига ким кафолат бера олади? Ларошфуко ёзган эди назаримда, ўйнашлари бўлмаган хотинни топса бўлади, аммо битта ўйнаши бўлган хотинни топиш жуда қийин, деб...

Яна, бу сафар учинчи маротаба кирди Софья Андреевна. Ранги оппоқ. Эзилиб кетган, паришонхотир ҳолда эшик олдидা туриб қолди.

— Бу сафар янглишмаган бўлсам керак, деб ўйлайман... — деди у аранг нафасини ростлаб.

Лев Николаевич лом-мим демади, шунда у эрининг оёғи тагига чўқ тушди. Секин, қишлоқчасига инграб ва дардининг зўрлигидан ютина-ютина сўради:

— Лёвочка, нега мендан жаҳзинг чиқяпти? Бу аразлашув қачонгача давом этаверади, ахир тугамаслиги мумкин эмас-ку...

Биринчи бўлиб Булгаков чиқиб кетди. Маковицкий олдин газетадаги мақолани ўқиб тугатди, кейин у ҳам чиқди. Эри билан якка қолган Софья Андреевна тинчланмай узоқ йиғлади. Лев Николаевич эса ҳали у кирганида қандай ўтирган бўлса шу ҳолича қимир этмай ўтиради. Йиғлаб олгач, Софья Андреевна секин сўради:

— Лёвочка, бугун мен учун жуда қийин кун бўлди. Негадир, назаримда, оиласизда қандайдир фалокат юз бергандай туюлди менга, бу фалокат ҳали менга етиб келгани йўқ-ку, аммо ҳали-замон етиб келадигандай. Мен худога ёлвориб, бу фалокатдан мени асршини, сендан эса менга ёрдам қилишингни сўрайман.

— Нима қилсан ёрдамим тегади?

— Мени тинчлантир, хотиржам қил. Агар шундай қилишни хоҳламаётган бўлсанг, мен билан ёнма-ён ўтири, мен ўзим тинчланишга ҳаракат қиламан.

— Яхши. Бирга ўтирамиз.

Улар ўтиришар, чурқ этишмас, бу орада Лев Николаевич ўйларди: «Мени ҳамиша таажжубга соладиган нарса унинг ҳамма нарсани олдиндан била олиши. Тавба, одам деган ҳам шундай каромат соҳиби бўладими?! Васиятим ҳақида ўн йилдан бери гап-сўз

юрибди, у ўн йилдан бери ташвишланади, ўз ёгига қовурилади, мана, ниҳоят ҳужжатга имзо чекилди. Ҳали бир кун ҳам ўтгани йўқ, у ҳаммасини билиб олди, гарчанд бу янгилик қулоғига етиб бормаган бўлса ҳам».

— Мен билан гаплашсанг-чи, Лёвочка. Мен билан ёнма-ён ўтириб, хаёлинг бошқа нарсада бўлишини ёқтирамайман.

— Иккаламиз нима ҳақда гаплашамиз?

— Жилла қурмаса, сўнгги овунчоғимиз — Ванечка ҳақида.

— Кел, майли, Ванечка ҳақида гаплашайлик.

— Биласанми, назаримда, у жуда чиройли ва ёқимли туғилгандек, чунки уни бизга худо қариганимизда, ёшлигимиздагидан фарқли ўлароқ, биз раҳмдил, маънавий бой бўлганимизда берди.

Лев Николаевич қўшилди:

— Бўлиши мумкин.

Софья Андреевнанинг чиройи ёриши: у охирги фарзандлари Ванечканни жон-дилидан севарди.

— Биласанми, Лёвочка, яна нима келди хаёлимга, халқ әртакларида ўша Ванюша тентаклар энг кучли ва ақлли бўлишади. Улар ота-оналарининг тажрибаларини ўзлаштириб, акаларининг муваффақиятсизликларидан сабоқ оладилар.

— Жуда яхши ва қизиқарли фикр.

— Яна шу нарса хаёлимга келдики, агар у ўшанда, касалдан соғайиб тирик қолганида, ҳамма нарсамиз бошқача ва бизлар ҳам бошқача, бир-биримизга сқибатли, янада сабр-тоқатли бўлардик.

— Бўлиши мумкин.

— Дам-бадам менга негадир унинг ижод этиш иқтидори бордек, кейинчалик у ҳам жаҳонга танилган адабиётчи бўладигандек туюлади. Унинг биринчи ёзган нарсаси ҳам «Болалик» деб номланган бўларди ва бу Ясная Поляна ҳақидаги, унинг болалик ва бизнинг қаригандаги ҳаётимиз китоби бўларди. Шунингчун балки ҳозир ҳаётимиз сўнггида бизни ҳеч ким ёш кўзлари билан кўриб, ёш қалби-ла эслаб қолмаслигини ўйлаб шунчалик изтироб чекаётгандирмиз.

Лев Николаевич бирдан ўрнидан турди ва боғда барглар тўкилишига узоқ тикилиб қолди. Чиройли, сап-сариқ барглар, қилт этган шамол йўқ. Шундай

бўлса ҳам қандайдир табиат қонуни бўйича шохлардан узилиб сўнгги парвозларида узоқ чир-чир айланишарди.

— Нега жим қолдинг, Лёвочка?

— Негадир ғам босди ва боз устига, Фетнинг куз ҳақидаги шеъри ёдимга тушди.

Шом. Ташқари зим-зиё,  
Уйқу босар барчани.  
Хазонлар учиб юрар,  
Тунда шамол қутурар,  
Тарақлатар дарчани...

Бу орада Петербургнинг кимсасиз кузги кўчалари бўйлаб подшонинг бутун сарой аҳли ва киборлар давраси овга чиқиши. Саф бошида олий ҳазратлари полкнинг лейб-гвардияси борар, ортда гвардиячи отлиқлар келишарди. Ҳарбий марш садолари янграмоқда, боқилган отларниң туёқлари гишт йўлларда тарақлайди, милтиқлар ваҳимали қорайиб кўринади. Ўқдон камарлар ялтирайди. Кузги биринчи совуқлардан бир қур қотган пойтахт жонланди, катта ва муҳим воқеа арафаси унга янги ҳаёт бағишилагандек эди. Одамлар йўл узра тўхташган, икки букилиб таъзим қилишади, овчиларни ҳавас билан кузатишади, чунки улар ҳам одам ва ҳар бир одамда қадимий ов туйғуси яшаб келади, ҳар ким ҳам кўз олдида ўзининг кимлигини кўрсатиб қўйиш учун ҳайвонни таъқиб қилиб бориб ертишлатишни истайди.

Силласи қуриган, чарчаган бўри бу орада ўрмондаги булоқ узра энгашган ва совуқ, музденк сувни шалоплатиб ичарди. Чанқамаган, лекин чанқоқлик хуруж қиласидиган палла эди ва гарчанд очиқкан ва тинкаси қуриган бўлса ҳам ўзини йўлдан тойишга, булоқ узра энгашишга мажбур этди. Итларниң вовиллаши, таъқиб этувчиларниң шовқин-сурони эшитилиб қолганди, аммо у ўзини йўқотмаслиги керак, одатларига содик қолиши лозим, ўзини буткул қўлга олиши даркор ва у бир мезёрда совуқ сувни ҳўялларди.

У, сув ичиб бўлиши биланоқ облава бошланишини биларди, балки бу умрида энг сўнггисидир. Лекин

унинг ҳали яшагиси бор эди, яшаши жуда-жуда иетарди. Галага бош бўлиб, ўлжани таъқиб этиб топши, ёши урғочи бўриларни талашиб, наслини кўпайтириш, лекин булардан биронтаси қолмаган, бўлиши ҳам мумкин эмасди. Биргина муздек сув, шипшийдам тўнгиган ўрмон, ер қолди холос.

Тушда Петербургдан Толстойлар оиласи чақиртирган машҳур профессор-психиатр Россолимо келди. Тушликкача Софья Андреевна у билан кузги шипшийдам боғни кезди, кейин уни меҳмонларга таништириди, бироқ тамаддига ўтиришмади — Лев Николаевични кутишиди. Аксига олиб, у ишга киришиб кетганди, жуда кеч келди — чарчаб, маъюс тортиб келди. Ҳаммага бир йўла таъзим қилди ва ўзининг одатий ўрнига ўтириди. Софья Андреевна қувноқ, бир қадар ясама овозда:

— Лёвочка, марҳамат, таниш,— деди.— Григорий Иванович, машҳур профессор, шунчалик илтифот кўрсатдики, бир тупканинг тагидан, Петербургдан бизникига келишга рози бўлди.

Лев Николаевич турди ва унга алоҳида таъзим қилди.

— Йўл сизни айтарли толиқтирумаган бўлса керак, деб ўйлайман?

— Ҳа йўқ. Аксинча. Мен ҳаммадан ҳам йўлда яхши дам оламан.

Орага чўккан сукунатдан сўнг Лев Николаевич сўради:

— Сиз медицинанинг қайси соҳасида хизмат қиласиз?

Профессор бир оз довдираб қолди.

— Рухсатингиз билан, менинг соҳам унчалик аниқ номланмайди, нерво-психик...

— Бу, афтидан, инсон қачон ақли ҳушида бўлади-ю, қачон ақли ҳуши бегона бўла бошлайди, аниқлаб берадиган соҳа бўлса керак?

Профессор мулоим кулди.

— Бу соҳада сиз билан баҳслашиб ўтиrolмайман.

Суҳбатнинг бу қадар очиқчасига ўтиши Софья Андреевнани бир мунча довдиратиб қўйди, у хизматкор меҳмонларга овқат тортиб чиққач:

— Нима десангиз денг, мен шаҳар кишисиман,— деди,— умримни асосан Яснаядада ўтказган эрсам-да, ҳамон шаҳарни қўмсайман. Шаҳар турмуш тарзида ҳар қалай кўпроқ тартиб бор. Бу атроф кенгликларда шунча ўғри, тиланчи, дайдилар кўпайиб кетганки, уларга қарашнинг ўзи жирканчли. Бугун әрталаб таш-қарига чиқдим ва даражат тагида ўтирган, ҳайратомуз, юз-кўзига қараб бўлмас даражадаги бир камбағал болага кўзим тушди.

Лев Николаевич овқатдан бош кўтармай сўради:

— Бизнинг афти ангорларимиздан ҳам баттарми?  
Ҳамма кулиб юборди. Софья Андреевна ҳам кулди.

— Баттар.

Ўртага сукунат чўкди. Тамадди қилишяпти. Қошиқ-вилка, идишлар шиқирлади. Толстой ўйлайди: «Бугун яна қўймоқ. Болалар қўймоқ — жўн овқат, деб ўйлашади, ваҳолонки кўп одамлар шуни ҳам топиб ея олмайди».

Татьяна Львовна профессордан сўради:

— Марҳамат, пойтахтда қандай янгиликлар бор, гапириб беринг?

Профессор тақсимчасидаги қўймоқни еб тугатди, лабини артди.

— Айтарли янгиликлар йўқ. Балки қулоғимга чалинмас. Бирдан-бир янгилик — у ҳам бўлса, Португалия инқилоби. Аммо сиз, афтидан, бундан хабардор бўлсангиз керак.

Лев Николаевич бошини қимиirlатди.

— Бу ҳақда менга кеча хабар беришганди, чин кўнгилдан хурсанд бўлдим.

Софья Андреевна елкасини учирди.

— Тушунмадим, нимага хурсанд бўлиш керак?

— Ие-е, ҳар қалай, ҳаракат бор-ку. Ҳозирги замон давлатларида инқилоб муқаррар ва бу қироллар, ва бу подшолар, гапларимни эсда туting, ҳали қамоқ-хонада кўп ўтиришади.

— Ҳамманинг ҳам фикри шундай эмас. Мана, Достоевскийда, масалан, унинг «Ака-ука Карамазовлар»ида...

Достоевский номини әшишиб Толстой жонланди:

— Достоевский унчалик ҳақ эмас. Унинг инқилобга тош отиши яхши эмас. У улар ҳақида кайфиятлари-

га тушуниб етмай, фақат ташқи кўринишларига қараб баҳолайди.

Толстойнинг кенжаси ўғилларидан бири Андрей Львович гапга қўшилишни лозим топди:

— Кайфият — тасодифий ҳолат, ташқи кўриниш ҳамишалиги билан фарқланади. Менинг назаримда, кипининг характеристери кайфиятидан кўра ташқи кўринишида кўпроқ кўзга ташланади.

Лев Николаевич қуруққина қилиб:

— Сизга келсак, айнан шундай,— деди.

Суҳбат яна кескин тус олди, Софья Андреевна яна вазиятни енгиллаштиришга уринди.

— Лёвочка, бугун сен жуда серзардасан. Яёв сайрдан сўнг сен ҳамиша серзарда қайтасан. Дэлир бўлса отхонада ҳаммаёқни тарақа-туруқ қиляпти.

Уртага сукунат чўкди. Тамадди қилишяпти. Лев Николаевич ўйлади: «Утган ҳафта ҳам қўймоқ еб тўйишганди. Уйдагилардан тўрт-беш чоғли одам елиб-югуриб пиширганди, ўн беш чоғли одам стол атрофида ўтириб паққос туширганди, мен бўлсан уларнинг шапиллатиб кавшашларини эшитиб ўтирдим ва уларнинг ёғ йилт-йилт қиласидиган юзларини кўриб қаттиқ уялдим».

Тушлик тугаб ва меҳмонлар катта залга ўтиб дам олишаётганда Булгаков бир даста хат кўтариб кириб келди:

— Лев Николаевич, икки кундирки, келган хат-хабарларни кўздан кечирмаяпсиз.

— Бандман, азизим, бадиий иш билан бандман. Нима, бирор зарур, қизиқарли нарса борми?

— Нима десам экан...

Булгаков кичкина стол олдига бориб ўтириди ва янгигина келган хат-хабарларни тита бошлади.

— Мана бу телеграмма петербурглик студентдан. Пул юборишини сўрабди, пулсиз ўтирганмиш.

Лев Николаевич телеграммани сўраб олди. Ўқиб чиқиб кулди.

— Фавқулодда янгилик. Илгари бу каби илтинос билан хат орқали мурожаат қилишарди — телеграф биринчи маротаба қўлланилиди. Яна нима?

— Руслар ва чет элликлардан келган талайгина хатлар, руҳ ҳақида, дин ҳақида, худо ҳақида.

— Қолғанларини әртага кўриб чиқамиз. Аниви конвертларда нима ёзилган?

— Шеърлар. Бу ҳафта жуда кўп шеър келди.

Шеър сўзини эшитиши билан Толстой ижирғанди.

— Валентин Фёдорович, азизим, шапирографда қўйидаги сўзлар ёзилган бир неча юзта открытка тайёрланг. «Лев Николаевич сизнинг шеърларингизни ўқиб чиқди ва унга шеърларингиз ёқмади. У сизга бу машғулот билан умуман шуғулланмасликни маслаҳат кўради». Почта орқали қачон шеър келса, ўқимаёқ әгасига шу открыткалардан бирини юбораверинг.

Меҳмонлар кулиб юбориши. Валентин Фёдорович эса тараддудга тушиб қолди.

— Ноқулай бўлармикан, Лев Николаевич. Ахир орасидан бирдан яхши шеърлар чиқиб қолиши мумкин-ку?

— Э, қаёқда? Ким ёзади! Ҳозир адабиётда ақлдан озадиган ишлар бўляпти.

— Бирдан чиқиб қолса-чи? Конвертни очсак ажойиб шеър юборилган бўлса-чи?

Лев Николаевич жим қолди, кейин қуруққина, ибратли қилиб гапириди:

— Ажойиб бўлиши мумкин эмас, чунки мен шеърларни умуман ёқтирамайман. Менга фақатгина Пушкиннинг бир неча шеъригина ёқади, тўғрироғи, Пушкин, боз устига, қойилмақом насрый асарлар ёза олгани учун.

Андрей Львович бу каби сўнгсиз четга чиқишилардан норози бўлаётганини билдириди.

— Дада, жаноб профессор Петербургга иложи борича тезроқ қайтмоқчи эди.

Ўзини ноқулай сезган профессор қўшиб қўйди:

— Афсуски, университетдаги машғулотларим...

Толстой бошини кўтарди. Кексайган, хиралашган нигоҳи оила аъзоларининг юзига бир-бир тушар ва бу орада бутун вужуди илтижо қиласарди: «Парвардигор, ўзимни қўлга олишимга ёрдамлаш ва менга ҳаворийларинг сабр-тоқатини бер...»

Худо унинг илтижосини эшиитди. Лев Николаевич, оқкўнгил ва ёқимтой, буткул ўзини қўлга олган чол, мулоҳимгина сўради:

— Жаноб профессор учун мен нима қилишим керак?

Биргина Софья Андреевна гап нимада эканлигини очиқ-ойдин гапириши мумкин эди.

— Лёвочка, Григорий Иванович менинг саломатлигимни бир сидра текшириб кўрди, талайгина янги дорилар ёзиб берди, сени ҳам бир кўрса, маслаҳат берса, дегандик.

Лев Николаевич узоқ ўтириб қолди, у ўйларди, ўйлар экан, кўчадан қўнғироқнинг майин жаранги эштилди. Ёмғир ёға бошлади, тиланчиларга дарахт таги торлик қилиб қолдию улар графнинг чиқишини сўрашди. Толстой дераза олдига келди, ҳовлига қарди.

— Ҳали айтганимдай, мен ҳозир бадиий иш билан бандман,— деди аста.— Устига-устак, дастурхон атрофида сұҳбатлашишимизнинг ўзи, менимча, жаноб профессорнинг фани учун маълум даражада етарли бўлса керак, деб ўйлагандим...

Россолимо яна ноқулай аҳволда қолди.

— О, албатта, айнаң менинг мутахассислигимга келсак, менга ҳаммаси равшан. Илтимосим ўта шахсий маънода. У сизни уринтирмаса, албатта...

— Худо ҳаққи, хизматингизга тайёрман...

Профессор иккиланиш билан деди:

— Эштишимча, шахматни дуруст ўйнар экансиз. Дам олиш пайтларида ўйнашни мен ҳам...

Толстой кулди.

— «Дуруст» ўйнашим мен учун кутилмаган ва айни чоғда хуш ёқадиган янгилик. Мен ўн ўйиндан тўққизтасини ютқазаман, аммо-лекин бу сизга бизникоша ўтказаётган шомингизни кўнгилли ўтишига нафи тегса...

— Беҳад миннатдорман.

Толстой эшик томон юрмоқчи бўлди. Қўчадан қўнғироқ овози келдию у бўсағада тўхтаб, профессорга ўгирилди ва унга ҳасрат қилди:

— Дунёда яшаш жуда қийин бўлиб қолди.

Бу Софья Андреевнанинг нафсониятига теккандай бўлди.

— Бунинг нимаси қийин? Ҳамма сени яхши кўради.

— Нега менга қийин бўлмаслиги мумкин? Емиш яхши эканлигиданми? Шундайми?

— Ҳа йўқ, мен сени ҳамма яхши кўради, деяпман.

— Яхши кўришади, бўлмасам-чи! Бир қарагин, ҳовлида қанча тиланчи бор — ҳар куни бўлмаганда бештитаси келади, келадиганларнинг чеки йўқ! Мана, отда сайр қилишдан ўзимни тийишга мажбур бўлдим.

Софья Андреевна яна тутақди:

— Бу дайдилар билан сенинг нима ишинг бор! Сенинг номинг Россия аҳли тилида, бутун дунё газеталари сен ҳақингда ёзяпти, қоп-қоп телеграмма ва мактублар келади! Ана, бугун эрталаб «Таймс»дан иккита телеграмма келди — сен ўзингни қандай ҳис қилаётганингни, соғлигинг қандай, зудлик билан хабар қилишни сўрашяпти. Ҳатто нима деб жавоб қилишни билмай қолдим.

Толстой оппоқ соқолини ҳоргинлик билан силади.

— Бор гапни ёзиш керак. Вафот этди, кўмилди ҳам деб ёз ва унинг дафнида Россиянинг ярми ичиди шунчалик маст бўлдики, кўз ўнгига дунё чайқаларди, деб ёз!

Андрей Лъвович қуруққина қилиб:

— Дунё Россия кўз ўнгига тамомила бошқа важдан чайқаляпти,— деди.

Толстой жўнгина қилиб деди:

— Тушунтиришингиз учун миннатдорчилик билдираман, аммо айтиб қўйишим мумкин бусиз ҳам, худога шукур, шунча ёшга кириб юрибман.

Сўнг хонадан чиқди.

Тунда Софья Андреевнанинг жазаваси тутди. Қариб барча хоналарда ва йўлакларда чироқ ёқилиб, одамлар дори, грелка, компресс кўтариб югуришарди. Доктор Маковицкий ва профессор Россолимо тунги соат иккida уни тинчлантиришга муваффақ бўлишди. Шундан сўнггина чироқлар ўчирилиб, хонадон тинчланди.

Софья Андреевнанинг уйқуси беҳаловат кечар, тинмай алаҳсиради. Тушига бир нарсагина қайта-қайта кирап, аммо узуқ-юлуқ намоён бўлар — дам ўша воқеа ўртасигача кечар, кейин тўсатдан узилиб, ҳаммаси айқаш-уйқаш бўлиб кетар ва яна қайта бошидан бошланар, дам охирига етиб қолар ва нақ

сўнгтида барибир узиларди ва яна бошқатдан, шу хилда давом этарди.

Тусига Петербургдаги Исаакиев собори, Санкт-Петербург митрополити, ладогалик Антоний ва бир вақтлар граф Толстой ҳақидаги православ черковининг олий идораси чиқарган номага имзо чеккан бошқа олти митрополит киради. Бошқа митрополитлар қуршовида турган Антоний Толстой ҳақидаги номани меҳробдан қироат билан ўқирди:

— Дунёга машҳур ёзувчи, зоти рус, православ динидаги граф Толстой ақли ва ғурури кўзини тиндирганидан худо ва Исога беодобликларча қарши чиқди, барчанинг олдида уни йўргаклаган она — православ черковидан намойишкорона юз ўғирди, худо берган истеъдодини, адабий фаолиятини, ҳалқ орасида одамлар қалби ва онгидаги она ватанга бўлган буюк ишончни ва шу вақтгача Руснинг мустаҳкамлиги, қудратига асос бўлган православ динини таг-туби билан йўқ қилишга қаратди.

Собор одамларга лиқ тўлган, игна тушадиган ер йўқ, қадам босиб бўлмасди. Софья Андреевна ҳам, Лев Николаевич ҳам ва уларнинг барча хешу ақраболари ҳам митрополитга қулоқ осишганди. Ғазаби тошган Лев Николаевич унга жавоб беришга ошиқиб туваҳади. Софья Андреевна уни жон-жаҳди билан ушлаб туришга ҳаракат қиласди, бироқ у барибир юлқиниб, одамлар орасидан ўтиб минбарга яқин боради ва әнди баланд гумбазлар остида унинг овози момақалдироқ янглиғ гумбурлаб эшитилади:

— Мен ҳақиқатан ҳам черковдан юз ўғирдим. Аммо юз ўгиришдан аввал, унинг ҳақлигига шубҳа тутғирган баъзи ҳолатлар сабабида, мен черков таълимотини назарий ва амалий текшириб кўришга бир неча йил умримни бахш этдим. Черков ҳақида ўқиши мумкин бўлган манбаларнинг қарийб ҳаммасини ўқиб чиқдим ва илоҳиёт ақидаларини танқидий назар билан сарагини саракка, пучагини пучакка ажратдим. Амалиётда эса йилдан кўпроқ вақт давомида черков лозим кўрган талабларга қатъяян итоат этдим, рўза тутдим, черков ибодатларига мунтазам бориб турдим. Ниҳоят, черков маккор ва ёлғон эканлигига ишонч ҳосил қилдим...

Антоний ишора қилган эди, хор Толстой гапини

бўлди, яна сукунат чўккач, митрополит давом этди:

— Шу боис, черков уни ўз аъзолигидан чиқаради ва у токи гуноҳи азимни юваб тавба қилмагунча ва яна илгариgidек черков билан мустаҳкам алоқа ўрнатмагунича уни аъзо ҳисобламайди.

— Ҳазрат!!!

Софья Андреевна одамлар орасидан аранг ўтиб минбарга яқин борди.

— Газабимнинг чеки йўқ, марҳаматли зот! Гуноҳкорлар черковдан юз ўгирганлар эмас, аксинча, черковга такаббурларча бош бўлганлар ва одамларга садоқат ва меҳр-муҳаббат билан яшаётганларнинг маънавий жаллоди бўлганлардир. Анави бриллиант қалпоқчалар тагида нималар яширинганигини мен яхши биламан.

Унинг овозини ўчириш учун хор яна хонишни бошлиди, лекин митрополит ишора қилди-ю, хор тинди.

— Черков руҳонийларига келсак, сиз айтганингиздек, ўзларини черковга бош этиб олган ва бриллиант қалпоқчалар кийиб юришса-да, бу бизнинг ибодатда умуман асосий белгиловчи нарса эмас. Жанда кийиб юрганимизда ҳам руҳоний эдик, яна қайта ўша лиbosга ўрансак ҳам ҳамиша шундай бўлиб қолаверамиз.

Аммо Софья Андреевна ҳали ҳамма гапини гапириб бўлмаганди.

— Боз устига, марҳаматли зот, яна бир бемаъниликни эслатиб ўтишликдан ўзимни тиёлмайман — синод руҳонийларга, мабодо Лев Николаевич қазо қилгудек бўлса жасади устида жаноза ўқилмасин, деган яширин кўрсатма берибди.

— Синод руҳонийларга бундай кўрсатма берганлигининг ҳеч бир таажжубли ва таҳликали ери йўқ...

Графинянинг ғазаби қайнаб-тошди:

— Наҳотки мени эрига жаноза ўқитишга руҳоний топа олмайди, деб ўйласангиз? Бу мақсад йўлида ҳақиқий муҳаббат худоси олдида ҳам одамлардан қилган иши учун қўрқмайдиган виждонли руҳоний топишинга, ёинки бошидан зар сочиб бирон-бир пасткаш руҳонийни ёллай олишимга ишонмасангиз?!

Хор яна унинг овозини босиб куйлай бошлиди, у қачон митрополит ишора қиласкин, деб кутди, бирор

митрополит уни унугиб юборди, у энди ибодатни бошқаряпти. Софья Андреевна сочини юлгудек бўлиб қичқирди, кимларнидир тортқилади, бу вақтда Исаакиев собори ҳовлисида гулхан ёна бошлади. Тинчлангандек бўлган Ясная Поляна уйини ёввойи қичқириқ ларзага солади, яна врачлар югуришиб қолишади, грелка ва компресс кўтарган хизматкор кўринади ва эрталабгача иккинчи қават чироқлари машъалдек ёниб чиқади.

*Рус Шимолининг беадад ўрмонлари узра қаргалар учид юрибди. Қушлар жуда ҳам баландликда бир оқим бўлиб учишар, уларнинг бир меъёрдаги зерикарли «қагқағ»лаши киши юрагини пораларди, ҳамма улар қачон учид ўтиб кетишаркин, қачон осмону фалак фигуза янглиғ мусаффолашаркин, деб кутади, бироқ улар ҳамон чарх уриб айлангани айлангган.*

Қайнин, нина баргли, қарағайзор ўрмонлар сукунатда, сокинликда, биринчи қор ёғишини кутиб туришибди, аммо бу биз, одамларга шундай туюллатти. Қаргаларга бўлса, отлиқ маҳсус ўқчи қисмлар, гулханлар, милтиқ, қурол-аслаҳа, сон-саноқсиз аскарлар тўдаси кўринаётган бўлса керак, албатта, шунинг учун ҳам юқорида «қагқағ»лашади...

Бўри чала чайналган катта сүяқ топиб олди **ва** унинг ёнига мукка тушди. Бошқа вақт бўлса шу хил сүяқ учун албатта ириллаб уриш чиқарар, туни билан тишини синдириб ғажиб чиқар **ва** албатта бу тун ҳаётida энг яхши тун бўларди. Аммо энди сүяқка парво қилмас, қайрилиб қарайдиган вақт эмасди. Бироқ ёнлаб ўтиб ҳам кетолмасди, чунки ўлими яқинлашиб қолганини сезиб қолди **ва** мана шу сүяқ ёнига мукка қулади. Сүяқ қарийб тумшуғи тагида эди, аниқ кўриб турар, ҳидуни сезар, чунки бўри таомни оғзига олганида, ҳазм қилганида қувватланмай, балки ея олиши мумкин бўлган, унинг ихтиёридаги емишдан ҳам қувват олади. У кўзини юмиб ётар **ва** ёнгинасида ётган, кўзни қамаштиргудек оппоқ сүяқ, ундан келаётган ҳиддан куч тўплашини кутарди. У кучга жуда-жуда жуҳтоҷ, жилла қурса, озгина куч ўзининг узоқ, машиқкатли, мушкул **ва** гўзал ҳаётини муносиб ниҳоясига етказишига керак.

Чойдан сўнг соат олтиларда иккинчи қаватнинг катта залида Лев Николаевич профессор Россолимо билан шахмат ўйнарди. Улар бу ўйин учун атайлаб мослаштирилган пастак стол атрофида ўтиришар ва Лев Николаевич азбаройи ўйинга қизиқиб кетганлигидан гужанак бўлиб олганди. Ўйин ҳеч қовушмас, бу ҳам етмагандек, уй ичидагиларнинг ҳаммаси ва меҳмонлар томоша учун тўпланишганди. Стол атрофини ўраб олишган, шахмат тахтасидан кўз узишмас, ҳар бир юришни кузатишарди.

Толстой, инсоний қадр-қиммат деб аталмиш тушунча, туйғуга ўта эътиборли, фавқулодда тез берилгувчи эди. У қизариб кетган, ёниб ўтиради. Ўйин сбрўни кетказиши мумкин эди, унга шунчаки ўйин деб қаралмас, балки аллақандай муҳимроқ ва аҳамиятлироқ маъно бериларди. Ҳар сафар, навбатдаги дона суришдан олдин, Лев Николаевич ер остидан томошабинларга қараб қўяр, тарафдор, жилла қурса, дардкаш қидирар, аммо ҳамманинг кўзи шахмат тахтасида, Толстойнинг қартайган ва профессор Россолимонинг ёш, гўштдор, созда қўлларида эди.

Лев Николаевич ўзини ёлғиз ва унунтаган ҳис қиласди. Унинг таъби хиралашди ва ҳар доим таъби хиралашгандан бўладигани каби ёмон ўйнар ва дам-бадам атрофга қарайверарди, бу ҳол у то бирдан атрофида тизилишиб олган одамлар орасида пианиночи Гольденвейзернинг ёқимтой чеҳрасини кўргунича давом этди. У ҳам ўйинни кузатар, аммо тамомила бошқа қизиқиши билан қарап ва Лев Николаевич унга миннатдорлик ила кулиб қўйди. Александр Борисович хижолат тортди. У бу шахмат тахтаси устидаги кураш Толстой учун нима эканлигини энди тушунди. Ўгирилди-ю, чурқ этмай қўшни хонага эшикларни очиқ қолдириб кириб кетди. Орадан бир неча дақиқа ўтгач, Шопен прелюдияси эшитила бошлади. Толстой яйраб кетди. Ўзича ўйлади: «Кеча тушимда қандайдир ёш, чиройли хоним билан балда вальс тушибман, хоним янгича тушармишу, мен эсам эскича тушаётганимдан ҳаддан зиёд хижолат бўлдим».

Кайфияти тамомила ўзгарган Толстой, бир неча муваффақиятли юриш қилди, бу билан ўз навбатида профессорни расмана ажаблантириди.

— Ҳужум қилмоқчимисиз?

- Нега энди ҳужум қилмас эканман?
- Мени кечирасиз, сизнинг бу аҳволингизда...
- Азизим, ўйинни бой берганимни билиб турибман. Ҳадеб ҳимояланавериб охир-оқибат ютқазгандан кўра, бир нечта бўлса-да, шиддатли ҳужум қилиб ўйинни бой берган афзал.
- Фалсафий томондан бу балки тўғридир, аммо мавжуд шароитда...

Лев Николаевич унга илтимос қилгандек, ёқимли кулди.

— Қарши бўлмасангиз, келинг. Шопенning ушбу пьесасини эштайлик.

— О, худо ҳаққи...

Ҳамма жим ўтирад, Шопен музикасини тинглашар ва Толстой ўйларди: «Бизнинг Александр Борисович ажойиб одам... Унинг эртага бу ердан кетишидан менинг кўнглим ғаш тортганини, унинг дўстлиги, фортењянода куй чалиши менга асқатишини афтидан биляпти ва қандайдир буни сезиб хонадан аста чиқди ва Шопен деб аталмиш ўша нурдан, қувончдан озгина бўлса-да, бизга ҳадя этди...»

Сўнг музика тинди. Бир неча сониялик тин олишдан сўнг Софья Андреевна сўради:

— Кечқурун яхши сайр қилдингизми?

Лев Николаевич ҳамон музика таъсирида эди, шу сабаб қисқагина жавоб қила қолди:

- Ажойиб.
- Анча ергача бордингларми?
- Ўн беш чақирим бўлса керак.
- Намунча узоқ кетмасангиз?

У Шопен қолдирган кайфиятни кескин ва раҳмисизлик билан бузәётган эди, энди у билан гаплашиш керак эди.

Толстой деди:

— У ерга шунинг-чун бордикки, Кузъминки қишилогида, бизга айтишларича, дехқон Митрийнинг бошига оғир ташвиш тушибди — оти ўлиб қолибди.

Софья Андреевна ҳайратга тушди:

— Қирчанғи от ўлган бўлса, шуни баҳона қилиб шундан шу ёққа бориш зарурмиди!

Граф чуқур уҳ тортди ва бошини паст эгди.

— Инсон қайғуси, агар у самимий ва чуқур бўлса, боённинг юмшоқ извошида ўн беш чақирим йўл юриш-

га эмас, бир вақтлар ҳаворийлар кийиб юрадиган енгил кавушда ёки оёқ яланғ үн беш минг чақирик йўл юришга арзиди.

Толстойнинг ўғли, Андрей Львович, афтидан, бу шахмат ўйинига қандайдир умид боғлаганди. Ўйин у кутгандек ниҳоясига етмаганидан беҳад ранжиб, креслода ўрнашиб ўтиаркан, бир қадар калондимоғлик билан деди:

— Иқтисодий тарафдан олганда, Кузъминки қиплогилик Митрийнинг қайғуси бор-йўғи уч сўм билан белгиланади, уч сўм юбора қолиш мумкин бўлган шароитда кавуш судраб үн беш минг чақирик юришга ҳожат йўқ эди.

Бу суҳбат Толстойни эзарди. Шахмат тахтасига эгилди, дона сурди, кейин доналардан кўз узмай деди:

— Россияда сўмлар билан кўп нарсага эришиб бўлмаслигини ҳатто протопол Аввакум ҳам билган эди. Модомики бу хусусда гап очилган экан, Митрийга уч сўм эмас, бегона киши билан дардлашиб унга қайғусини тўкиб-солса анча енгил тортарди. Ва у бизга нима бўлган бўлса, барини шошилмай, бафуржা айтиб берди ва биз унга ҳамдардлик билдиридик, сенга айтсан, буни ҳар қанча сўм билан ўлчаб бўлмайди.

Софья Андреевна ўйлаб кўриб, таклиф қилди:

— Ундей бўлса, сизнинг дардингизни енгиллаштиришимиз учун сиз Кузъминкидан олиб қайтган қайғунинг бир қисмини бизга беринг.

Толстой унга кўз қирини ташлади. У ҳоргин, чарчаган кўринарди, ўзганинг дарди нари турсин, ўз дардини аранг эпларди. Толстойнинг шу топда гапиргиси йўқ эди, аммо тарбия ва совуқонлик устун келди:

— Хўп, сен айтганча бўлсин... Деҳқоннинг исми Митрий Судариков. Оти ўтган куни, нақ кунботар пайти ҳаром ўлиб қолган экан, етиб борганимизда у супачада бўғилиб, дунёдан тўйиб ўтиарди ва биз булар ҳаммаси қандай содир бўлганлигини айтиб беришга уни аранг кўндиридик. Шундай қилиб, унинг оти ўтган куни ҳаром ўлган. Кеча у тонг-саҳар турган ва ахта оти тепасида иечгача овора бўлган. Дастреб Андреевкага, врачга бориб келган. Пойлаб турган, кейин баҳосини келишишган, хуллас, туш бўлган. Кейин ҳаром ўлган отини қабристонга олиб бориш учун қўшнисидан от сўраган, отни ўлган ерида кўмиш мумкин эмас.

Қўшниси Степан унга раҳм-шафқат қилиб отини бериб турган, ҳаром ўлган отни аравага ортишга қарашиб юборган. Шундай қилиб, Митрий арава тепасида бошини қашиб туриб қолган. Отнинг олд оёқларидағи тақани бир амаллаб юлиб олган ва хотинига берган. Битта тақадан ярми қолибди, иккинчиси, ҳар қалай, бутун экан. Ишга ярайдиган тақа, уни бизга кўрсатди.

Софья Андреевна илтижо қилди:

— Лёвочка! Эшитишга сабр-тоқатим йўқ! Бизнинг бу дәҳқонларимиз бари пияниста!

Андрей Львович Софья Андреевнани қўллаб-қувватлади:

— Рус мужиги қўрқоқ. Беш драгуннинг бутун бир қишлоқни — ҳар тўрт ҳовлидан бирининг кулини кўкка совуришганини ўз кўзим билан кўрганман. Хўш, нима бўлди? Улар подадек кўзларини лўқ қилиб қараб туришаверди, мен ҳатто бешта драгун бу ишларни қилишга кўплик қиласди, деб ҳам ўйладим. Бундай иш учта ва ҳатто иккита драгуннинг ҳам қўлидан келади.

Профессор хижолатпазлиқ билан деди:

— Улар драгунлардан эмас, балки драгунларнинг ортидаги, казармаларда турган кучлардан қўрқишиди, деяйлик...

Толстой кулди:

— Миннатдорман сиздан, жаноб профессор... Мен унга бу фикрни ёшлигидан миясига қўймоқчи бўлардим, бироқ бунинг уддасидан чиқолмасдим.

Гольденвейзер, яна Шопен асарларидан ижро этишдан олдин фортеپъянони узоқ созлади.

Узоқ чўзилган сукунатдан сўнг Лев Николаевич деди:

— Мени кечиргил, Соня, мен барibir бошлаган гапимни охирига етказаман... Инсон қайғуси, ғам-ғуссаси, ҳақида гап бошлаб уни охирига етказмасам кўнглим тинчимайди. Ғаш бўлаверади. Хўш... Шундай қилиб, ҳаром ўлган отни аравага ортиб тушга яқин ҳовлидан чиқишиди. Арава кичкина, ҳаром ўлган от эса катта ва оғир эди. Боз устига, дурустроқ жойлаштиришмасдан дум тарафини олд томонга қаратиб қўйишган экан. Ҳаром ўлган отнинг боши токи қишлоқ-

дан чиққунларича нақ ерга теккундеқ осилио кетаве-рибди...

Софья Андреевна ўрнидан турди, у даг-даг титрап-ди.

— Мабодо бас қилмасанг, мен ҳозироқ чиқиб кета-ман.

Андрей Львович уқтиргандек гап қотди:

— Икир-чикири әмас, масаланинг моҳияти аҳами-ятили.

Толстой кулди.

— Йўқ, сен янгишяпсан. Моҳият икир-чикирсиз сариқ чақага арзимайди. Таврот ғояси билан әмас, ак-синча, батафсил баёни билан ўлмасдир.

Шу вақтгача бир чеккада жимгина ўтирган Татьяна Львовна деди:

— Ота, сен билан баҳслашгим йўқ эди, аммо кўн нарса жамиятга, унинг руҳига ва тафаккур даражаси-га ҳам боғлиқ... Яқинда Лесковнинг бир гапини ўқиб қолдим: мабодо Исо бизнинг даврда Россияда яшаганда ва инжилини чоп эттирганида, одамлар фурсат ке-лиши билан дастхат ёздириб олишардию шу билан иши тамом-вассалом эди.

Лев Николаевич чаққонгина стулини орқага сурди, ўрнидан турди ва хонадан чиқди.

Профессор ташвишланиб сўради:

— Бирор нарса бўлдими?

Татьяна Львовна унинг ортидан чиқди, сўнг кулги-дан чехраси ёришиб қайтиб кирди.

— Ўлаганим бўлди. Кўз ёши ҳамиша тайёр тура-ди. Уни болалигиданоқ йиғлоқи Лёвшка деб чақири-шарди.

Орадан беш дақиқача ўтгач, Лев Николаевич хона-га қайтиб кирди, жойига келиб ўтириди, айтарли эъти-бор бермай дона сурди, кейин:

— Бу аччиқ ҳақиқат, чунки айни шу вақтда Рос-сияга дин сув ва ҳаводек зарур. Мен бу ашулани шу вақтгача чўзиб келдим ва умримнинг сўнгги кунигача чўзвераман,— деди.

Профессор Россолимо сочини таажжуб-ла силар-кан, сўради:

— Агар мумкин бўлса дин деганда нимани назар-да тутяпсиз, шуни билмоқчи эдим...

Толстой узоқ қийналиб чуқур ўйлади.

— Назаримда, дин инсоннинг абадиятга муносабатини ўрнатади, унинг ҳаётидаги мақсадни аниқлайди.

— Демак, сиз бу тушунча асосига икки нарсани — инсон ва абадиятни ойлапсиз.

— Ҳа, бироқ сўз ўринини алмаштириш керак — абадият ва инсон.

Суҳбат қовушмас, шахмат ўйини ҳам юришмас ва энди, барча бу зерикарли, мashaққатли кечётган шомни қандай қилиб тугатиш ҳақида ўйлай бошлаганда қўшни хонадан яна Шопен куйлари эшитила бошлади.

Унинг майин, доно ҳазин қайғуси, шиддати Ясная Поляна уйининг иккала қаватини тўлдирди. Садалар музика жозибаси сеҳрида қимир ётмай ўтиришарди, Гольденвейзер чалишни тугатгач, Татьяна Лівовна деди:

— Рашик Шопенни заковат чўққисига кўтарди. Бу фуга Жорж Санд унинг ҳузуридан чиқиб кетган тунда ёзилганди.

Софья Андреевна ҳайрон бўлди.

— Жорж Санд тунда кетиб қолгандими?

— Бўлмасам-чи, бу ахир қайта-қайта, батафесил ёзилган-ку! Дилкашлик-ла овқатланишгач, сўнгра иккалови ёлғизлик нашъасини суршаркан, оқсоқ Жорж Санд хонимнинг кийим-кечаги, буюмларини йигиштириб қўйган эди. Бечора Шопен. У маъшуқасига хайрли тун тилаб хонасидан чиқаётганида кўча эшигида файтон тайёр тураг, унда Жорж Санднинг янги, навбатдаги ошиғи кутарди. Айтишларича, Жорж Санд кетганидан сўнг, у ёш гўдакдек йиғлаган, кейин рояль чалиш учун келиб ўтирган ва ўша тун, ярим соат чамаси вақт орасида ушбу фугани ижод ётган.

Бу воқеа Толстойни ҳаддан зиёд ғазаблантириб юборди.

— Танечка, бу бўлмағур воқеани тилга олиб нима қиласан? Ижод — бу маънавий, руҳий, илоҳий нарса, ирсий муҳаббат — бу ҳайвоний ҳиссиёт. Гапингни қара, бирор боддан келса, сен тоғдан келаётибсан. Хоним бирорни ўйнаш тутиб кетиб қолгани сабаб Шопен яхши музика асарлари ёзганми...

Гольденвейзер куй чалиш учун ижро олди машқини бошлади, суҳбат шу билан бўлиниди. Бу орада Толстой ўйлаб қолди: «Балки мен ноҳақдирман. Ирсият-

дан ўзни тийиш қишин. Мен бу хоҳишдан бир-бир ярим йил бўлди, ўзимни аранг тийдим ва эндиликда, хоҳиш, истак устидан галаба қозониб, ҳамон кўнглимни тўла узиб кетолмаяпман...»

Навбатдаги бу янги фуга ижро этилгач, шом бўйи шахмат таҳтаси устидан нари кетмай ўтирган Андрей Лъзович профессорни ўчакиширмоқ учун:

— Назаримда,— деди,— жаноб профессор, қўлингиз бирмунча баланд...

Профессор кулиб юборди:

— Ҳа йўқ, қўйсангиз-чи! Ўйин баравар, мен графдан, агар у рози бўлса, ўйинни шу ҳолда қолдиришни илтимос қиласдим.

Толстойнинг чехраси ёриши.

— Дуранг демоқчисиз?

— Унчалик эмас. Толстой билан ўйнаб ютиш мумкин, ютқазиш мумкин, ўйинни дуранг билан ҳам тугатиш мумкин. Аммо ўйинни тугалламай қолдириш ва фурсат келиши билан: «Ҳа, айтгандай, Толстой билан бошлаган ўйинимни тугатишим керак», дея олиш имконига эга бўлиш, биласизми, бу мен учун катта баҳт бўлур эди...

Толстой шахмат столини нари сурди ва:

— Миннатдорман, Григорий Иванович,— деди,— сиз жуда ҳам олижаноб экансиз.

Толстойнинг қайсар ўғли жаҳл қилди:

— Жаноб профессор, аммо биз сиз билан келишганимизда...

Гё ё атрофдагиларга бу нарса шунчалик таъсир қилишини кутмагандек, жаноб профессор ҳайратга тушиб аланглади ва жавоб берди:

— Мен бутун дунё таъзим қиласдиган инсонга шубҳали диагноз қўйишга ўзимни ожиз ҳисоблайман. Айнан шунинг учун мен гонорардан ҳамда йўл харажатларини кўтаришларидан воз кечдим. Мен ўзим учун ғоят қадрли киши билан танишиш шарафига мұяссар бўлганим учун беҳад миннатдорман.

Яна Шопен асари, яна фуга ижро этилди. Хонага сукунат чўкди, ҳамма жим қолди. Толстой вужуди қулоққа айланиб куйни тинглар ва ҳатто ана шу баҳт ва роҳатбахш дақиқаларда ҳам унинг руҳи қаёқлардадир чарх урар ва фикри тўхтамасди:

«Сукрот ўз ўлимини қанчалик ажойиб қарши ол-

ганди! Шогирдлари, талабаларига ўлимимдан сўнг ни-  
ма бўлишимни билмайман, дерди. Бирорни овора қил-  
маслик учун ўзи сўнгги дақиқада юваниб олганди.  
Ўта таъсирчан! Бугун мен ҳам кун бўйи ўлимим, дағи  
ҳақида ўйлаяпман. Бу дунёни одмигина ва инсонга  
лойиқ, қадрсизланмай тарк әтишини ва қадрдан  
тупроққа, ҳаммамиз бино бўлган тупроққа қай-  
тишини, боқий дунёга, асл ҳолатимга қайтишини истар-  
дим».

Куй тингач, хонага Гольденвейзер кирди.

— Хўш, Лев Николаевич? Ютдингизми?

Толстой ўрнидан турди ва лом-мим демай уни ўп-  
ди. Александр Борисович уялиб кетди ва у ҳам Толс-  
тойнинг чаккасидан ўпди. Шундан сўнг Лев Николае-  
вич яшириб кўз ёшини артди, Гольденвейзер бўлса  
ўзини оқлашга тушди:

— Сиз қулоқ солиб эшитаётганингизни билганим-  
да дурустроқ чалиб берардим, мен бўлса шунчаки,  
ўзимча...

Толстой қўлини кўтариб унинг гапини бўлди:

— Ижоднинг энг олий даражаси ҳам ана шунда,  
инсон ким учундир эмас, шунчаки, ўзи учун ёзишида,  
ижро этишида...— Бирмунча ўйчан тургач, давом эт-  
ди:— Мен йигирманчи, йигирма биринчи асрда дунё-  
мизнинг ҳоли нима кечади, деб кўпинча тунлари ўй-  
лайман... Гоҳида ҳамма нарсани зулмат қоплагандек  
бўлиб кўринади, гоҳида зулмат чекина бошлиётгандек  
бўлади. Аммо бош масала, асосий савол — қаёққа ва  
нима учун, деган савол доимо муаллақ турив қолади  
ва ҳатто моҳиятига етиб бормай, очигини айтишим ке-  
рак, агар шу кўйи кетаверадиган бўлса, бу маданий-  
лашиш йўқ бўлаверсин, деган хаёлга бораман, аммо  
музикага юрагим туз сепгандек ачишади...

Азбаройи ҳаяжонланиб кетганидан хонада у ёқ-  
дан-бу ёққа юрди ва яна Гольденвейзер олдига келди,  
унинг кўзига, ҳа, нақ кўзига қадалиб, аста, қарийб,  
пичирлаб сўради:

— Азизим, айттолмайсизми: оддий ишчилар ҳам  
Шопенning ушбу пъесаларини тинглаб маза қилишла-  
ри мумкин бўлармикан?..

Гольденвейзер кулиб юборди:

— Бу саволга дабдурустдан, осонгина жавоб берол-  
майди киши...

Толстой чуқур уҳ тортди:

— Ижобий, маъқулловчи жавоб эшитишни жуда-  
жуда истаганим сабабли ғоят қизиқиши билан сўраяп-  
ман. Бу савол жавобида келажакнинг асл моҳияти  
яширин.

Улар тун алламаҳалда ётишди, бироқ Лев Никола-  
евичга анчагача, қаердандир, боғ ичкарисидан куй  
оқиб келаётгандай туюлаверди ва Шопен асарлари иж-  
ро этилаётганда ўзининг адёлга ўраниб ётганидан уя-  
либ кетди.

*Ниҳоят нақ жарлик ёқасига етиб олгунига қадар  
унинг бўлари бўлди, ўзини тутолмас, оёқларини аранг  
судраб босарди. Ундан нарида жарлик, бўшилиқ нақ  
ютаман деб оғзини очиб турар, нарида уни ўлим кутар,  
орқага қайтишининг иложи йўқ, солдатлар, итлар, овчи-  
лар йўлни тўсиб, изма-из босиб келишарди. Бўри мадо-  
ри қуриб, ҳолсизланиб моҳ босган тошларга чўзилиб  
ётиб слди ва қотди. Энди нима бўлса бўлаверсин, унга  
фарқи йўқ. У ҷарчаган, тинка-мадори қуриб битган,  
энди у тақдирдан бу қадар буюк ҷарчоқ ато этганлиги  
учун беҳад миннатдор бўлиб муздек моҳ узра ётар, агар  
бу ҷарчоқ бўлмаса тириклар дунёсини ҳеч бир тириқ  
жон хотиржам тарк этолмасди.*

Эрта билан, соат етиларда, Ясная Поляна уйи дар-  
возасини амирона ва қатъият билан дукиллатиши. Одатда Ясная Полянадаги боён уйини камдан-кам ду-  
куллатишар, дукиллатадиган бўлишса ҳам уй әгалар-  
и биринчи овозданоқ гап нимада эканлигини дарҳол  
билиб слишар — оила аъзоларидан кимдир тунги по-  
ездда келган бўларди ёки телеграмма олиб келишган,  
ёки хизматкорлардан бирортаси зарур юмуш билан  
эшик дукиллатган бўларди. Бироқ дукиллаган овозга  
ҳамиша Софья Андреевна хонаси ёнидаги ҳужрада  
ухлайдиган оқсоч чиқарди ва бирон-бир муҳимроқ ма-  
сала бўлса, кириб уй бекасига маълум қиларди... Бу  
сафар негадир чиқавермади. Бир неча маротаба дукил-  
латиши, ҳар сафар янада қатъироқ, кескинроқ ду-  
киллатишарди, ниҳоят Софья Андреевнанинг ўзи ўр-

нидан турди. Хонадан чиққан Софья Андреевна оқ-  
соch ухлайдиган қазноққа бош суқди ва унинг дераза  
олдида турганини күрди.

— Дуняша, нега әшикни очишга чиқмаётибсан?  
Дукиллатишяпти-ку!..

Дуняша кузги япроқдек қалт-қалт титради.

— Қўрқяпман, жудаям қўрқяпман...

— Кимдан қўрқяпсан асти?..

— Қаранг, улар кўпчилик...

Софья Андреевна дераза олдига борди. Ҳовлига  
кираверишда полиция бошлиғи ва тўла қуролланган,  
мундирли беш киши турарди. Софья Андреевна қави-  
ма халатини елкасига ташлаб биринчи қаватга тушди,  
әшикни очди ва уйдагиларни уйғотиб юбормаслик  
учун паст овозда, айни чоқда полиция бошлиғи ким-  
ниг эшигини дукиллатиб келганини унутиб қўймас-  
лик учун бориб турган кибор, калондимоғлик билан  
деди:

— Хўш, хизмат, жаноб?

— Сизнинг уйингизда қандайdir Николай Нико-  
лаевич Гусев яшириниб олган.

— Яшириниб олган эмас,— деди Софья Андреевна,  
гапингизни ўйлаб гапиринг деган оҳангда,— ҳамма  
қатори яшайпти. Кейин у сиз журъатланиб этганинг-  
изча «қандайdir» эмас, эримнинг адабий машғулот-  
лари бўйича ёрдамчиси, бошқача қилиб айтганда, ко-  
тиб.

Полиция бошлиғи ҳокимларча бақрайиб қарар, шу  
топда ҳеч кимга керак бўлмайдиган, йўл ўртасида ёт-  
ган харсангтошга ўхшарди.

— Бекам, марҳамат қилиб, келганимизни унга ха-  
бар қиласангиз...

Софья Андреевна ташвишланиб изига қайтди —  
яқинда, Гусев Телятникларникida яшаб турганида  
ҳам тинтув қилиб, қоғозларидан гўё нимадир топиши-  
ган эди, яна тинтув бошланиб, қоғозларни шитирла-  
тишади деган хаёлдан унинг вужуди титради. У  
әшикни тақиллатганида Гусев кийиниб олган, йўлга  
шай турарди. Гуноқкорона илжайиб, гўё: «Бу таш-  
вишлар учун кечирасиз, қўлимдан нима ҳам келарди,  
ана шу полиция бошлиқларига ёқиб қолганман-да...»  
дёётгандай эди.

У остоңада кўриниши билан полиция бошлиғи енг

қайтармасидан қандайдир қоғозни олди ва тантанали ўқий бошлади:

— Николай II император ҳазрат олийлари номи билан...

Гусев хонадонда бемаврид, ортиқча шовқин-сурон күтарилишидан чўчиб, ўзимни ихтиёрий равишда итоаткорона қўлларингизга топшираман, дегандек икки қўлини боши узра кўтарди ва қарийб шивирлаб деди:

— Умуман, ҳаммаси тушунарли... майда-чуйдамни йигиштириб олишимга қанча вақт берасизлар?

— Ярим соат!

Гусев изига қайтиб майда-чуйдасини шошилинч йигиштира бошлади, бу вақт ичиде Софья Андреевна кириб Лев Николаевични уйғотди — Гусевнинг олиб кетилиши ғоят жиддий масала эди, мана энди остоңда уйқуси чала, жаҳли чиққан ва норози Толстой турарди.

— Жаноблар, қулоғим сизда...

Полиция бошлиғи гап нимада эканлигини оғзаки тушунтиришга журъат этмади. Енг қайтармасидан қоғоз чиқариб ҳибсга олиш ҳақидаги қарорни ўқий бошлади.

— «... юқоридаги сабабларга биноан Николай Николаевич Гусевни назорат остида Пермь область Чердинск уездидаги қамоқхонага икки йил муддатга қамалсин».

Толстой нима қилишини билмай қолди:

— Ижозат этинг, нега энди, айнан Пермь обlastига, нима, яқин атрофда қамоқхона йўқми, кейин нега икки йилга?

— Кўрсатма шундай! — деди полиция бошлиғи қуруққина қилиб.

— Кимнинг кўрсатмаси?..

— Ички ишлар министри Столипиннинг!

Лев Николаевич қалт-қалт титрай бошлади.

— Жаноблар, гап бундай... Менинг мулким чега-расидан зудлик билан чиқиб кетишингизни ва ўша Столипинингизга, йўқ, унга эмас, подшо императорга хабар қилишингизни....

Полиция бошлиғи ва тўрт соқчи тошдек қотиб туришар, кетишини хаёлларига ҳам келтиришмасди, шунда Ясная Поляна эгаси сўради:

— Менга яна бир нима демоқчисизлар шекилли?

— Йўқ. Биз қамоққа олинишига буйруқ берилган кимсани кутиб турибмиз.

Шу топда кичкина халта кўтариб Гусев чиқиб келди.

— Йўқ,— деди Лев Николаевич,— мен сизни қўйиб юбормайман. Жуда бўлмаган тақдирда биз бирга борамиз.

— Устоз,— деди Николай Николаевич Толстой-нинг елкасига журъатсизлик билан қўлини қўйиб,— улар билан кетаверишинга рухсат этинг. Сизнинг гояларингиз учун заҳмат чекишимга ижозат этинг...

— Йўқ,— деди Толстой,— мен олдин 324-модда нимаю бегона уйга тонг гира-ширасида кириб келиб бегуноҳ одамни қамоққа олиш нима эканлигини аниқлаб билишим керак.

— Лев Николаевич, илтимос қиласман, ҳеч нимани аниқлаш керак эмас... Ахир ўзингиз аниқ ва равшан ифодасини топган ҳақиқат енгилмас бўлади, деб қайта-қайта такрорлашни яхши кўрардингиз-ку! Менимча, бу ўтакетган ноҳақлик ўша ҳақиқатнинг кўриниши ҳамдир...

Бу шунчалик ишонч, қатъият билан, шу қадар соқин қувонч билан айтилган эдики, ҳокимият эмас, аксинча, улар маънавий голиб келишган эди. Лев Николаевич уни жимгина қучиб ўпди. Кейин Гусев назоратчилар қуршовида кетаётганида ҳам Толстой улар кетидан дарвозагача чиқаркан, улар қамоқхона аравасига ўтиришганда ҳам, у анча ергача яёв юриб, дўсти ва шогирдини кимсасиз далалар ёқалаб кузатиб бораркан, юрагида шунчалар соғинч, шунчалар гамгусса бор эдики, бир қадам юришга ҳоли йўқ эди. Нифасини ростлаш учун йўл ёқасига чиқди, шу кўйи анча ўтириб қолди, уни излаб Маковицкий ва Булгаков келганида азбаройи ҳаяжон-изтиробга тушганидан оёқларида мадор қолмагани аён бўлди. Дарҳол арава кераклигини айтиб одам юбориши, шундай қилиб, ҳолдан тойган Толстойни тушга яқин уйга олиб келишиди.

Ўша туниёқ Толстойнинг юрак хасталиги хуруж қилди. Юрак фаолияти қарийб бўшашиб кетди. Бунинг устига, томирларида қон қотиб қолиб азоблар, бу каби хуружлар негадир доимо тунда, уйқусида рўй берар ва мана энди ҳам силласи қуриб ётарди. Унинг

**тепасида Маковицкий, Софья Андреевна, қизи Александра туришибди. Юрак увишишдан ҳали ўзига келганича йўқ. Қарийб музлаб бораётган кекса вужуд ҳамон қалтирайди, аммо ижодкорнинг фикри ва идро-ки тиним билмайди, унинг тўхташи мумкин эмас. У ётганича ўйлайди: «Ганди таълимотида ҳамма нарсанни айқаш-уйқаш қилиб юборадиган ҳинд ватанпарварлигидан бўлак барчаси фавқулодда гўзал. Буюк фикр устунга боғлаб қўйилган ҳолича қолиб кетиши керак эмас, у онаси ортидан югуриб юрадиган тойчоқ эмас. Фикр қанчалик чуқур ва кенг қанот ёйса, у фарзанди бўлган ватан чегараси шунчалик кенг, ҳадсиз бўлади».**

**Маковицкий ялиниб-ёлворди:**

— Лев Николаевич, ўтиниб сўрайман, адабий ишларни буткул унутинг.

— Миям нима билан банд эканлигини сиз қандай қилиб билишингиз мумкин?

— Томир уришидан билиб турибман.

— Унчалик эмас, Гандини бир қур эслаб қўйдим, холос.

— Шунчаки, бир қур эслаш умуман мумкин эмас, чунки фикрнинг қисқагина бир нуқтага жамланиши миянинг икки-уч ҳисса ортиқроқ ишлашини талаб қиласди.

— Куч-қувват кетиб бориши билан ишлашга эҳтиёж кучайган ҳолда нима қилмоқ керак?

— Сиз ёзиб боринг ёки бизларга айтиб туинг. Ҳар қандай фикрни ҳар томонлама ўйлаб олишдан аввал, бизга айтиб ёздиринг, шундай қилсангиз, маълум муддатга ўша фикрдан узоқлашасиз, кейинчалик, согайганингиздан сўнг, ҳар томонлама ўйлаб, сайқал берасиз.

— Қани бўлмаса, шундай қилиб кўрайлик.

У анча вақт кўзи юмуқ ҳолда ётди. Ухлаб қолган-дек ҳам кўринди, у кўзини очганда Софья Андреевна сўради:

— Лёвочка, тузукроқмисан?

— Бир оз дуруст. Нега бунчалик қизиқиб сўраяпсан?

— Эртага анчагина тетик бўлишингни жуда-жу-да истаяпман.

— Эртага нима бўлади?

— Наҳотки өсингда бўлмаса! Эртага тўйимиз бўлганига қирқ саккиз йил тўлади.

— Ўрнимдан туролмасам керак.

— Лёвочка, соғайиб, ўрнингдан туришинг керак албатта. Қирқ етти маротаба бир ишни қилолган одам, қирқ саккизинчи маротаба ҳам адо этиши керак.

Эртаси куни якшанбага тўғри келди, ҳаво фавқулодда очиқ бўлди. Бу унинг ҳаётидаги сўнгги чаронг кун эди. Кўк юзида битта-яримта булат сузиг юрар, аммо осмон мовий ва тиниқ, кун иссиқ эди. Ясная Поляна боғини супуриб-сидиришган, тўкилган баргларни тўплаб ёқишган, кузги тутуннинг ёқимли ҳиди теварак-атрофга, узоқ-узоқларга тарқаганди. Тула бўйлаб байрам қўнгироқлари янграр, далалар оралаб бричка, файтонлар елдек учар, бари-бари гиштин устунли дарвоза томонга йўл солар, боён уйининг катта залида Толстой оиласи узоқ давом этган сайдан сўнг дам оларди. Софья Андреевна оқсоқ хотинни чақириб тушлик дастурхонига нима тортиш ҳақида кўрсатма берар, Татьяна Львовна эса отасининг асалари ning янгигина келтирилган жилдини варақлар, Лев Николаевич бўлса бурчакда эски альбомни томоша қилиб ўтиради.

Татьяна Львовна китоб саҳифасидан бир ерга кўзи тушиб хитоб янглиғ ўқий бошлади:

— Мана бунга қулоқ беринглар, отам бир вақтлар қандай хатлар ёзган эканлар! «Қишлоқдан ёзяпман, юқорида акаси билан гаплашаётган хотинимнинг овозини эшитиб турибман. Мен уни дунёда ҳаммадан кўра кўпроқ яхши кўраман. Мен ўттиз тўртга чиқдим, бунчалик яхши кўриб, баҳтиёр бўлиш мумкинлигини билмас эдим. Хотиржам бўлиб олгач, сизга узундан узоқ хат ёзаман. Шу кунларда бир нарса хаёли мени банд этган, гўё мен, менга тааллуқли, менга насиб қилиниши керак бўлмаган баҳтни қонунсиз, нолойиқ равишда ўғирлаб олгандайман. Ана, у келяпти, мен унинг овозини эшитяпман, кўнглим алланечук хотиржам, дилим равшан, ҳаммаси аъло даражада...»

Софья Андреевна олдинига сўзма-сўз ўқиб берилган мактубни эшитиб уялиб кетди, аммо ўзини қўлга олди ва эламасликка ҳаракат қилди:

— Эҳ, бу хатларнинг бари ростмиди.

Лев Николаевич хонада бўлаётган гапларга парво

қилмай, бурчакда ҳамон альбом варақлаб ўтиради. Аммо Софья Андреевна гап узилиб қолишини сира истамасди:

— Унинг эски кундаликлари саҳифаларининг қаеригадир кўзим тушган эди, менга уйланмоқчи бўлган ўша йиллари, мабодо мен розилик бермасам жонига қасд қилмоқчи ҳам бўлганлигини ўқигандим.

— Қандай даҳшат! Сиз бу гапга ишонган эдингизми?..

— Йўқ,— деди Софья Андреевна ясама бефарқлик билай,— шахсан мен, мабодо инкор этган тақдиримда ҳам ҳеч нарса бўлмаслигини, у нари борса бошқа Сиров билан бўлиб кетаверарди, деб ўйлайман.

Лев Николаевич уйқусизлик ва машаққатли ўтган тун чарчогидан ҳали қутула олмаган, қовоги солиқ ўтиради, Татьяна Львовна гап мавзусини бошқа ёқقا буриб юборишга ошиқди:

— Ўша вақтда у чиройли эдими?

Софья Андреевна кулди:

— Ҳа йўқ, аксинча, ҳозир анча чиройли бўлиб қолди. Илгари бурни кавушдек қанқайиб турарди, энди чи, осилинқираб, тўғри бўлиб қолди. Юзи қизиқ-қонлигини билдириб турар, безовта ва хушчақчал әди. Энди ихчамлашиб, ёқимли, раҳм-шафқатли бўлиб қолди. У ҳеч қачон мени уни севганимчалик севмаган.

Лев Николаевич альбомни варақлар, ўйлар әди: «Эски суратларни кўздан кечириш гоят қизиқарли. Талайгина характерларнинг қадрига етасан. Мана, мисол учун Урсов. Кўпчилик аҳмоқ одамлар уни аҳмоқ дейишганди, у кўпгина ақлли одамлардан ақллироқ әди».

Софья Андреевна тўнгич қизидан илтимос қилди:

— Яна бирорта хатни ўқиб бер.

Татьяна жилдни анчагача варақлаб ўтириди-да, кейин ўқий бошлади:

— «Бола эканман, ўйламай-нетмай, кўнгил бўшлиқ билан чин юракдан ишонардим, кейинчалик 14 ёшимда ҳаёт ҳақида умуман ўйлай бошладим ва динга дуч келдим. У менинг ҳаёт ҳақидаги назариямга тўғри келмасди, ўз-ўзидан маълум, унга қарши чиқиб, қонунларини буза бошладим. Ўн йил чамаси усиз ҳаётим тинч ва осуда ўтди. Дунё кўз ўнгимда аниқ ва равшан, мантиқий намоён бўлар, динга ўрин қолмас-

ди. Кейин, ҳаётнинг мен учун сирлилиги тугади, ҳамма нарса очиқ тус олди, аммо ҳаёт энди қандайдир маъносини йўқота бошлади. Ўша вақтда Кавказда яшаётгандим, ҳар вақтдагидан ёлғиз ва бахтсиз эдим. Мен, одамлар ҳаётда бир мартагина фикрлаш қобилиятига эга бўлишлари даражасида ўйлай бошладим. Бу мен учун ҳам машақватли, ҳам яхши эди. Ҳеч қачон, на илгари, на кейинчалик мен фикрлаш бобида бу даражачалик юксакликка кўтарилимагандим: оддий замин кишисининг фикри парвоз этиб етиб боролмайдиган узоқликларни кўролдим. Бу ҳолат икки йил давом этди, ўша йиллари нимагаки эришган, қўлга киритган бўлсан, менинг бир умрлик эътиқодимга айланди. Худо ҳаққи, бу сўзларимдан менинг ўша вақтдаги изланишларимнинг жамулжамлигини ва кучини тўла англаб ета оламиз, деган хаёлга бора кўрманг. Бу ҳар биримизда бор бўлган, кўнглумиз тубида яширинган сир: бир нарсани аниқ айтишим мумкин — ўша вақтда менда ҳақиқатни идрок этишга бўлган куч ва интилишни камдан-кам одамда учратганман...»

Лев Николаевич эски альбомни варақлаб ўтираркан ўйларди: «Мавридини топиб менинг ёшлик йилларим кундаликларидан нашр учун қизиқиш уйғотиши мумкин бўлган ерларини олиб қолиб, қолган саёз ерларини ташлаб юбориши кераклигини васиятимга киритиб қўйишим керак. Майли, кундаликлар қандай ёзилган бўлса, шундайлигича қолаверсин. Унинг саҳифаларидан, жилла қурса, ёшлик йилларимнинг bemazagarchiliqiga қарамай, худо бехабар бўлмаганигим, қарилїкда уни тушуниб ва яхши кўра бошланлигим кўриниб туради».

Татьяна Львовна ёнида ўтирган Душан Петрович сўради:

— Лев Николаевичнинг Александра Андреевнага мактубларини мен жуда яхши кўраман.

Ҳамманинг кўнглини овлаш учун Татьяна Львовна шу хил мактублардан бирини дарҳол топди:

— «Жон буви, менинг мактубларим сизга нимага керак! У ерда, Петербургда яхши нарсалар бисёр, мен тамомила боциқа одамман. Мен қишлоқдан дэҳқонлар билан бир-бирингизнинг оғзи-бурнингиз қоп-қора қон бўлгунча уришишгина эмас, умуман, ёқалашмаслик

керақлиги хусусида тортишиб, сұхбатлашиб қайтаман ёки заминдорларнинг бизнинг замонда қизларни зўрлаб эрга бериши яхши эмаслиги ҳақида қўшнилар қулогига қуйиб қайтаман!..»

Софья Андреевна луқма ташлади:

— Лев Николаевич унинг қаршисида ўзининг яхши фазилати, бадиий томонини кўз-кўз қилади...

Татьяна Львовна бошқа луқма бўлмасмикин, дея сабр қилиб турди ва сўнгра ўқишида давом этди:

— «Ҳа, айтгандай, мен ажойиб иш бошлаганман, бир қадам нари кетолмайман — бу ҳам бўлса менинг мактабимдир. Декон болаларини тасвирлаб ҳикоя қилишининг иложи йўқ, уларни кўз билан кўриш керак. Мен уруг-аймогимизда булар каби ёқимтой болаларни кўрмаганман, кўз олдингизга келтиринг-а — икки йил бадалида бирортаси бирон марта жазо олмабди. Эриниш, қўйполлик, ноўрин гап-сўз ҳатто хаёлга келмайди. Мактаб биноси ҳарийб қайта қўлдан чиқарилди, бинога киришим билан...»

Лев Николаевич суратлар тўла альбомни столга қўйди. У хонадагилар сұхбатига, мактуб саҳифалари га диққат билан қулоқ осади ва унинг ажин босган юзи ёришиб кетади — у ўзининг навқирон ёшлигини эслайди, ўзини Ясная Поляна мактаби ўқувчилари қуршовида кўради, бироқ тўсатдан эшик очилиб, кекса фотограф кириб келади. Нима қилишини, нима дейишини билмай туриб қолади, Татьяна Львовна ундан, нима керақлигини аниқлаш учун ўқишини тўхтатгач, фотограф Софья Андреевнага мурожаат қиласиди:

— Хоним, хонага кириб келганим учун узр сўрайман, лекин тушдан сўнг кун оға бошлайди, соат бешдан кейин олинган суратнинг эса яхши, сифатли чиқишига кафолат беролмайман.

Лев Николаевич тутақиб кетди:

— Бу одам ким ўзи ва нима демоқчи?

Кекса фотограф таомил бўйича ўзимни-ўзим таништиришим керак, деган хаёлга борди. Узоқ, бесўнақай таъзим қилди ва деди:

— Рухсатингиз билан, Лев Николаевич, мен Шапиро бўламан, петербурглик фотограф. Россиянинг энг яхши ёзувчилари, кимни кўриш менга насиб қилган бўлса, шахсан ўзим суратларини олганман. Бу сурат-

лардан мен, ўзига хос ҳужжатли галеряя, альбом тузмоқчиман...

Софья Андреевна шошилиб ўрнидан турди, бориб Лев Николаевичнинг ёнига ўтириди ва эркалаб деди:

— Лёвочка, худо ҳаққи, ташвишланма. Мен тўйимиз бўлиб ўтган кун шарофати билан бир нечта суратга тушиб қўйиш учун сураткашни таклиф қилгандим ва йўқ демаслигингга қарийб ишонган эдим...

Бахтга қарши, Шапиро ортиқча гапдон чиқиб қолди:

— Сир бўлмаса, хоним, неча йил бурун әканлигини билиб қўйсам дегандим...

Софья Андреевна унга қаҳрли қараб қўйди.

— Биз, сиз билан анави ерда аппаратингизни ўрнатишингизга, кейин биз унинг қаршиисига бориб туришга келишган эдик.

Шапиро индамай чиқиб кетди, Лев Николаевич бўлса қатъий деди:

— Аппарат қаршиисига бориб туришни хаёлимга ҳам келтирмайман. Сураткашлик иши ҳамиша менинг ғашимга тегиб келган.

— Лёвочка, қанча вақт олиши мумкин! Бир дақиқа, ундан кўпга чўзилмайди.

— Гап қанча вақт олишида эмас, менинг бу юмушга муносабатимда Боз устига, менинг эски суратларим тўлиб ётиби! Бу суратлар ёнига серсоқол бобонинг яна бир нусхаси қўшилса бирон нарса ўзгарадими?

Андрей Львович ҳурмат-иззатли оҳангда деди:

— Кўп нарса ўзгаради. Оиласиздаги келишмовчиликлар ҳақида матбуотда кўпдан бери ҳар хил гапларни ёзиб келишади, тўй бўлиб ўтган кун шарофати билан тушилган сурат босилиб чиқса...

Лев Николаевичнинг азбаройи жаҳли чиққанидан жони ҳалқумига келаёди.

— Шу етмай турувди! Жамоатни тинчлантириш учун Ясная Полянада концерт уюштириш!

Софья Андреевна илтимос қилди:

— Лёвочка, менинг учун суратга тушмоқчи бўлмасанг, биз иккаламиз шунчалар суйган ўша ёқимтой мавжудот хотираси учун туша қол. Агар у тирик бўлганида, биз уни албатта ёнимизга олиб, уч киши суратга тушган бўлардик...

Толстой бир бурчакка борди, ҳаммадан юзини ўгирб үтириди, ўзини узоқ тинчлантириди ва ниҳоят чурқэтмай розилик берди.

Софья Андреевна ўрнидан турди.

— Раҳмат сенга, дўстим.

Сўнг эшик томон юаркан, ўғлидан илтимос қилди:

— Юр. Сураткаш аппаратини тўғрилаб созлаб олиши учун сен Лев Николаевич ўрнига турасан, Лев Николаевич чиқиб тўғри сенинг ўрнингга туради, қарабсанки, суратга тушамиз-қўямиз.

Ҳамма сураткашнинг уй олдида аппаратни бир нуқтага тўғрилаб созлаб олишини кўриш учун чиқиб кетди, Лев Николаевич ва Булгаковгина қолишиди. Лев Николаевич ундан аста сўради:

— Валентин Фёдорович, аппарат қаршисида ўзингизни қандай тутиб тура оласиз? Биласизми, мен бирон-бир ҳазил қилиқ қилишдан — оёқ кўтаришми, тил чиқаришми, хуллас, аранг ўзимни тийиб қоламан...

Булгаков кулди:

— Менимча, аппарат қаршисига турган ҳар бир одам ўзини шундай ҳис қилади.

— Сизнингча, шундайми? Софья Андреевна ҳам ўзини шундай ҳис қилишига имонингиз комилми?

— Софья Андреевна хусусида кафолат беролмайман...

Шу пайт Шапиро кириб келди ва иккинчи маротаба пешонаси ерга теккудек таъзим қилгач, деди:

— Жаноблар, ҳамма нарса тайёр.

— Бунчалик таъзим қилиш керак эмас, буни менинг ўзим ҳам биламан.

— Кечирсинлар...

— Ҳа йўқ... такаллуғсиз кутиб олганим учун мен сиздан кечирим сўрайман. Илтифотингизни дариг тутмай гуноҳимни кечинг. Мен нимаики гапирган бўлсан, сизга, сизнинг ҳунарингизга ҳеч бир алоқаси йўқ, умуман, бошқа сабаб билан айтилди.

Кекса сураткаш жон деб ярашишга тайёр эди.

— О, безовта бўлганга арзимайди! Биз сураткашлар врачларга ўхшаш оиласвий сирларни ичимишга ютиб кетаверамиз. Бу — бизнинг бурчимиз!

Сураткашнинг бу гапидан Толстой бир қур ҳайратга тушди.

— Шундай денг! Сиз нима, яхши сураткашмисиз?

— Ўзимни ўзим мақтاشим бирмунча ноқулай, аммо мен олган суратлар рус киборларининг уйини бе-зайди, журналларга ишлаган суратларим ҳақида оғиз очмасам ҳам бўлаверади...

Толстойнинг бу сураткашликка алоқадор қандайдир фикри бор эди, сўраб бафуржа билиб олмоқчи бўлди-ю, гап нимада эканлигини ҳадеганда эслолмади. Кейин, эшикка етганларида, ёдига тушиб сўради:

— Рангли сураткашлик ҳақида нима дея оласиз? Соч ҳамда кўз, умуман, бизни ўраб турған табиат рангини тўла акс эттирадиган сурат тайёрлаш мумкинми?

Кекса сураткаш яна бир маротаба таъзим қилди; бу сафар қойилмақом чиқди.

— Ўша кунларга етиб бориш умидидаман, гапларимга ишонинг, насиб этса, Россияда биринчи рангли сурат...

Толстой эшикни очиб, қуруққина қилиб деди:

— Йўқ, кераги йўқ. Ўша кунларга етиб бормасам керак. Кейин, очигини айтганда, мен рангли сураткашликка буткул ишонмайман. Бу ҳақда Чертков менга кўп нарсаларни айтиб берди, мен барибир ишонмайман. Бунинг бўлиши мумкин эмас.

Улар ҳовлига чиқишиди. Боён уий олдида талайги-на одам тўпланганди: меҳмонлар ҳам, уй ичидагилар ҳам, тиланчилар ҳам, художўйлар ҳам бор эди. Софья Андреевна ҳаммага кулиб боқар, таъзим қиларди, бу намойишкорона илтифот Толстойнинг яна ғашига тегди, фифонини оширди. У Софья Андреевна ёнига бориб турди. У меҳр билан Лев Николаевичнинг қўлтиғидан олди, шу топда у раҳмдил ва хушфөъл эди, Лев Николаевич ҳорғин ва жаҳли чиқиб турарди. Кекса сураткаш эр хотинни бир ёстиққа бош қўйганларига қирқ саккиз йил тўлган кунда суратга олди, бу Толстойнинг сўнгги сурати бўлиб қолди.

Бўри ўша куни шом тушгунга қадар тақир қояда қўмир этмай ётди. У қояга шунчалик ёпишиб олган эдики, гўё қояга қўшилиб ўсгандай кўринар, қояга айланаб ҳолгандай эди, аммо борлигининг қандайдир кичкина бир қисми ҳамон умид қилар, буткул узоқлашган, уни тарқ этган нарсадан, жилла қурса, бир

томчисининг қайтишини кутар, лекин ҳеч нарса қайтиб келмасди. Шом қўнгач, аста кўзини очди ва пастда, нақ тумшуғининг тагида жарликни кўрди ва сеҳрлангандек тикилиб, оқшом қоронғиси оралаётганини, қоронғига уйғуналашиб кетаётганини кузатди, бу жарлик сўниб бораётган ҳаётига сўнгги дарча эди.

Тунда, Ясная Полянадаги уйда ҳамма уйқуга кетганида, соат учга бонг урганида, Лев Николаевич ўрнидан турди, ёгув столи тепасига келди, шамни ёқиб, кундаликка ёзиб қўйди: «Бирдан-бир, энг сўнгги имконият қолди. Унга қарши яхшилик билан курашиш керак. Мен бу уйда яшашимни фақат яхшилик билан орқага суришим мумкин, агарда орқага суришнинг имкони бўлса».

Бу фикрдан чўчиб тушди. Орқага қаради, тунги халатини кийиб олган Софья Андреевна эшикда турарди.

— Лёвочка, ёзган нарсангни ўқишини истайман,— деди паст овозда.

Толстой ёзганларининг устига қўлини қўйиб, яширган бўлди.

— Бу ёзувни сенга кўрсата олмайман.

— У ахир менга тааллуқли-ку!

— Ҳа, сенга тегишли.

— Агар бу ёзувни менга кўрсатмасанг, ётиб ухломайман. Мен ҳақимда нима ўйлаётган бўлсанг кун-бакун билиб боришим керак. Мен барчанинг ва худонинг ҳам қаршисида сенинг хотинингман.

Лев Николаевич ўрнидан турди. Азбаройи жаҳли чиққани, аччиқланганидан вужуди қалт-қалт титради.

— Менинг сўзларим ва менинг фикрим эркимнинг асоси ва мен уларни кимнинг қаршисида бўлмасин, ҳимоя қиласман...

Софья Андреевна хонадан чиқди, Лев Николаевич шамни ўчирди ва ўрнига ётди. У ухламас, аммо бутун диққатини бир жойга тўплаган ҳолда тун сукунatiга қулоқ солиб ётарди. Ҳатто шу вақтгача ҳеч қандай чегарани, ҳеч қандай нормани тан олмаган, ҳеч қаҷон дам олиш нималигини билмаган, унинг буюк ёрдамчиси — ички овози ҳам бирдан жимиди. Кейинчалик,

узоқ кутишдан сўнг, кўзи қисилиб келди-ю, қисқа уйқуга кетди, соат тўртларда яна уйғонди. Қўшни хонадан, ижодхонадан заиф чироқ шуъласи тушиб турар, қоғоз шитирлагани эштиларди. Лев Николаевич жим ётар, бироқ унинг руҳи, унинг ички овози бирдан фавқулодда хотиржам ва қатъий гапира бошлади: «Энди мен кетаман. Зудлик билан, уйдаги шов-шув босилиши биланоқ, шу тунда кетаман. Уйдан чиқиб кетишим учун куч-қувватимни тийишим керак, ўзими-ни-ўзим эҳтиётлашим зарур. Ҳозир энг муҳими — томир уришини санаб бориш. Энди ҳеч нарса ҳақида ўйлама, энди ўнг қўйл томир уришидан муҳимроғи йўқ. Шундай қилиб санай бошлаймиз: бир, икки, уч, тўрт... Үн бир, ўн икки, ўн уч, ўн тўрт...»

Софья Андреевна шамни пулфлаб ўчирди. Хонадан аста чиқди, мана унинг қадам товушлари йўлакдан ҳам эштилмай қолди. Соат тўрт яримга бонг урди. Лев Николаевич уйдагилар қачон уйқуга кетиб, сукунат чўкишини кутиб ётар ва санаради:

— Етмиш етти, етмиш саккиз...

*Бўри сакради. Ўтган умридан ҳеч нарса қайтиб келмайди, бу аламзада сакраш эди; бу уни қоя устида ўлиқ топиб олишлари ва у сўнгги кучини бирон нарса-га сарфлаёлмай чангга айланиб қолишини ўйлаб даҳшатга тушиш оқибатида сакраш эди; облавани ҳис қилиши, облава қонун-қоидаларини билиши, ёлғизлик, сўнгги кунлардаги мудҳиш ёлғизлик ва бирдан унинг қаршисидан чиқиб қолган, шом қоронғисига йўғрилиб кетган манави жарлик — буларнинг ҳаммаси ҳайратомуз бир дақиқага, бир нафас олишга, бир сакрашга ўғуналашиб кетди.*

*У сакради.*

*Борлиқ узра сукунат ва осойишталик қўнди, бу сукунат ва осойишталик ортидан бошқа ҳеч нарса келмади, кўринмади.*

Тун ярмидан оққанда уйқусираган отбоқар, ортиқча тақири-туқур қилмасликка ҳаракат қилиб, отларни эгарлади ва Ясная Полянанинг гиштин дарвазасидан ташқарисига олиб чиқди. «Қирқ саккиз йиллик мен

билан ўтган ҳаётинг учун миннатдорчилик билдираман ва неки гуноҳим бўлса кечиришингни сўрайман, ўз навбатида мен ҳам сени чин кўнгилдан кечираман».

Александра Лъвовна иссиқ кийимлар олиб чиқиб берди. Душан Петрович лампа чироқ тутиб Лев Николаевичнинг әгарга ўтиришига қарашиб юборди. Отлар юриб кетди. Аммо дам ўтмай яна тўхташи ва Маковицкий шошилинч изига қайта бошлади.

— Душан Петрович, нима бўлди?

— Саша, азизим, клистирни унугибиз. Ёшсиз, кўзингиз яхши кўради, югуриб бориб опкела қолинг.

Александра Лъвовна югуришга тараддулланди-ю, кейин тўхтади ва сўради:

— Балки бир амалларсизлар?

Маковицкий ўйлаб туриб қолди.

— Йўқ, клистир бўлмаса йўлга чиқолмаймиз.

Мана, клистир докторнинг қўлида ва отлар гўё бу мўъжизага ишонмагандек иккинчи маротаба юриб кетишиди. Тун қўйни ёкириб кетадилар, сукунат чўкади, мовий осмон ва Ясная Полянадаги бутун икки қаватли ғиштин уйда биргина милтиллаган чироқ қолади.

Ўша, бир минг тўқиз юз ўнинчи йилнинг тунида дунё шаҳарлари сокин, осуда ва қаттиқ уйқуда эди. Одамлар гийбатлардан, бойлик ортиришдан, сайлов олди кампаниясидан чарчаб, ҳолдан тойиб ухлашарди. Гарчанд улар ухлаб ётишган, дунёда сокинлик ва осоишталиқ ҳукмрон бўлса-да, Ясная Полянадан Засека темир йўл бекати томон чўзилган қишлоқ йўлидан арава тарақлаб борарди ва дунё шаҳарлари сутчиларнинг овозидан эмас, дарвозабонларнинг ҳовли супуришидан эмас, черков ва ибодатхоналарнинг қўнгироқларидан эмас, балки ўша вақтда ҳали янги бўлган телеграф аппаратининг жонсиз тиқирлашидан уйғонди. Газеталар йирик-йирик ҳарфлар билан ёзилган сарлавҳалар билан чиқди: «Толстой йигирма саккизинчи октябрда, ҳали тонг ёришмасдан, соат бешда Ясная Полянадан чиқиб кетди. Лев Николаевич доктор Маковицкий билан бирга чиқиб кетди. Софья Андреевнанинг номига ёзилган хатда у оиласи билан илиққина хайрлашган ва энди у дабдабали шароитда ортиқ яшолмаслигини ёзган ва ҳақиқий христиан сифа-

тида узлатга чекилган эди». Инглиз газетаси «Таймс», дунё таянч нуқтасини йўқотиб қўйди, деб ёзганди. Бу буюк кекса Тула яқинидаги чорбоғида тинчгина умр кечираётганида инсоният у билан кутилмаган бирон-бир воҳеа содир бўлмаслигини биларди, бироқ мана, Толстой ўз қарергоҳини ташлаб чиқиб кетди, эндиликда дунё эртанги кун унга нима олиб келишини билмайди...

Газета сотувчилар дунёниг йирик шаҳарлари кўчаларида унинг номини айтиб бақириб-чақиришаркан, саксон икки ёшли Толстой одамларга лиқ тўла, ишчилар учун мўлжалланган, ўша вақт ибораси билан айтганда; учинчи класс вагонда кетиб бораради. Шовқин-сурон, тарақа-туруқ овозлар, вагон тамаки тутунига тўлиб кетган, бу ҳам етмагандек ўта манман мансабдор, дунё ҳақидаги фикрини Лев Николаевичга тушуниришини ўзининг бурчи деб тушуниб, унинг ёнига ўтириб олганди. Козельскка етиб келишганда толиқцан Лев Николаевич поезддан тушиб қолди. Маковицкий билан бирга ўша вақтда Россияяда машҳур Оптина Пустинъ ибодатхонасига отлиқ жўнашди. Бир амаллаб тонг оттиришди, эртаси куни гира-ширада яна йўлга тушишди, бу сафар Шамордино ибодатхонасини кўзлаб юришди.

Лев Николаевичнинг кенжা синглиси Марья Николаевна кўп йиллардан бери Шамордино ибодатхонасида яшаб келарди. Оиласи, икки фарзанди бор эди, лекин ўша вақтдаги оқсуяқ рус киборлари таомилидагича, болаларини вояга етказгач, у ибодатхонага роҳи-баликка ўтганди. Синглисининг бу қилмишини Толстой маъқулламаган ва ёзган мактубларидан бирида Марья Николаевнани тентак деб атаганди. Бу мактубга жавобан табиатан мулоийм ва босиқ Марья Николаевна акасига гулли диван ёстиқчаси тикиб унинг четига дона-дона қилиб қўйидагиларни ёзган ва ҳада этганди: «Лев Николаевичга шамординолик тўрт юз тентакларнинг биридан».

Ўз-ўзидан маълум, Лев Николаевичнинг черковдан юз ўгириши кўнгилчан ва художўй Марья Николаевнага қаттиқ ботди. Гарчанд у акасининг бу иши учун бир оғиз сўз айтмаган, таъна қилмаган бўлса-да, бирдан сўлиб, қарип кетди. Толстойнинг албатта бундан хабари йўқ эди. Ясная Полянани бир умрга ташлаб

кетаркан, қариндошлари, оиласи ва шу вақтгача яшаб келган муҳити билан хайрлашаркан, бесабаб Шамордино ибодатхонасига йўл олмаганди. Толстой вақт оз қолганини, афтидан, сезар ва шунинг учун шошиларди. У Оптина Пустинъ ибодатхонасидан чиқиб Шамординога йўл солган кун тонгига совуқ ёмғир ёға бошлиди. Маковицкий ёмғир тиниши, ҳавонинг очилишини кутиш ва сўнгра йўлни давом эттиришга қарши эмасди, аммо Толстой шошиларди. Улар усти очиқ аравада йўлга чиқишиди ва бу ёмғирдан Толстой шамоллади, бу шамоллаш унинг ҳаётида сўнггиси бўлиб чиқди.

Бечора Марья Николаевна ўз ҳужрасида уни ивиб кетган, совуқ қотган, гангриб қолган ҳолда кўриб, даҳшатга тушибди:

— Лёвочка, азизим, сени кўрганимдан бошим осмонга етди, лекин уйда бир гап бўлганлигини кўнглим сезиб турибди...

— Уй — даҳшат! — деди Лев Николаевич. Овози титраб кетди, кўзи ёшга тўлди. Кейин, бирмунча ўзини босиб, деди: — Соня, менинг уйдан кетишимидан хабар топгач, ўзини ҳовузга отиби, чўкиб ўлмоқчи бўлибди, аранг олиб чиқишибди. Шундай, даҳшатли ҳаммаси.

У кучдан қолган, тинка-мадори қуриган, баҳтсиз эди ва ҳар доим ожизлик устун келган дақиқаларда бўлгани каби, бошпана излар, одмигина жой ахтарар, ўша ерда ўзини ҳаётга қайтариш, руҳий тиклаб олишини истарди. Бошпана йўқ эди, ўзи уни тарк этди. Мана энди Лев Николаевич шошилинч режалар тузмоқда: у дастлаб қишлоқдан биронта деҳқон кулбасини сотиб олиб, ўша ерда барча деҳқонлар қатори яшашни ўйлади, лекин у бирин-кетин телеграммалар олди, телеграммалар кичик ўғиллари, аксари, Андрей Львовичдан келган бўлиб, буларда уни уйга, Ясная Полянага олиб кетишмоқчи эканликлари маълум қилинганди, аммо унинг Ясная Полянага қайтгиси йўқ, чунки куни кеча ўша ердан бош олиб чиқиб кетди, энди синглисини кўрар-кўрмас, яна йўл тараддудини кўриш керак бўлиб қолди.

Шамординода у Маковицкий ва кейинчалик уларга келиб қўшилган Александра Львовна билан кичкинагина меҳмонхонада туришибди. Синглисининг олдидан

қайтиб келгач, Лев Николаевич қизи Сашани, Маковицкий иккалови харита тепасида бош эгиб ўтирганларининг устидан чиқди. Улар иккалови ҳорғин, эзилган кўринишарди. Толстой хонага кириб келганида Маковицкий хаританинг қайрилиб қолган четлари ни текислаб туриб деди:

— Бу ердан кетадиган бўлсак, жилла қурса, қаерга боришимизни билишимиз керак.

Толстой умри давомида олдиндан режа тузишдан қочарди. У реалист эди, у шу кун билан, шу ондаги муаммолар билан яшарди, жуда нари борса, у келаси кун бажарадиган юмушки кўлами, ҳажмини тахминан чамалаб олар, шундай бўлса ҳам чамалаб қўйган иши тагига албатта учта ҳарф: «а, т, б» деб ёзиб қўяр, бу «агар тирик бўлсан» дегани эди. Энди танлаб, режалаб ўтиришнинг ҳеч бир имкони йўқ эди, учовлари ўтириб, боришлари мумкин бўлган ўлканинг афзаликлари-ю, камчиликлари хусусида фикрлашиб олишди.

— Менимча,— деди Александра Льевона,— Бессарабияга борганимиз маъқул. Соядек эргашиб юрувчи толстойчилар...

— Саша, жонгинам,— деди Лев Николаевич,— мен толстойчимасман. Мен Толстойнинг ўзиман. Кирриб ухлайлик. Эрталаб дурустроқ бир гап чиқиб қолар.

Тун яримлаб қолганида, у Маковицкий ва Александра Льевонани уйғотди.

— Йўлга чиқайлик.

Негадир зудлик билан шу заҳотиёқ йўлга тушиш керак бўлиб қолди, шу боис, улар ҳатто Марья Николаевна билан ҳам хайрлашмай Шамординодан чиқиб кетишиди.

— Қочиб қолиш керак... Қочиб қолмасак, қувиб етиб олишади...

Улар, жилла қурса, Ростовга етиб олиш учун жанубга томон юришди, лекин Лев Николаевичнинг аҳволи борган сари оғирлашиб бораверди. Биринчи бекатдаётқ поезддан тушиб қолишга тўғри келди. Бекат одамлар, йўловчиларга тўлиб кетганлигидан қарияни аёллар бўлмасига олиб киришди, кўзгу олдида шляпаларини ўрнаштириб кияётган хонимлар серсоқол, ўйчан қария кириб келаётганидан беҳад ҳайратга тушдилар. Докторга одам юборишиди, шу ерлик доктор

бекат бошлигини бошлаб келди. Йўлни давом эттиришнинг иложи йўқ эди, аммо дардга чалинган, касал ёзувчини ётқизадиган жойнинг ўзи ҳам йўқ эди, шунда бекат бошлиғи Толстойга ўз уйини таклиф этди. Кекса ижодкор бу таклифни қабул қилди, шундай қилиб, ҳеч кимга таниш бўлмаган Астапово бекати бир кечада Россиянинг жаҳонга машҳур марказига айланди, бир ҳафта давомида дунё худо унутиб юборган бир чекка жойдан келаётган янгиликлар билан яшади.

Николай салтанати гёё истар-истамас аста, босиқ, вазмин ҳаракатга келди. Икки куч, икки қутб, икки қарама-қарши дунё ярим асрдан ошиқ вақт ёнмаён яшаб келди. Аммо фурсат етиб, оддий кундалик ташвишлар ва кексалик, ижодкор маҳкум этилган ҳақиқатга чанқоқлик ва абадий изланиш давлатлардан бирини, яъни Лев Толстойни иккинчи давлат чегарасидан ўтиб, унинг тасарруфидаги ерларга кириб бориша мажбур этди.

Ясная Поляна хизматкорлари боённинг бош олиб чиқиб кетганлигидан хабар топмай туриб, ҳали Софья Андреевнанинг ўзи бу ҳақда бирон гап айтишга ултурмай туриб, Толстойнинг кетиб қолганлигини маълум қилувчи телеграмма ҳокимият бошлиғи Столицин столида ётарди. Шу заҳотиёқ Петербургдан ҳарбий тревога эълон қилиниши ҳақида буйруқ жўнатилди ва Ясная Поляна драмасининг сўнгги кўриниши ўйналаётган ўлкаларнинг уч генерал-губернатори орасида бир-бирлари билан муттасил телеграф алоқаси ўрнатилди. Ўша кунлари телеграф нималарни маълум қилмади, Россиянинг юрагидан марказга ва орқага қандай сўроқлар учиб бориб келмади! Масалан, паспортини олмай Ясная Полянадан чиқиб кетган Толстой билан қандай муносабатда бўлиш керак? Зоро, ҳужжатсиз сайд қилиб юаркан, бу билан Толстой жорий этилган паспорт тартибини бузяпти. Бу борада икки йўл танлашди: паспортсиз кексага сайд қилини давом эттиришга ёки рухсат берилади, ёки уни куч билан тураржойига қайтариб олиб бориб қўйилади. Узоқ фикрлашувдан сўнг Рязань губернатори касал ҳужжатсиз ёзувчига истисно сифатида Астапово станциясида яшашга рухсат берди.

Иккинчи, муҳимликда ундан қолишмайдиган мазала: ким рухсат берди?! Генерал Льевов телеграф орқали Астапово станциясига тайин этилган ва ўша ерда истиқомат қиласидиган ротмистрни сўроққа тутди: «Толстойнинг давлат ихтиёридаги станция биносида, боз устига, касаллар учун мўлжалланмаган бинода туришига ким рухсат берди? Губернатор уни шифохона муассасисига ёки доимий тураржойига жўнатиши чорасини кўришни талаб қиласиди».

Ротмистр жавобан дудуқланди — касал-ку ахир, давлат ихтиёридаги квартирадан бўлак жой йўқ...

Толстой бетоблигининг учинчи куни губернаторлар ўз телеграммаларини шифрлар билан жойларга жўната бошлишди. Калуга губернатори Рязань губернаторидан сўрайди: 252 4325 8301 319 246 427 647563852. Революциядан сўнг бу шифрларни ўқишганда, рақамлар қуидагича маъно билдириди: «Тартибни сақлаш учун ёрдам керак бўлса миршаб ва назоратчилардан юборишим мумкин». Жавобан тўғридан-тўғри, шифрланмаган телеграмма жўнатилди: «Ўқ-дори, қурол билан етиб келишингизни Астаповода кутамиз...»

Дастлаб кичкина бўлинмалар, кейин эса бус-бутун полклар Астапово станцияси томон ўрмалай бошлидади. Улар яқин-атроф қишлоқларда ҳар эҳтимолга қарши, мабодо оғир бир дард Россия юрагини титратиб юборса ва у буюк қария жасади билан видолашиб учун қўзгалгудек бўлса, йўлини тўсишга шай туришарди.

Бу вақтда Лев Николаевич ўзининг мўмин-қобилиги ва саришталиги билан ҳамманинг юрагини эзиб, станция бошлигининг уйидаги ётарди. Ҳароратини ўзи ўлчар, ичаётган дориларининг тартибини ўзи кузатарди. Унинг бу юмшоққўнгиллиги врачларнинг ўз зиминаларидаги юмушларини совуққонлик билан адо этишларига халақит беріб, асабларига тегарди. Ёнинчи куннинг тонготарида у бир оз дам олгач, ёнига йиғлайвериб шишиб кетган Александра Льевонани чақирди:

- Хўш, нима гап, Саша?
- Нима бўларди, яхши иш бўлмаяпти...
- Хафа бўлма,— деди Лев Николаевич,— дунёда яхши одамлар кўп, сизлар бўлсангиз нуқул Лев, Лев деяверасизлар...

Тана ҳарорати дам пасаяр ва яна қирқ даражага кўтарилиб кетарди. Врачлар ўпка икки томонлама шамоллабди, деган қарорга келишди. Оила аъзолари етиб келишди, Чертков келди, йирик газеталарнинг мухбирлари станцияда навбатчилик қилишарди. Бир сафар Толстой алаҳсираб боши тагида Ясная Поляна даги ёстигини таниб қолиб, қандай қилиб бу ерга — Астапово станциясига келиб қолди, деб сўради. Уни ортиқча безовта қилмаслик учун оила аъзолари етиб келганларини яширишди, лекин ёстиқ туфайли сир фоши бўлиб қолишидан чўчиб, Татьяна Львовна келди, дейишди. Лев Толстой, у бу ерга кирсин, дея сўради ва у хонага киргач, ҳайрат-ла деди:

— Жуда башанг кийиниб олибсан, кўркам...

Бироқ унинг аҳволи соат сайин оғирлашиб борарди. Москвадан иккита профессор — Шуровский ва Усовни чақиртиришга тўғри келди ва давлат томонидан Астапово станциясига ўрнатилган телеграф маркази туну кун бутун дунёга хабар бериб турди: Толстой тирик, Толстой тирик. Тана ҳарорати, томир уриши, нафас олиши. Имзо чекувчилар — Маковицкий, Никитин, Шуровский, Усов, Беркенгейм. Орадан икки соат ўтгач, янги бюллетень ёзилди ва яна телеграммалар жўнатилди: Толстой тирик, Толстой тирик. Қон томири уриши, нафас олиши, тана ҳарорати. Яна маълум ва машҳур профессорларнинг имзоси, аммо дунёга Толстой ҳаёти сўниб бораётгани аниқ ва равшан эди.

Совуқ, қаҳратон тун, Толстой ҳаётининг сўнгги туни. Иссиқнинг зўриданми, кўзига Дэлир кўриниб кетди, у отнинг оёқ товушини эшитяпти, уни эгарламоқчи, уни тўғри йўлга солмоқчи бўлади, бироқ итоаткор, ёқимтой Дэлири ҳаётида биринчи маротаба бўй бермай кекса графни, худо билади, қаёқларга олиб қочяпти, Толстой кичкина темир каравотда инграйди, тўлғанади. Бурчакда Александра Львовна ўтирибди. Лев Николаевич бирдан жимиб қолди. Бу сукунат уни алдаб қўйди. У мудрай бошлаган ҳам эди, бирдан даҳшатдан уйғониб кетди. Бемор каравотдан оёғини осилтириб, туришга ҳаракат қиласарди, буни кўриб у Лев Николаевичнинг ёнига отилди:

— Қимирлама, ўриндан туришни врачлар қатъян ман этишган.

— Менинг кетишим керак. Албатта кетишим керак.

Лев Николаевич мадорсиз оёқларида турар, қизини койир эди:

— Қўлингни теккизма, мени куч билан ушлаб қолишга ҳаққинг йўқ...

Уй остин-устун бўлиб кетди. Чертков, доктор Никитин, Душан Петрович ва Татьяна Львовна югуриб келишди, касални аранг ўрнига ётқизишиди, камфора томизишиди. Лев Николаевич бир оз тинчланди ва ҳамма ухлаб қолди, деган қарорга келганида у бирдан қўлини мажолосиз кўтарди. Чертковни чақириб, аранг эштиладиган овозда сўради:

— Азизим, мен, мана, икки кундирким, бирон сатр таҳрир қилмаяпман, кейин тугалланмаган ишлар талайгина тўпланиб қолди. Қўллэзмаларни қандай қилсам таҳрир қила оларканман...

Чертков Лев Николаевич боши узра әнгашиб сўради:

— Қайси қўллэзмани назарда тутяпсиз?

Толстой нафасини ростлади, кейин деди:

— Қайсиниси бўлса ҳам барибир. Мен ахир сўнгги икки кун тиним билмай айтиб ёздириб турибманку!

Чертков Александра Львовна олдига борди. У бўлса, ҳеч нарса йўқ, дегандек қўлини юқори кўтариб ишора қилди. Яна пичирлаб қўйди:

— Кичкина кундалиги ёстиғи тагида, бошқа нарсаларни биз ёзиб борганимизча йўқ, бошқаси алаҳсираш вақтидаги гаплар.

Толстой ошиқарди, унинг вақти жуда ҳам кам қолганди.

— Таҳрир қилинмаган саҳифани ўқиб бера қолинглар.

Чертков нима қиласини билмай тутилиб қолганини сезиб, Лев Николаевич деди:

— Фавқулодда юмшоқкўнгил, хушфъел одамсизку, ўқиб беришни хоҳламаётисиз...

Чертков хонада у ёқдан-бу ёққа юра бошлади. Александра Львовна шивирлади:

— Айтгандек, ўлим жазосини бекор қилиш ҳақидаги мақолага оид фикрлар бор, аммо мен ўқишига журъят этолмаяпман — ўринсиз иш бўлур эди.

Чертков унинг қўлидан қоғозларни юлқиб олди ва кўз югуртириб чиқди.

— Қачон ёзиб олинганди? — дея сўради.

— Утган куни. Поездда.

У касалнинг бош томонига бориб ўтирди ва ўқишга тутинди:

— «Бизнинг даврда ўлим жазосига қарши курашиш учун очиқ эшикларни бузиб кириш эмас, ўлим жазосининг мантиқсизлик, бемаънолик, даҳшатлилик ва маънавий тубанликка қарши ғазабланишни кўрсатиш керак эмас. Балки...»

— Ҳаммасини охиригача ўқиса бўлаверадими? — сўради паст овозда Чертков Маковицкийдан.

Маковицкий томир уришини пайпаслаб кўрди, жавобан ҳеч нима демади, Чертков қисқа тин олгач, ўқишни давом эттириди:

— «Кантнинг ажойиб гапи бор, шундай янгилишишлар борки, уларни инкор этиб бўлмайди. Янгилишган кишига шундай билимларни етказиши керакки, бу билимлар унинг фикрини равшанлаштиради ва оқибат, янгилишиш ўз-ўзидан йўқолиб кетади. Шундан келиб чиқиб, агар гап ўлим жазосига қарши қураш хусусида бораркан, одамларга ва айниқса дунё устунларининг қулогига шуни қўйиб қўйиши керак ва улар бу йўлда билимлардан, уларни янгилишишлардан фориғ қила-диган билимлардан фойдаланснанлар».

Чертков ўқишдан тўхтади. Уртага сукунат чўкди. Лев Николаевич қўлини кўтариб сўради:

— Яна. Охиригача.

Чертков яна ўқишга тутинди:

— «Бунга осонликча эришиб бўлмаслигини биламан. Жаллодларнинг ёллаган кишилари ва уларнинг ишини қўллаб-қувватловчилар бу каби билимларнинг ўзлари эгаллаб турган мавқени ушлаб туришда ожизлик қилиб қолишини табиат берган «нозик» сезги билан англаб олишлари оқибатида, улар бу мавқега тиштироқлари билан ёпишиб олишган, наинки бу билимларни ўзлари ўрганишади, одамлардан яшириш учун қўлларидан келган барча ёвузлик, макр, зўравонлик ва қаттиқ-қўлликни ишлатишади ва бу билимларни бўйтонга чиқаришади, бу ҳам етмагандек билимни тарқатувчи хатти-ҳаракатларини чегаралаб турли кулфат ва балоларга мубтало қилишади».

Гарчанд Чертков диққат билан саҳифадан кўз узмай ўқиётган бўлса-да, қандайдир туйғу, касалнинг аҳволи яна оғирлашганини англади. У саҳифани бир чеккага қўйиб, касал устига энгашди. Лев Николаевичнинг қўли енгил титраб, адёл узра сирғанаарди. Узининг сўнгги мақоласини охиригача эшитишга улгурмай у таҳрир қилишга ошиқарди. У бутун умри давомида сон-саноқсиз таҳрир қиласарди, ўз меҳнатининг мукаммал бўлишига интилиш санъаткорлар орасида буюклардан буюги ҳаётининг энг олий талаби эди.

Маковицкий томир уришини санади, нафас олишига қулоқ солди ва одатда вазмин гапирувчи одам, бирдан бутун уйда эшитиладиган қилиб бақириб юборди:

— Камфара! Морфий!!!

Эрталаб телеграф аппарати ёнига Толстой қазоси ҳақидаги қайгули хабар ёзилган саҳифа тушганида, уйқусизликдан чарчаган телеграфчи чўчиб тушди. Кейин ўрнидан турди. Орқага тисарилди, деворга ёпишиб олди.

— Йўқ, қўлим бормайди, мен бу ишни қилолмайман! Уч кундан бери у ҳаёт, у ҳаёт деб хабар берадётгандим, бутун дунё менга ишонарди ва эндиликда мен бу хабарни маълум қилолмайман...

Сўнг у девор тагида анчагача йиғлаб турди, кейин ўзини қўлга олиб, аппарат олдига келди, диққат-диққат белгисини берди, аммо шу ондаёқ қўллари пастга шилқ этиб тушди ва у паст овозда деди:

— Йўқ, менинг қўлимдан келмайди. Россия мени лаънатлади, қўлларим шол бўлиб қолади. Узилиб тушади. Ҳамкасабамни уйғотинглар.

Бу орада ёмғир ёғиб ўтди, Россия узра қуёш юзини кўрсатди. Петербургликлар аёзли қиши фасли арафаси исиниб олиш учун кўчаларга югуриб чиқишарди. Шаҳар байрам либосида ва ҳорғин кўринарди. Овдан қайтган сарой аҳли ов тафсилотларини бири олиб, бири қўяркан, тушга яқин подшо столига Лев Николаевич ўлими ҳақидаги хабар келтириб қўйилгач, император қинғир-қийшиқ хати билан калондимоғлик

ва илтифот-ла ёзиб қўйди: «Толстой буюк санъаткор эди». Ба, бир оз ўйлаб, илова қилди: «Начора, ҳаводаси худога». Афтидан, у Толстойнинг қайсиadir гуноҳидан ўтишга ўзини-ўзи зўрлагандек бўлди.

Қуёш кўкда кулиб турган шу ажойиб кунда, Засека станциясида беҳисоб оломон тўпланди. Одамлар марҳумнинг жасадини олиб келиши керак бўлган поездни кутишиб, кечаси билан гулхан ёқиб чиқишиди. Тобутни тонг палласи юк поездидаги олиб келишиди. Қўшни қишлоқдан келган дэҳқонлар қўлда тўқилган қўупол матога ўралган мэрҳум жасадини ташландиқ дала йўлидан кўтариб Ясная Поляна чорбоғи томон юришиди, кети кўринмайдиган одамлар оқими изма-из борарди.

Олдинда Ясная Поляна дэҳқонлари боришарди. Улар иккита ходага тортилган матони бошлари узра кўтариб боришарди: «Лев Николаевич! Сенинг раҳмдиллигинг бизнинг, етим қолган Ясная Поляна дэҳқонларининг қалбидан ўчмайди!» Тобут ортидан қариндош-уруғлар, оила аъзолари келишар, улардан кейин эса турли миллат, турли синф, турли ёшдаги одамлар келар, бу оқимнинг энг охирида шамоллаган, юм-юм йиглаётган тиланчи Фадей судралиб борарди.

Лев Николаевични кечқурун Ясная Поляна ўрмонида дағи әтишди. Гулчамбар ҳам қўйишмади, нутқ ҳам сўзлашмади, марсия ҳам айтишмади. Оила аъзолари, қариндош-уруғлар марҳум билан лаҳад оғзида сўнгги бор хайрлашаётганда, Чертковга Толстойнинг ўнг қўл кўрсаткич бармоғи ҳамон қимирлаётгандай бўлиб кўринди. Ярим аср давомида тинимсиз ишлаб дунёга ўлмас дурданалар ҳадя этган қўл, жон таслим қилганининг учинчи куни ҳам ҳамон ҳаракатда бўлиб кўринди. Аммо нималар ёзяпти ва уларнинг маъноси нима — биз буни ҳеч қачон билолмаймиз!

1969—1970 йиллар